

# सिन्धु

स्वसापासा




प्रधान सम्पादक  
प्रेमबहादुर कसा:

दिल्ला गुंला

६५

तःताजि डिजाइनया बांलाःगु, बल्लाःगु,  
दंगु अले भिंगु डबल निटेड मोजा

# धु छाप नाइलन मोजा



छयलादिसँ

नेपाल निर्दिग इण्डस्ट्रिज (प्रा.) लि.

ज्यासः - नयाँ बजार,

फोन ल्याः १२-६८८

वितरक - थँहिति,

फोन ल्याः २-११८२५



# ‘सितु’ (साहित्यिक निलापौ)

द्विधा २५-  
आजीवन ३००१-  
सह-संरक्षक १०००१-  
संरक्षक ५०००१-

प्रधान सम्पादक

व  
प्रकाशक

प्रेमबहादुर कसा:



सम्पादक

पूर्ण वैद्य



सह-सम्पादक

पुष्प चित्रकार

बुद्ध सायमि



व्यवस्थापक

दवल काजी तुलाधर



उपाध्याय

५०३, कोल त्वा:  
मासपत्रिके १०  
फो. नं. २, १३७१४

शुभु ल्याख्य

१. पुलांगु पद्य व गद्य-

नृचन्द्रः प्रेमबहादुर कसा: क

कविता

२. सुदन खसःया निपु कविता- सुदन खसः ६
३. जिगु उपर्यका. . . . . - रमेश मधु २४
४. खर्बि तिकिनंगु छुं कविता- सुन्दर मधिकर्मि ३१
५. स्वनिगलय सुथ- सर्वेश्वर दयाल सक्लेना ३६
६. चयपुया लाकाकायेत वदुच्चना- " " " "

बाखं

७. जि मभिहा मखु- मणिका मोहिनी ११
८. न्हिखिलाधि- हरिशंकर रंजितकार १५
९. ह्वंके ज्या अज्ञात ३०
१०. तज्जा: तपुलि- (चिनिपा लोक बाखं) ४१
११. छि गन ध्यनाचवन ? विनय कसःजु ४७
१२. बिलो छह खं खः - एलेषा लिडस्ट्राम ४९

लेख/निबन्ध

१३. राजवंशितय छो व ओम्हा- स्वयम्भूलाल श्रेष्ठ १
१४. बोवसीया बाखं अयोध्या प्रसाद प्रधान १८
१५. छवनि सिद्धान्त छु बिल ? - रत्नध्वज जोशी २५
१६. किय कपा- श्याम २७
१७. सगंया सुवा:दुने हापुसा- तेजेश्वर बाहु 'गंग:' ४२
१८. गान्धारी विद्या (संगीत)- सुश्री शान्ता तण्डकार ४४

भाषा

१९. सरावती सु ? एव खंका:या अर्थ छु ? - रमापतिराज शर्मा ६२
२०. थागु पुलांगु खंव: हासिका दित्त- नृचन्द्रः आदिवज्र ४८

विज्ञान

२१. आनुवंशिक-इन्जिनियरिंग. . . - गौरीशंकर मानन्धर ८३

लुमन्ति (संस्मरण)

२२. महाकवि 'हृदय' किचलय- आनन्ददेव भट्ट ५२

थातं-पौ

२३. न्याल्ल. . . व्यां
२४. थःगु खं

## थःगु रवं

भाषा-अभिव्यक्तिया मंकाः थल खः । ज्ञान, अनुभवया कालविल यायेगु कुथि खः । उकि याकःच्या भाषा दये फइमखु । देया कला, साहित्य थें हे भाषाया श्रष्टा नं व्यक्ति विशेष मखु । लोक खः । जनता खः । व्यक्तिया अध्ययन, अनुभव भाषाया थलम् प्वंकलकि व छह-सियाजक मजुसैं सकसियां जूवनी । न्ह्यापेंजाःगु गहन अनुभव, जटिलतम सिद्धान्त नं भाषाया खंग्वलं जः छेनकि सामान्यकरण जुयाः जन-मानसय् न्यनावनी । भाषाया जीवित अस्तित्वया आधार हे जन-स्वचु खः । जनता कय्च्यानाचवंतले भाषा घइगु गबलें नं सिइमखु । उकथं हे साहित्यया आधार (Raw Material) नं जन-जीवन हे खः । अले श्वया उपभोगि व उपयोगिताया कसि नं जनता खः । उकि भाषाथें हे साहित्य नं जन-जीवनय् मथिइकं जन-उपयोग मजुयेकं श्वाना चवनेमफु ।

भाषा मदयेकं अनुभव पुनावने मफु । ज्ञानं नवाये मफु । देया जन-मानसय् अनुभवं कुलाः सृजनात्मक भाव, बिचाः थनाबिइगु, स्वचिन्तनया गति बिइगु थःगु मां भाय् हे जुइ । जातिया भाषा व जातिया कला संस्कृतिया प्रभावमय धाः खः । संस्कृतियात संस्कार यइगु मू श्याभः खः । व्यक्तिगत स्वार्थं सामुहिक भावना सिनावनाचवंगु थौंया इलय् कला साहित्यया मबिक्क न्ह्यानाचवनिगु संस्कारं भीत संस्कृतिया नविकरण यायां सामुहिक भावना म्बाकाः व्याक्कं जन-मानसय् मानविय संदेवना थना बिइगु हे थौंया साहित्यया मू श्या खः ।

संस्कृतिया सद्भावनायात जीवनय् फूचायेकिगु हे कला साहित्य जूगुलि श्वयात समाजय् पिब्वइगु छेय् छेय् व्याकीगु साहित्य-पौया नं मू तःचवः । उकि जाती व देया मानसिकता थनिगु गुगुनं साहित्यिक-पौयात यात व सुथां लाकेत दकल्य् मदयेक मगाःगु छता खं आर्थिक-लिबंसा खः घइगु खें 'सितु'-या थःगु तःबंया अनुभवं थयं ।

लिपातक भाषा साहित्यया सुसाःकुसाः यानावनेत 'सितु'-या छगू स्थायी-कोष स्वनेगु कुतः जुयाचवंगु दु । धाथेंला, गुगुं नं साहित्यिक पत्रिका म्बाकातयेगु घइगु हे व भाषाया साहित्यिक-प्रतिभातय्त् म्बाकातयेगु खः । वया ब्वमिपि म्बाकातयेगु खः । अम ला, मानवताया लागि अनिष्टताया विरोधय् छुं यानाचवनेगु खः ।

थ्वहे भाषा-साहित्यिक उद्देश्यया हनाय् 'सितु'-या छगू स्थायी-कोष स्वनेगु जिमिगु ग्वसाः खः । गुकिया व्याजंजक 'सितु' विदनेत गाः थव । थःगु धुकूकथं चवमि भागु मय्जुपिन्त पिबंगु चवसुया लागि फुकथं पारिश्रमिक बेछाया वनेगु 'सितु'-या ग्वसाः दु । आः थथेंयात समालोचनात्मक चवसु, भाषा अन्वेषण, कला-संस्कृति, विज्ञान व इतिहासया विवेचनात्मक चवसुयात नि छुं पारिश्रमिक बिइगु ज्या छुना । अथे हे भाषा साहित्यप्रेमि भाजु मय्जुपिनिगु ग्वहालि बल्लाना वन धाःसा सितु' स्वस्पलाःगु चवसु मुनाः सफू पिकायेगु ग्वसाः नं दु । 'सितु'-या थ्व उद्देश्यया लागि मू-हामा (संरक्षक), हामा (सह-संरक्षक), आजीवन ग्राहक व ग्राहक जुयाः ग्वहालि यानादिसैं ।


'सितु'-या थुगु ल्याः सह-संपादक भाजु पुष्प चित्रकारं थः अबुगुया पुण्य लुमन्तिइ विकयाः 'सितु'-या स्थायी-कोषयात ग्वहालि याना बिइगुलि 'सितु'-जः बय्कःप्रति दुनुगलनिसैं सुभाय् देछाया ।





स्व. हिराबहादुर चित्रकार

( ने. सं. १०१४ गुंला — ने. सं. १०८६ )



100-11 21 2

100-11 21 2





नहि बेरन बेरानि - समन्तीध कुदाचनं

अवेरेन च सम्मन्ति-एस धम्मो सनन्तनो

६५ ❖ नेपाल सम्बत् ११०४ ❖ चिरला-चउला ❖ विक्रम सम्बत् २०४१ ❖ ल्या: ६५

### पुलांगु म्ये

राग ..... बारमास

हे मधुरी स्वानया मुखुरि थे इन मन थनि  
 हे हे ह अवेरस होहो स्वान इवार जुया फुत  
 हे हरषन जि ब्दनायत वनस जि वात धिन  
 हे हे ह छुया अमार तिरि धरन (ह) जे रा (हा) त  
 हे ह तमन जि पिग्वावया भगन सुवान मडुले  
 हे ह अग्यानी मिसाया मन थिदन (ह) म (ह) नेन  
 हे ह बरिखाया भय जुर घरबारं बुदसे न्ह्याकनं  
 हे ह खोयाव जि खोबि भारेन कोब्वात  
 हे ह अरुण वरुण वरुदानी दाता सिद्धि वज्रजोगिनी  
 हे ह ह्लाकहाया मन पुलेयाव थ (ह) कुरा (हा) नी



न्याबःहा - प्रेमबहादुर कसाः

(महाभारतको केचित् भाग)

## पुलांगु बारं

ओं नमः श्री विश्वकर्माय "अथ नेपाल भाषा लिख्येते"

भोजदेव राजाया आज्ञा कास्य गृह आलम्भ यायत अष्ट वर्गस श्रयाव ध्वजस राचकं क्रिग्व स्वने सम्पत्ति लायु ॥१॥ धुमस लातसा लोगि जुयु, श्वगु थायस भुतुलि दयके भिड ॥ सिंह व्वथास लातसा लक्षिन् बधय जुयि सत्रु हानि जुयि, व्वथा दयके भिड ॥ राजायात ॥ श्रान व्वथास लातसा सत्रुया भय, श्व कुलि दयके भिड ॥ वृष व्वथास लातसा नाना सम्पत्ति फल, राप चाला दयके भिड ॥ खत व्वथास लातसा नाना व्याधिनं कयुओ, श्व थास अग्निसाला दयके भिड ॥ गज व्वथास लातसा आय बधय जुयि राभ जुयि स्वभाग्य फल लायुओ ॥ ध्वाछे व्वथास लातसा बात पित्तन कुष्ठ रोग दयिओ, धुकुति दयके भिड ॥

पुरापूर्व कालस कास्यप छयाहा ऋषिया कलात सिहिनिका धयाहा रकसिनि । श्वया कायपि निहा ॥ राहु छहा । श्वपनि सकस्यान ध्वंहा काय, अति मत्यड । श्व वस्तु महाबलओत जुया ॥ छहा छहा ओ त्वाय सुनानं फुके मफु, जोधाम पायके ॥ श्वया निमित्तिन समस्त देवलोक ग्याक ॥ थथे ग्याडाओ चोड बेलस श्री ब्रह्मायनि, विष्णुकि, महेश्वर चतुदस भूवन पर्यंत देओ सभा दयकाओ समधार याना ओ चोड बेलस श्व राहुनं वास्तुनं अमृत पान भोग्य याय तेड बेरस श्व कास्यप ऋषि ओनाओ चोड बेलस कृष्णनं चक्रनं पालाओ राहुया सरिलर नित्वाक दत । वास्तुन श्व अमृतपानया बलन राहुया सरिलभिड । ब्रह्माण ब्राह्मण नक्वनक्वतु जुल । थथे जुयाओ चोड बेलस वास्तुया अति क्रोध उत्पत्ति जुयाओ समस्त देव लोकस्त थिस इनलिसे छोट । ओले २ बलबल तेतुतेतुलाओ छोटं । देओलोक बुनाओ लिथे देव लोकन वास्तुयाके विमति यानाओ छलबलन देवलोकनं सेवा स्तुत्य यात । श्वतेया कारणस वास्तु पूजा यायमाल । श्वतेया कारणे देवल दयकुसां मण्डप दयकुसां विहार दयकुसां चैत्य दयकुसां सर्व्व क्रीते पृथिस चोडहा वास्तुयात एकाशी पूजा यायमाल । थुकिया अर्थ वास्तुनं तेलाओ तय स्वभाव सियके । श्व बेलस समस्त देवलोकन वास्तुयात बंध यात जुलो शुभ ॥

नेपाः भाषा, संस्कृति व धर्मया ख्यलय्

तच्चक्रं तःमि । शुद्धःगु महत्वपूर्ण कला - संस्कृति

व भाषायात थौया ल्याय्हातसे च्यूताः मतसे

न्हंका छ्वल धाःसा श्व नेपाःमित्गु निमित्तजक

मखु संसार या निमित्त हे छगू दुर्भाग्यपूर्ण खं जुइ ।

डेभिड एन. गेल्लर

(अक्सफोर्ड विश्वविद्यालय)





सं

सारय् चर्वपि प्रत्येक जाती भूत, प्रेत बोविस, किचकन्या, छ्वास अजिमां आदी विश्वास याइपि मनूत आपालं दु । थुमिगु धाय्वाय् छुं छुं कथं आतक नं मनूतय्गु नुगल्य् दनि । थौंकल्लय्या आसः व्वनातःपि मनूतसें थन्याःगु ख्यं पत्याः मयाः । अयसां मनूतय् मनं थुमिपाखेया ग्याःपहः सतंनि । राजवंशीतसें नं थुमित पत्याः याःगु खने दु । थ्वयानापं फूफाः याइपि भांकि, धामि, बिजुवा आदि नामं नांजाःपि डाक्टर बैद्यत नं ह्योमजू । थन्यागु ज्या याइपित राजवंशीतसें ओझा धाइ ।

राजवंशीत गुबलय् गनं वल धकाः आतक नं बांलाक त्याजोक धाये मफुनि । थ्व ख्यं बिद्वानपिनि थोथी बिचाः दु ।

चवमि

बिक्रम संवत् शुभ जुइ दोछिहें न्ह्यो पूर्वपाखें बोरो जातिया छथः मनूत भारतय् दुहांवल । इपि ब्रह्मपुत्र खुसि सिथय् चवनेगु यात । लिपा बुलुहें इपि आसामया मेमेगु यासय् व पूर्व बंगालय् न्यत । इपिमध्ये नुंनुं थौंकल्लय्या बिहार व नेपाःया झापा मोरङ जिल्लाय् वयाचवन ।

बि. सं. १२६३ पाखे बख्तियार खिलजी सेंदेशय् हता वंवल्य् लखनावति व सेंदेया दथुइ लाःगु बनय् व गुंइ मंगो जातिया कोच, मेच व थारु जातिया मनूत दुगु खः धकाः उगु इलय्या विवरणय् चवयातःगु दु ।

## राजवंशीतय् छो व ओझा

— स्वयम्भू लाल श्रेष्ठ

बि. सं. १३१८ पाखे सम्पादन याःगु 'तवाकत - ई - नासिरी' धयागु सकुतिइ कामरपे कोच, मेच व थारुत बास यानाचवन धकाः चवयातःगु दु । हजसनं चवःगु दु - 'आर्यत वये न्ह्यो हे कोचत वये धुकूगु खः । हाजो कोच राज्यया नी स्वात । हाजोया छय् बिसु हिन्दू जुयाः बिश्वासिह जुल । लिपा थःत कोच धायेगु तोताः राजवंशी धायेगु यात ।<sup>1</sup>

डाल्टन कोचतय्गु रूपरंग स्वयाः थुपि अनार्य धाःगु दु । नापनापं इमित ड्राबिड बंशया भुईया परिवारयापि धाःगु दु ।<sup>2</sup> बेभरली कोच, राजवंशी व पालियायात छगु हे जातिया भाःप्यगु दु ।<sup>3</sup>

डा. हण्टर धाःगु दु - 'हाजोया छय् बिश्वासिह हिन्दू धर्मय् दीक्षित जुल भले कोच धायेगु तोताः राजवंशी धायेगु यात । ततःधरि व बुंज्या याइपि सकसितं राजवंशी धायेगु यात तर ज्यामि जुयाः

1. Journal Asiatic Society of Bengal (1849) Vol XVIII Part II Page 704-706
2. Descriptive Ethnology of Bengal (1872) Page 80-92
3. Census report of Bengal (1872) Vol 17. Page 130

नइपि कोचया कोचंतुं जुयाचवन ।<sup>4</sup>

एच. बी. रोनो चवःगु दु - 'कोच जाती व मेपि हिन्दू जाती व्याहाबारी कालबिल जुसैलि इमिसं थःपिनिगु बानि तोतल । इपि बंगालितलसे आपाः मिल्य जू ।<sup>5</sup>

एच. बोइल्यू चवःगु दु - 'कोच अथवा राजवंशीत ह्यापानिसै हिन्दू मखु । लिपा हिन्दू जूषि आदिवासी खः । जलपाइगुरि व कूचबिहारया जुजुपि छगू हे बंशयापि खः । इमिसं थःत शिव व योगिनी माधवी देबिया सन्तान भाःप्यु । इमिसं थःत शिववंशी धाइ । उकि कोचतसै थःपित जुजुया बंशी अथवा राजवंशी धायेगु याःगु खः । थौकल्लय् गुलि गुलि राजवंशीतसै थःपित परशुरामं क्षत्रीत दक्क नाश-याःवल्य बिस्सु वनाचवपि क्षत्रीतय् सन्तान खः धकाः धायेगु यानाहल ।<sup>6</sup>

रिजलें कोच, राजवंशी आदिवात उत्तर - पूर्व व पूर्व बंगालया ड्राबिड जातियापि खः धकाः धाःगु दु । इमिके मंगो हि त्वाकज्याःगु दु । ... इमिसं थौकल्लय् ब्रम्ह पुरोहित तइ, ब्रम्ह धर्म पालन याइ । इमिसं थःत काश्यप गोत्रयापि धाइगु । ... हिन्दू कोचतय् राजवंशी धाइ । इमिगु भाय् पूर्व बंगालया भायलसे चवःलाः ।<sup>7</sup>

गेटं धाःगु दु - 'कोच व राजवंशी व्यागः व्यागः जातयापि खः । कोचतसै थःत राजवंशी धाइ, तर कोचत मंगोत खः अले राजवंशीत ड्राबिड जातियापि खः । थ्व नां इमिसं कोच जुजु जुइ न्ह्याःनिसै कयातःगु खः । थौकल्लय् कूचबिहारय् राजवंशी धाइपि या त शुद्ध कोच खः गुह्यसिया द्वाःपाःया ऊन हाकुहाकु धाया मंगो रूपरंगया खः अथवा कोचतलसे त्वाकज्याःपि जातिया खः ।<sup>8</sup>

ओमेलें चवयातःगु दु - 'राजवंशी अर्थात् बरवा मुगत, बंगालि मिसात व बर्मी मिजत अथवा बंगालि मिजं व अराकानि मांया लें दुपि खः ।<sup>9</sup> एस. के. चटर्जी चवःगु दु - 'उत्तर बंगालया मनूत आपाःथें बोरो बंशयापि खः अर्थात् अस्ट्रिक-ड्राबिड-मंगो मिश्रित जातिया । इमित थौकल्लय् कोच धायेगु याः । हिन्दू जूषि वा बखि हिन्दू बोरोतसै थःपिनिगु मुख्यगु सय्-बर्मी भाय् तोताः, बंगालि भाय्या उत्तरपाक्षेया कचाभाय् ह्लानाचवन । इमिसं थःत राजवंशी धायेकेगुलिइ तःघं भाःपिया-चवन । थःत क्षत्री खः धकाः धयाचवन ।<sup>10</sup>

थ्व खः राजवंशीतयगु खें । आः भासै राजवंशीतय् छो व ओझाबारे खें ह्याये ।

थुमि प्वाथय्दुपि राजवंशीनीतय् बहनी याकःचा पिने छवइमखु । सिथं यंकीबलय् नापं छवइ नं मखु । आद याइथाय् भवजय् नं छवइ मखु । पिने बन कि भूतं चवनी हें । इपि मंगलबार व शनिचरबारलुम्हु उखेथुखे पिहां वनीमखु । खुसि हाचां गाइमखु । थ्व खंया पालन मयात धाःसा प्वाथय् दुनेचव्हस मचायात धाःपाः खुइ, मभिनी हें । गुबलें गुबलें सीनं यः । प्वाथय् दुहा मिसाधा भाःतम्हेसिनं नापं सी कुबी व सिथं यंकीबलय् सनाः वने मज्यू हें । वं थःगु हे ह्लातं भोग छीगु अथवा

4. Statistical account of Bengal (1876) Page 402

5. Wild Tribes of India (1882) Page 146

6. Census report of the district of Jalpaiguri (1891)

7. The Tribes and Castes of Bengal (1891)

8. Census report of Bengal (1901)

9. Census report of India (1911) Vol V Part I

10. Kirata Jana Krti (1951)



न्यां लाःवने नापं मय्यु हं ।

छुं मयसे मय्युगु ज्या दयाः मंगलवार व शनिवार व्वाथय्दुह्य मिसा पिने वन धाःसा ओभा सःताः मंत्र व्वाकी । छगः थल्य लः तयाः स्वां छफो कयाः मंत्र व्वानी अले छपनंनिसे तुतिइ व्यंक भारे याइ । भूत प्रेत विसिक छवयेत लखं छवाकी ।

लां मगावकं व्वाथय्दुह्यसिया व्वाथय् स्यात धायेव छेयां भकालि नकिपिसं छथाय् हे स्याना च्वानीगु कि सरसरे जुयाः स्याइगु धकाः न्यनी । सरं जुइगु किसिमया जूसा बेत पोइरी बिठ धाइ । पुना हल धकाः ओभा सःतके छवइ ।

व्वाथय् दयाः स्वला लिपा भूत प्रेतं मिखा वंकी धकाः व्वाथय् दुह्यसिया गःपतय् मंत्र व्वानाः वंन्रकथं हाकुगु व्वाला व्वालायेकी व्वाथय्दुह्य मिसाया हामुख मंत धाःसा नं ओभा सःती । वं हाम्य मय्युसे हे तापाकं भारे याइ । भूत प्रेतं यानाः हे थज्याःगु दुःख सीगु छः धकाः भाःपीगु । मिजंहा भूत-पात दुवारी ठाकुर व बोक्सियात प्यातानी धाइ ।

भूत प्रेतपाछें छुं मजुइमा धकाः व्वाथय्दुह्य मिसां चक्कु अथवा नयां छुं वस्तु घाना तइ । बहनी छनीबल्य लासा तःलय् चक्कु तयाः छनी । गनं गनं न्यां लाइगु जाः अथवा तुफि थनातयेगु चलन दु । गुलि गुलि मिसातसे नं कू दुगु जंत्र लप्पाय् चिनातइ ।

इलं गायेधुंका नं मचा मबुल अथवा मचा बुइ थाक्याचवन धाःसां नं ओभाया व्वा वइ । बार्चा छगलय् तू चिकं कयाः उकिइ मंत्र व्वानी । अनंलि थब चिकं मेह्य छह्य मिसायात बियाः व्वाथय् दुह्यसिया व्वाथय् बुइके बी । थुलि यानाः नं मचा मबुल धाःसा बार्चा छगलय् लः तयाः अक्क कडागु मंत्र व्वानी । व लः मचा व्वाकी, मचा व्वाथय् बुइके बी । थुलि नं पाउंक मचा मबुल धाःसा दुवारी ठाकुर पात वख् छायेगु कहुल याइ । गुबलें गुबलें व्वाथय् दुह्यसिया व्वाथय् थीक जडी चिकी । थ्व जडी मचा बुइसाथ लिकया बी माः नत्र मचा छे नापं पिहांवइ हें ।

छुं यानाः नं मचा मबुल धाःसा प्वाः स्याना हे चवन धाःसा व मिसायात वया भाग्यय् च्वाया-तःथे जुइका धकाः तोता बी । अले भूतकालीया पूजा याइ । थ्वंत 'महान्ति करा' धाइ । महान्ति याइह्य ओभा थः चेलात नापं वयाः पिनेचवना भूतकालीया भजन याइ । भजन सिचयेसाथ पाउंक मचा बुइ हें ।

## भूतकालीया भजन

धुवा (सकलें पाःलाक) :-

ओगे, बिषेर चोटे बिषेर चोटे

उपजिल् काली मे बिषेर चोटे

पयार (ओभानं) :-

दशमास दशदिन दिवसे पुरिल्

हारिया कोनेर भिति बेवा गिरजिल्

भासमान भाङ्गिया नारीर माधत् पडिल्

परथमे छुटीगेइल जलेर भुङ्कार

तारपर छुटीगेइल देवी दिल् बेला

देवीर कान्दन गेइल सगौ राजपुरी

इधिर घर उपजिल् काली भैरव भवनी

तार पाछत् उपजिल् काली सुन्दरी

कालीर कान्दन गेइल तिन कोण पिथिवी

इधिर घर उपजिछे राइकोस मुरति

देवी उपजिल् काली उपजिल्

चण्डि उपजिल् भैरव भवानी

याखे नारे उपजिल् ए पाच बोहिन

आव गेइल कपिलास घरे बसिल जिप्

कान्दन मुनिया आसिल जत पारार लोक

कि करेछित् इषि बुडा निचन्दे बसिया

घरेर आगत् सोना दाई आनेक डाक दिया

भावार्थ:- भिला व भिन्हु दत । आकाशया उत्तर पछिम कुनय नै न्यात, प्वाःस्याःहा मिसायात कल । ह्लापां मचा दुगु ह्मिचा पंम्हुल, हि बाःबाः वल । संध्याःकाःईति देवी बुल । वया सलं सर्गः थवल । उवलय् ऋषिया छेँ भैलदचो व भवानी बुल । लिपा काली बुल । कालीया सलं पृथ्वीया स्वकुनय् थवत । ऋषिया लतिथे जाःपि म्हायापि । थुकथं देवी, काली, चण्डी, भैरव व भवानी बुल । थुपि न्याहा छगःप्वाःया तताव्यहेँ खः । इमि सः तायाः गामाःत मुन । छु यानाचवना धकाः ऋषियाके न्यन । छेँ ग्हाणेचवहा सोना नांया तुनुमां सःताहल ।

राजबंशीतसेँ भूत प्रेत मानय् याः । इमिसं थःपित “सास्ति याइ, कसा नको, सर्भिकी” धेगु धारणा डु ।

राजबंशीतसेँ माने याईपि भूत प्रेत आदि छो :-

भूत-मिजंत काल मवयेकं सित धायेव वया आत्मा भूत जुइ । थन्याःपि प्रेतत पंभालय् अथवा सेवरा सिमाय्चवनी । मनूत सिनाःलि श्राद्ध मयाःतले प्रेत जुयाचवनी । थुपि इयालं, धवालां अथवा न्हागु प्वालं नं छेँ दुहां वयेफु हेँ । थुमिसं चा ह्मि न्हाबले नं मनूतय्त् हमला याइ हेँ । हमला याये न्ह्यो न्हापां भौचा जुयाः अथवा चावारां कयेकाः मनूतय्त् ख्याइ ।

भूतं व्वंपि मनूत ग्याइ । इमि न्ह्योने सुं हे मवःसा ग्यु धकाः चवनी । थुरु थुरु झाइ । सुं नापं बांलाक खेँ ह्माइमखु । तर गुबलेँ गुबलेँ इतिइति हिली ।

अले ओभा सःतके छ्वइ । वं छगः थलय् नीलः काइ, छपाः निपाः लप्ते नं काइ । मंत्र व्वनाः लप्ते लखय् वां छ्वइ । ओभानं लखय् भूत खनी हेँ । ‘छ सु हां’ धकाः न्यनी । लिसः वइमखु । अले ओभां व मनूयात व्वातुक चवनी । जालं तोपुइ, खिपतं प्यपुं क ची । अले लखय् मंत्र व्वनाः व मनूयात हा हा याइ । व मनु जुख्क दनी, हाली । ओभायात बोबी । अले सु गुह्य खः न्ववाना हइ ।



लः हाहाः पानाः नं खं मल्लत धाःसा ओभां साया न्हिपया सँ छपुनिपु काइ । गूगु लाकांया छयंगू छकू काइ । स्वाथःगु कापतय् हिनी । अले नालुया संतिइ चिनाः मत दयेकी । निचपाकाः कुं ह्लासय् लिक्क थनेयंकी । धव्या नापनापं मानकखुया हा छकू नं ह्लासय् लिक्क यंकी । व मन् हाही । छे नं बिस्पू वनेल सनी अले थःगु हुलिया कनी ।

पुलि जुइधुं कल कि भूतयाके न्यनी । छं व मन्यात छां दुःख बियागु ? भूतं एवंहा मन्या माध्यमं बव खं कनी । अले ओभां व मन्यात तोता हुं धाइ । भूतं ज्यू धाइ, छुं नयेगु भवनी । गुलिसिनं धौबजि नइ, गुलिसिनं चूर त्वनी । लिपा व मन् बय् चत्तावाःवनी, वेहोश जुइ । थुकथं भूत बिस्पू वनी । ओभा व मेपि मन्त जानाः डसिडसि यायां वयात थनी । व मन्या होश बइ । तर भूतं एवंबलय् छु छु जुल, सी मखु ।

भूत थें हे प्यातानी व पोइरी नं खः । सुं मिसा इहिया मजुइकं सित धाःसा पोइरी जुइ । स्वाथय् बुहा मिसा सितधाःसा प्यातानी जुइ ।

मस्तयूत भूत प्रेतं ज्वनकि रंगबिरंगया झाराचवनी । मांया दुर त्वनेगु तोती । गंसिचा खुयाः बमलानाः आखिरय् सी । थव त्वय्यात 'बाहेना' धाइ । बिया मखुःनिहा मिसामचायात थव स्वयं जुल धायेव बं हागसय् नयाचवनागु व मिजेलिसे नापं दचनाचवनागु खनी । हागसय् हे खं ह्लानाहइ, ह्लिलाहइ । ग्याहा मयाःनिहा मिजंमचायात थव त्वचं थिल धायेव हागसय् नयाचवनागु व मिसातलिसे दचनाचवना धकाः हानी अले स्वप्नदोष जुइ । थन्यागुयात 'छलना' धाइ ।

थव ध्याक्क लक्षण खनेदत धायेव प्यातानी अथवा पोइरीं ज्वन धकाः सीकेमाः । अले ओभाया ज्या नं दइ । झेल पडा, धी पडा, तेल पडा धकाः लखय्, चिकनय् व धयलय् मंत्र पुयाः हा हाः याइ । पुलि यानाः नं व मन् उखेयुखे बिस्पू मवन धाःसा भूत बिस्पू मबनि धकाः सीकेमाः । अले हानं पाक पूजा याइ ।

ओभां केरालप्ते कायेके छवइ । सा सलि शुइजुइक बें इलातःथाय् लाइ । उकी हे ह्यार्जसिह्लः व हाकुसिह्लः न्याथाय् खुथाय् तिकी । मेगु केरालप्ते छपातय् जाकि, चिनी, दुर व गुयुगु कापः छकू तइ । हानं त्वगि चवनाच्वंथाय्तक थयंक का छस्वा जुइक तइ । केरालप्ते छहा मिसाया किपा बइ ह्यार्जसिह्लः व हाकुसिह्ललं । केरालप्तेया हे द्रंजा दयेकी । नीलः तइ । केरा लप्तेया हे भाचमन दयेकी । छप्वाः मत नं दयेकी ।

सिया बवपुतिइ फयेतुनाः ओभानं पंजलय्चवंह्य बखुं कायेके छवइ । मंत्र ज्वनाः ओभां मयेगु चीजय् व बखुं यात स्वां छाइ, लखं हा हा याइ । पंजलं बखुं लिकाइ । खःगु ह्लाःति बखुं ज्वनाः वया छचनय् लः धाः हायेकी । बखुं चा छयं संकाः मू हालकि बया छचनय्चवंगु पा छपा लिक्कयाः सिह्लः तिकातःथाय् तइ । मत च्याकी । ओभां जवगु ह्लाःतिइ इताःध्याय् कवाः बखुं खःगु ह्लाति ज्वनाः बखुं या पुपुति त्वगिया छयनंनिसें तुतितक भारे याइ । स्वकः भारे याइ । इताः बवय् तइ । बखुं नं पंजलय् हे तइ ।

थन्याःपि पोइरीया न्याहा तताकयहे दु हें । भूल पोइरी, नून पोइरी, बुडा पोइरी, बुडी पोइरी, सरगो पोइरी । ईपि न्याहासिनं छकलं हमला याइगुलि ओभानं छकलं हे भारे याइ । थये यात कि पोइरीतसे त्वगियात तोताः बखुं या ह्यय् दुबी हें ।

दक्षोपिमध्ये मसान धंहा दकसिबे ग्यानापु । काली व धर्मया संयोगं मसान दूगु धाइ ।  
 थुनियावारे छपु बाखं दु । छन्हु काली याकःचा गनं खुसिइ मोल्हू वंगु । अन धर्मं तं ध्यन । इपि  
 नापं चवनीयाय् बाहेक मेमेवाय् मसान चवनी । मसान १६ गू प्रकारया दु- १) बाडीका मसान-यं  
 भालय् चवनी २) तिसिजा मसान-तखय् चवनी अले मोल्हू वनीपिन्त चवनी ३) घाटेर मसान-  
 मोल्हूदुगु घाटय् अथवा नांवा घाटय् चवनी ४) छुचिया मसान-भारा चवनेथाय् चवनी  
 ५) चसान मसान-लेय् चवनी ६) बोहिता मसान-सी उइथाय् बिपय् चवनी ८) कुहुलिया मसान-  
 सिमाय् चवनी ९) नांघा मसान-नांगापचि चवनी १०) बिसुवा मसान-स्यायेसी याइ  
 ११) उबुया मसान-लह्वेगु याइ १२) मुकना मसान-मनूतय् गंकी १३) भुला मसान-ले दाकी  
 १४) डचामसा मसान १५) उँगियाँ-थीथीरूप धारण याइ १६) नारहा मसानवा कपालय् तं  
 दइ मखु ।

थुपि मसानतसे दुःख बिल कि ओझाया उया दइ । त्वगियात थः न्ह्याःने वजपुती  
 फयेतुकी । जःगु ह्नातिइ तू निगःचा काइ । मंत्र वचनाः त्वगिया जःपाखे छयलंसिं तुतिथ्यंक  
 भारेयाइ । अले थूचा दुने तयाः यिने भ्वाथःगु कापतं तिनाः तापावक जंगलय् बाकेछवइ । थये  
 यात बायेव स्याःगु लनी । तू नापनापं मसान नं वन भाःपी ।

थुलि यानाः नं मलात धायेव पाक पूजा याइ । थव पूजा यायेत उयातःगु चा, मिह्नेबाः,  
 चाथल माः । केरालप्ते दक्क चीज तइ । सल गवाचवंह मसानया मूर्ति दयेकी । व मूर्तिपात  
 पुज्याइ । लखय् मंत्र वचनाः ओझानं त्वगियात हाः हाः याइ । सामानय् नं हाः हाः याइ । लिपा  
 मूर्ति व चीजबीज तापावक जंगलय् वांछवये यंकी ।

मगर धयाहा भूत इन धकाः ग्यानापु । मगर निगू किसिमया दु- छह काटा मगर व  
 मेहा जाति मगर । काटा मगरया मो मबु । छाती मिस्त्रा दइ । जाति मगर तःबी जुइ । थुपि केरा,  
 सिम्बसि व एकडी माय् चवनी । आपाःथे खुसि व पुखू सिथय् चवंगु सिमाय् चवनी । जुमिसं बहनी  
 हमला याइ । न्ह व्याहा जूपि दम्पतियात हमला याइ आपाःथे । डकि बहनी थुपि याकःबाकः  
 जुइ मखु । खुसि छी मखु ।

मन कमजोर जुल धायेव थुमिसं अःपुक हे हमला याइ । गुबलेँ लँय् इवातां दनाचवनी,  
 गुबलेँ लँया जःखःचवंगु सिमाचवकाय् निखे तुति तयाः दनाचवनी । गुबलेँ खिचा, गुबलेँ भौचा,  
 धौ जुया ख्याइ, लँ त्वाथइ ।

मगरं ज्वन धायेव मनूतय् मिस्त्रा ह्याउंसे चवनी । छाति श्याइ, ह्नाय्पनं मताइ, छेँ नं  
 बिस्पूँ वनेत सनी, धोदुक्कसित ल्य वनी, दायेत सनी । लक्षण हे थये खने दइ । सुयां थःथिति-  
 यिति सः पिकया बाचा इलय् सःती । छुं शंका मयासे मनूत पिहां बइ अले सत्तिकं चवंगु पुखू वा  
 खुसी यंका डबे याइ । डकि हे स्वकः मसःतुकं चाह्लय् पिहां वनेसत्यो बाइ । थस्याःपिसं स्वकः  
 तक नं सःतू हँ ।

राजबंशीतय्पु छेँय्सं वन बायेव बेरि ग्वय् न्ह्याःने तयेहइ । थये हे बहनी नं सुं वल  
 धाःसा बेरि स्वकेगु चलन दु । धं बेरि त्वन धाःसा मनू हे खः धकाः सीकी । नत्रसा थज्याःपि भूत  
 प्रेत, ब्यो धाइ ।



बहनी लैय् वयुइ हाछम्हं त्वइसेचवंगु वसतं पुताः दनाचवन धाःसा खनीहा तवक बी माः, लिहां वनेमज्यू । लिहांवन धाःसा मगरं ली यंकी । उकिं वयागु मिखा तुं क स्वयाः लिज्यां लिज्यां वनेमाः । तापात कि बिस्मू वनेमाः । मो महु मगर जूसा सिमाक्वय् दनाचवनी । छाती चवंगु मिखा त्वाल्ल थिनाचवनी । वयात खनेसाथ वयागु मिखानाप थःगु मिखा स्वाकाः लिज्यां वनेमाः । छुं जुयाः लिज्यां वने मफत धाःसा चवफानाः हाछम्हं हाः हाः यायेमाः । थये यात धायेव भूतं थी फइ मखु ।

भूतं ज्वन हे धाःसां वया न्ह्याःने ओम्हा सःतेगु लें ह्माये हे मज्यू । अथे धाल धायेवं ओम्हा वये न्ह्याः हे स्याना बी यः हूं । उकिं छेनं पिने वनाः तीसकं ओम्हा सःतके छ्वयेमाः हूं ।

ओम्हा वयाः मंत्र यानाः लः हाः हाः यायेसाथ भूतं ब्वःबी । अने अनेगु लें ह्माना हइ । ओम्हानं वास्ता हे याइमखु । थःगु ज्या यानावंचवनी । तू निगःचा ह्माती कयाः मंत्र यानाः ओम्हा ल्वगिया ह्य् छ्वाकी । अले ल्वगिया माध्यसं न्वेवाना हइ । “जिला लैय् ह्मिताव्वनागु, थ्वे जिगु न्ह्यावःसा न्हुयाबिल उकिं जि ज्वनागु खः ।”

अनंलि बेवं धोबजि नयेत पवनी । ओम्हानं केरालप्ते तया बी । नयेधुंकाः भूत बिस्मू वनी ।

राजवंशीतय् ह्ये बाहां दुहा छहा मेहा द्योनं दु । थ्वं दुःख बिल कि ह्माःतुति गनावनीगु म्हतु, मिखा व मेमेगु अंग बेक्कइगु लक्षण खनेदइ । थ्व ल्वय्या वासः यायेत केरामाया दुंगा वयेकी । पाकेजूगु केरा छज्वां, तुयूगु कापः इताः, न्यातका दां, कालीया किपा, ह्ये छहा व बखुं नं माः ।

ल्वगियात खुसि सिथय् यंकी । ओम्हां काली पूजा पाइ । खःगु ह्माति बखुं व ह्ये ज्वनाः ल्वगियात मंत्र वनाः भारे याइ । देवयात दुहा ल्वगिया म्हं सालाः ह्ये व बखुंया ह्ये दुबिकी । अले इमित केरामाया दुंगाया चिनाः लखय् चुइके छवइ । ल्वगिया ल्वय् लातधाःसा देव ह्ये व बखुंया ह्ये दुबित धकाः सीकी ।

भूतप्रेत आदि दैवपाखें रक्षा यायेत राजवंशीतय्सं अनेक उपाय पाइ । मस्तय्त छपा तुतो नैया कलिल न्ह्याकी । थ्वेत मोरचा खारू धाइ । घुंया वा, म्वांया वा, बखुगु थी आदि दुगु रक्षानाः नं ववखायेकी । नें छकू लासा तःलय् तयेगु चलन नं दु । ववथाय् तुफि नं थमातइ । ह्याउंमचायात रक्षाया निति ववथाय् न्यां लायेगु जाः नं तयातइ ।

बैव धारेयायेगु आपालं मंत्र छु । लखय् मंत्र वनेगु छपु मंत्र थुकथं छः —

काल — काल नरसि बेकारे धाय

मुन — मुन नरसि बीरेर काथा

नरसि हुंकारे छिल मातलीर बीर

पाव भाइएर माथा कुन — कुन माधिली

छचेया छोच मुखा ह्यादेया करिम दूर

हुला कापे हुल कापे आकाशे हुन्नु कापे

देव देवासुर पर हस्ते करिम जोर

आप हस्ते करिम साप

छार बाओ बातास देव विष्टान

पयासाार शरील छारिया जा तुइ

सरक् नागिया

पण्याःगु संज भापालं बु । धोयी देवयात भारे पायेवलप् छपली ।



शिक्षित लजगाः मदुपि मनूतय्त जिमिसं घरेलु उद्योग, पशुपंछी व

न्या लहीगु, कस्ति हा लहीगु, नर्सरी व तरकारी खेती व

सेवा थें ज्याःगु व्यवसायतय्गु लागि बिना धितो

आर्थिक ग्वहालि उपलब्ध याना बी ।

थ्व ऋण सहूलियत सम्बन्धी विशेष खँ सीकेगु लागि थःत छिगु

‘सधन [बैंकिंग कार्यक्रम] व घरेलु तथा ‘साना उद्योग

परियोजना’ कार्यक्रम लागु जूगु थुगु बैंकया

शाखातनाप स्वाप् तयादिसँ ।

राष्ट्रिय वाणिज्य बैंक



नेपाल भाषाया ठहू-चिनारवँ रखल य  
ठहू प्रतिभा-सुदन खुसया  
निपु कविता-

### १. क्रान्ति

छन्त बवयाः जि थःत गुलि ज्ययेके धुन  
छन्त बवनाः जि थःत गुलि गंके धुन ।  
छ न त जाया बिइफत जिके  
न त जिहे दुबोफत छंके ।  
खः छन्तला  
ह्वालुपि व छ्वालुपि मनूतयसंजक  
थः यत्थे कुचा कुचा थलाः  
अंगःया क्यालेण्डरय  
मात्र छ जङ्गलया पिक्निक  
अले पलुया निंति  
बिदाया छ छगू  
मात्र ह्याउगु धवः जुयाबिल ।  
मानों छ छहा दुःखीहा मांया  
मुल्याहाहा याकः काय जुयाः बवलनाबिल ।

## २. कबिता अन्त मखु सुरूवाट जक

तायेदुथाय् थ्यंक सलं  
 न्हायेदुथाय् थ्यंक मिखां  
 खः जि न्हाबलें न्हाबलें  
 सन्ध्या दुस्वः वःलिसे  
 तापाक्क तापाक्क आक्सय्  
 बखुं थें बवयाः  
 जि थःत ह्विलागु दु,  
 खः जि थःत छ्यलागु दु ।  
 न्हाबलें कालबिलाय् थ्व सुख दुःखया  
 लिश्वया वइच्चंगु प्रत्येक अनुभूति दुने  
 जिवको प्याकागु दु जि थःत  
 खः थनं लिपाजक  
 आकाश स्वयाः  
 जिवको थःत तिस्सिनाः  
 जिके कबिता चिनेगु बानि दु ।  
 आकाश थौं स्वक्कोपतिकं  
 छ्यनय् हे मुगः दिके हःथें  
 मिखा यन्त्रवत ववस्वःवंगु दु  
 थौं जि ज्वलिज्वःपिं पासापिं  
 स्वयेतजक नं  
 छ्यनय्च्चंगु तपुलि कुतुंबकं  
 थस्वयेमाःगु दु  
 ग्व, उर्पिला ततःधिकःजक जुजुं  
 हुँ चन्द्रमाय्थ्यंक ह्यितः बनीपिं  
 जुइधुंकल ।  
 ग्व उर्पिला थो थो वमया नांजक कयाः  
 जिगु न्हालय् । ह्यगस बाभः याइपिं  
 जुइधुंकल  
 थःगु हे तुतिया जिला सिर्फ

ववबीतकं मफुगु बोभ जुयाः  
 लैय् हे भं तुसुनावंगु दु  
 खः भं भं दुसुनावंगु दु  
 जिगु थ्व बिप्पन्नता न्हाबवयाः  
 त्वाः थ्वक्क ह्विला जुइपिं जलाःखलाःत  
 न्हाबलें न्हाबलें जिगु यात्राय्  
 थःहे सहोदर दाजु किजापिं  
 अंगःथें लैय् लैय्  
 स्वये थःगु हे तुती घाः जुयाः  
 संके हे मछिक जित थौंः  
 यात्राया नामय् - थःगु हे तुतिया गती  
 किपालु किछिजक जुया ब्यूगु दु ।  
 थौंकल्लय् जिगु कबिता उर्किं  
 चिने हे मलावं अन्त जूगु दु ।  
 पुथंकःगु जिगु हे पालितः न्ह्याः  
 बल्लाःया नामय्-(थः हे मांया काय्यात  
 न्ह्याः)  
 उर्पिं गुलि गुलि ततःधिकः जुइत स्वया  
 वइच्चन  
 स्वभावतः जिके छगु उग्रता बलना  
 वइच्चन  
 मानों जि न थःत हे चीका  
 मेगुला मखु चुइं चुइं पूगु  
 छपु कबिताया ध्वाय् बवयेकाबी  
 कि थ्व कबिताया अन्त मखु  
 सुरूवाटजक थजु थौं ।  
 चन्द्रमाया लैपुथ्यंक मखु  
 थौं पुथं मकःगु पालितःया  
 छपु थाहां वनेगु त्वाथःजक थजु ।



## जि मभिम्ह मखु

— मणिका मोहिनी

जिगु न्ह्याःने जिगु लाश लानाचवने अले उकिया छुचाःलि खवयाचवंपि मनूत सिबय् उप्वः ख्वालय् औपचारिक सोदुःख भुनाः म्हुतुसिइ ह्लाः तयाः थःथवय् जिगु चरित्रया (श्वातुगु) भू पियाचर्वां जि खनाचवना । चाह्लसिया खिउंइ अति निर्दयीपूर्वक जिगु हत्या जूगु खं मनूतसें स्यू । हत्याया खं मनूतय् दथुइ सनसनी व्याकेत कुगाः, उकि हे जिगु सोदुःख चवनेत मुनाचवंपि मनूतय् पुचलय् पासापि ह्यो, अले तमाशा स्वःवःपि उप्वः दु ।

वास्तवय् जूगु थये खः—चाह्लसिया बाह् बजेतक जि भाःतयात प्युप्युं बाईलीया दण्डीइ छ्यं दिकाः न्ह्यालं ब्वानाचवनागु । अथेला उप्वः घया यें ह्निह्नि हे जि चाह्लसिया बाह् बाह् बजेतक भाःतयात प्युप्युं बाईलीइ न्ह्यालं ब्वानाचवनेगु । उकथं न्ह्यालं ब्वाब्बां हे घण्टीया तिसः न्यनाः जि वाथाक्क दनेगु अले बाचा इलय् ताश ह्यिताः लिहांवःह्य भाःतया अय्लाखं कायाः घेघेचूगु ह्यायात तिवः बियाः लासाय् ग्वतुइकाबीगु । वं ग्वतुतुं मिखा तिसिनाः म्हुतुं नवःगु सासः पिल्ह्याः म्हुतु वांखाइ अले जि मरिक्का वया म्हुतुइ ततं वनेगु । गुबलें मरिक्का म्हुतुइ तयाः हे व छनाछवइ अले गुबलें ह्याय् ह्याय् यानाः ल्ह्याहइ वं । वं न्ह्याः दयेकलकि जि वया लाकां त्वकाबीगु, पाईत त्वकाः पाइजामा न्ह्याकाबीगु अले कोट त्वकाः हंगरय् खाखां वयागु व्याय्गचा लिकयाः ध्यबा निना स्वयेगु । जि वया कलाः खः । आखिर वया त्याःबू सोकेगु जिज्ञासा गथे पनेफइ जि ? अथे ला वया त्याःबू वं त्वनावइगु स्वयाः नं सोडु । उप्वः बूकुन्ह वं उप्वः अय्लाः त्वनावइ अले ह्याःकुन्ह अय्लाःया सूरय् हे नं वं जिगु ब्वहलय् ह्लाः निपां पाचिनाः जितः मतिना यायां धाइ, 'निह्ना बेगम वःगु, निह्ना, छ जिनापं दुगुसा ट्रेल मजुइ ला ?'

अले सुथय् दनेवं थः पासापिनि कलाःपिनि प्रशंसा यायेगु । वया ज्याइवः न्ह्याज्याइ, — 'ओहो, वया ह्यितीगु मिसेज कृष्णकान्त ? सुनानं धवयेफु ला वयात ? थज्याःगु मन छ्वःदः कि ताश वयेमा — मवयेमा ध्यबा ततं वनीगु, वयात मुलसं 'शो' याकेगु स्वया तागत ? अले मिसेज सरीन, भाइ वयागु नं खं ह्लानां मब्थाः, 'ब्लाइन्ड' य् ला वं जिपि मिजंतय्त मात यायेधुं कल, अले मिसेज शर्मा थःगु खवह्लाःया स्वालाक्कचवंगु पचिनं स्वपाः ताश कत्ताकाः जवह्लाति रमया गिलास ल्हनाः म्हुतुसिइ दिकीबलय्, छगू चाल ला जि वयागु ध्व पहःया नामय् हे ह्यिताबीगु का भाइ । अले — शर्मा — भाइ भाःत घयाह्य उजाःह्य जुइमाः का । पासापिनि कलाःपिलिसे थज्याःगु चिचीबंगु रोमान्स ला जुघां हे चवनी नि । भाःतपिसं सह मयाःसा ताश पवांय ह्यिती ला ।' अले वं इपि सकलनाय जिगु तुलना यायां धाइ — 'छह्य छ दु, एकदम गामाःनी । खतु

डिग्रीया नामय् एम. ए. खः छ तर आधुनिक तरीकां म्यायेगु अक्कल ला छके वहे महु । ताश, चुरोट, अय्लाःया नां जक कायेवं छंगु नैतिकता भंग जुइ । जिगु गज्याःगु तःथंगु ट्रेजेडी थ्व - सारा मनूत थः थः कलाःपिनाप ताश ह्यितो, छह्य आभागी जि हु - सोसाइटीइ कपिनि कलाःपिलिसे ह्यिलाः ह्यिलाः ताश ह्यितेमाःह्य । छंत लाखवः धया, ताश ह्यिते सयेकि तर छला पतिव्रता हे जुल । मुनानं हिलाः नतुलकि ला छंगु पतिव्रता धर्म नस्ट जुइ ? मनं ला धाः, छंगु थ्व पतिव्रता धर्मया भावनायात गोलीं मुइकाछवये । छलिसे ला जिगु ज्वः त्वहे मत्वः । 'ज्वः' वं थुज्वःगु पहलं धाइगु मानो वयागु व जिगु मखु लाकां वा मोजाया ज्वः खः । वया भाषण म्यानांचवनी अले जि कृप । वयात ला छ धाये, दुने - दुने नगः मछिकाः थ मांयात ब्वः बियाचवने । छाय् वं जितः थुलि वबहंगु शिक्षा बिया-ताश थिलकि अपवित्र जुइमा, चुरोट व अय्लाख्य मिखा ब्वलकि पाप लायेमा धकाः । मामं छाय् थ्व बिचाः मयाःगु-व पुलांगु जमानायाह्य खः, अले यहां बुइकापि मस्त तःथो जुइवं ला जमाना न्हंगु वइ ? तर उबलय् नं गुबलय् मांया जमाना खः मतलब पुलांगु जमाना खः, उबलय् नं बाःया निंति उगु जमाना गुलि न्ह । व फनास महितू तर रेस खूब ह्यितेमाः । उज्वः धया थें व छेपिने चवनेगु, बहनिइ नं लिबाक्क लिहांवइगु अले छेय् चवनीगु इलय् नं रेसया सफुतिइ मिखा ववसायेकाः सलया नम्बर लयाचवनीगु । मस्त कच ह्यिताचवंगु जक खसां मामं सःताः थथ्याय्ज्वःगु मिखा इमित स्वयाः ह्यितेमते धयागु अर्थय् पंचि संकाः धाइगु-‘अहं, जू ह्यितेगु बांलाःगु ज्या मखु ।’ छक्कः अति चिकुबलय् किजायात निमोनिया जुल, डाक्टर वयात ब्राण्डी त्वंकि धकाः धाःबलय् मामं घाल, -‘अहं, अय्लाः भिगु चीज मखु ।’

जिपि तःथो जुयावःलिसे जःलाखःलापाखें फुसफुसु सः म्यानांवना-जिमि बाः बहनिइ लिबाक्क लिबाक्क क्लबय् मिस्तलिसे प्याखें हुलाचवनीगुलि ह्यिह्यि छेय् लिबाक्क लिहांवइगु खः । छन्हू स्कूलं लिहांवया जि थःत स्पोर्टस् क्लबया नकि ल्यःगु खें उत्साहं मांयात कनाबलय् मामं हवखनासलं जितः ब्वःबिल, -खबरबार, भाः जक छं गुत्सं क्लबया नां का सा । भिपि मनूतय् न्हुतुं ‘क्लब’ ववज्वइगु छति मत्वः ।

जिगु इहिषाः जुइ न्ह्यः ला मां जितः छः थें ताःगु खः तर इहिषाः धुंकाः सवां थये ताल-मामं जिमि मां जुयाः तसकं टुंकल । मां-गुह्येस्यां न जूया अर्थ थू, न नशाया । मां-जिजक जूसा वं खंगःधुकुति ‘क्लब’ खंगः लिक्काबी । मां-गुह्य अति मूर्ख । मां-गुह्येस्यां ब्यूगु पतिव्रता व नैतिकताया शिक्षां जिगु जीवनयात नर्क यानाबिल । मां-गुह्येस्यां जितः एम. ए. तक ब्वंकाः सिर्फ गामाःनी जुइकेबिल । मां-मां-थ्व जिगु निंति मात्र छगू शब्द जुयाः लयनाचवन, भावहीन शब्द ।

जिमि भातः ‘अपटुडेट’-एकदम जिमि ब्वा थें । फरक सिर्फ थुलि हे जक हु-जिमि बाःनं थःलिस्सैं मां रेस ह्यितःवइगु गुत्सं मययेकू अले जिमि भातः सदां वनाप जि फनास ह्यितःवइगु मयेकाचवन । शायद थ्व जमाना पाःगु खः (शायद थ्व जमानाया फरक खः) । व जिमि ब्वाया जमाना खः, ब्वां बिचाः याइ, मां न्ह्यायेसां वया निजी सम्पत्ति खः, वं वयात ‘न्ह्यीकेफु, हवयेकेफु, थः यतये छयलेफु, तर पिनेया फसं कयेके बीमफु । ह्ये जिमि भातःया जमाना खः, जिमि भातःया बिचालय्-जि गज्याःह्य खः, अज्याःह्य छाय् जूगु ? छाय् धाःसां अज्याःह्य जूगुलि जि वयागु सोसाइटीइ म्यलय्पुने बहह्य मजुल ।



जिं ह्लिह्लि वयागु तमं जाःगु खँ न्यनाचवना अले छेँ थुवाःया चीधीम्ह कायलिसे वयागु तुलना यानाचवना । गयभनं सोभा, गज्याःगु मुमुमुमु ह्लिलाः खँ ह्लाइगु, म्हनु ह्लायेगु स्यनाब्यूसां सयेकाकाये फइमखु । बिलकुल अथे हे-बस जि थें हे, ताश थ्यूसा अपवित्र जुइमा, चुरोट र अय्लाखय् स्वःसा पाप लायेमा, थज्याःगु सात्विक मानो दया मासं नं वयात थुइकूगु जुइमाः, 'अहँ, जू ह्मिनेगु बांलाःगु ज्या मखु । अहँ, अय्लाः भिगु चीज मखु ।'

भाःतया म्हनु पासापिनि कलाःपिनि थुलि तारीफ न्यना कि छन्हु तमं छेँ थुवाःया चीधीम्ह काय्यात किजापुजा यानाबिया । भाः व जिमि किजा खः । भाः वलिसे खँ ह्लायेत जि मग्ग्याः । वं नवाइबल्य् स्वां वा गाःगु थें च्वं, व ह्लिलीबल्य् घण्टी न्याःगु थें ताः । व जिमि किजा खः । वयात निं किजापुजा यानागु दु ।

छन्हु किजापुजा यानातइम्ह किजा जिगु ववथाय् च्वंश्चंवल्य् जिमि भाःत दुहांवल । व खनेचं वं जितः घाल, 'छेँ थुवाःया चीधीम्ह काय् थों छाया् बःगु ?'

'जि वयात किजा दयेकागु दु,' जि लय्तायाः कना, तर वया श्व छाःगु सलं जिगु मुक्कं उत्साह भंग यानाबिल, 'श्व किजा-काजाया चक्कर गुबलसंसिं चाःहीकेगु यानागु ?' हाकनं छक्कलं जिगु ब्वहः ज्वनाः ह्युह्यु साप नायिक घाल, धाथें कँ सा, किजा दयेकागु लाकि पासा श्वमागु ?'

व ह्लिलाचवन तर जि थरथर खात । जितः ताल, मानो वं सिर्फ छगू शब्द नवानाः जितः पूर्वक अपवित्र यानाबिल । पासापिनि कलाःपिनाप चिचीबंगु रोमान्स याइगु वया आधुनिकता जितः अति धृष्टा यायेबह ताल । जि निपा ह्लाः प्युंकाः थरथर खाखां नायिक बित्ति याना, 'जितः मखुथे थइकेमते, जि वयात किजापुजा यानागु दु, जि धाथें वयात किजा दयेकागु दु ।'

छगू लात जिगु धाथय् दित अले जि लुखाया चौकोसय् न्याःवन । जिगु छयं इन्न मिन अले जि ताल, 'ल्यवःसि, किजा दयेकेमाः । हिम्मत बुसा पासा दयेकि ।'

थनं लिपा ह्लियाह्लियं ब्वः फयेगु थुलि उप्पल कि जितः थःगु धाथेंगु नां स्वःमनावन । 'ल्यवःसि' हे थःगु नां थें ताल जि । जिमि मां स्वाःनिगु सा जि थःगु श्व नां वया ख्वालय् मुइकाबीगु । जिमि बाः स्वाःनिगु सा जि वयाके न्यनेगु खः-जि बिलकुल मांया अनुरूपम्ह खः घकाः थुइकाः नं जिगु निंति थःथेंज्याःम्ह भाःत मालाबीत छु वं थः व मांया निम्ह तिपूयात आदर्श तिपू भाःप्युगु खःला ? छाया् मडुगु जिके हिम्मत पासा श्वयेत ? जि बांलाः, ल्यासे तिन, ब्वनातइम्ह खः, छु जि चुरोट व अय्लाः त्वने मफुला ? छु जि मिखाभाय् यानाः मिजंतलिसे खँ ह्लायेमफु ला ? जिमि भाःतं आखिर भाःप्युगु छु ? जि नं मिसेज कृष्णकान्तं थें नुगः चक्काः धमवा पायेफु, जि नं मिसेज सरीनं थें 'ब्लाइन्ड' य् मिजंतय् मात यायेगु कला सयेकेफु, जि नं मिसेज शर्मा थें चिचीबंगु रोमान्स यायेफु । जिमि भाःतयात आखिर घमण्ड छु खँया । अले गय् जुयाः मस्यु छेँ थुवाःया तःधीहा काय् जि पासा जुल । आः जिमि भाःतया सय्ता वः छायाःसा जि आधुनिक जुइयना । पसः वनेनु धाःसा धाइ, 'जि मसाः, वनाप हूँ ।' प्याखं स्वःवने वा धाःसा धाइ, 'मुड मरु, वलिसे स्वःहुँ ।' अले जि छेँ यात कापः, भाराकुरा वलिसे

बना: न्या:वनेगु याना: सिनेमा, नाटक वनाप बना: स्व:वनेगु याना । अले बुलुहुं बुलुहुं भा:तया  
खे ह्यायेगु पहल्य हिउपा: बल । आ: जि वयात गनं वनेवा धा:सा तंचाया: धाइ, 'हुं १  
वलिसे ?' जित: ताल-वया आधुनिक जुइगु तजुर्बा (जार्च व:गु ज्ञान) फेल जुयाचन ।

छन्हु जि छे थुवा:या त:धीह्य काय्या खे न्ह्यथनाबल्य जित: त्वा:ह्लाना: धाल, 'श्वला  
मान्चोसा जमयजूगु त्रिकोण जुल मखइ । ताश छेय् हे शुरू जुल, ।'

जि सुम्कचवना । मन्य व:खे धयाबी, 'बादशाह बेगमनाप एक्का बल । फस्ट ब्लासगु  
बलं नं छं चैन मदुला ।' तर जि सुम्कचवना । जिमि बादशाह जि खना: तंचायाचवंगु दु तर ह्याइपु  
छयायेया निंति एक्का जिनाप दु । जिमि बादशाह ताश ह्यिता: बहनिइ लिबाक्क दुहांवयेगु  
जुयांचवन अले जि थ: एककानाप म्हाइपु छयानांचवना ।

जिगु हत्या जूकुन्हु चाह्ल्य बार्दलीइ चवना: प्युप्यु न्ह्यलं व्वानाचवनागु, खापाय् त्वाक्  
त्वाक् या:गु स: ताल । जि बिचा: याना, थौं शायद उध्व: त्वनावल जुइ उकि घण्टी न्यायेके त्व:-  
मंकल । जि खापा खनेवं छुपु सालुस्तेचवंगु प्वालाप्वाला थीगु ज:गु चीज जिगु छातीइ दुहांवन ।  
जि बांलाक हे लुमनि, व बहे खलित-चक्कु ख: गुगु फलफुल तायेत जिमि भा:तं थ:के तयातइगु ख: ।  
तर जि थ:त स्या:व:ह्य मनूया ख्वा खने न्ह्य: हे जि सित । ब जिमि भा:त थें ला मचवं । अयसा  
सु ले व ? छाय् ख: मस्यु छक्क:पति जिमि भा:तप्रति जिगु शंका वनाचवन अले जिगु हत्या वंहे  
याक् थें तयाचवन जि । जुइफु बं श्व ज्याया निंति सुयातं छव: धया बिल जुइ । वया पासा  
ला मात्र छगू पेग अय्लाखं जिगु हत्या यायेत न्ह्यचिलेफु ।

जि खनाचवना, जिगु सीदु:खं चवनेत व:पि मनूत थ:थब्य न्ह्यापन्य खें ल्हानाचवन,  
'बदमाशह्य मिसा । बिचरा भा:तम्ह पिने ज्याये तव्यनाचवनीगु, श्व चार्हि छे थुवा:या कार्यापिलिसे  
मोज यानाचवनीगु का । अज्या:ह्य मिसायात सु धयाह्य मिजनं सह याइ ।, भाकाभाकाय्  
जित: गनं छयाय् व्वानागु छम्ह विद्वानं धयात:गु खें लुमंसेवल, 'जि मभिम्ह मखु, जित: मभिंका  
बिल ।' जि बिचा: याना श्व खें धया: इमि म्हुतु प्वा: तिनाबी, तर जि सीधुं कल अले सुयातं छं  
धायेमफु जि । बस जि मनूतय् तमाशा स्वयाचवना, छगूकथं थ:गु तमाशा स्वयाचवना । भाका-  
भाकाय् जिगु मिखा भा:तपाखे वन, श्व छु ? व ह्याय् ह्याय् स्वयाचवन, शायद व थ:त पा: याइ  
धका: ग्या:

व खवखं छक्क:पति जिगु सीम्हय् भवसुनाचवन, 'जिमि सती साबित्रीप्रति श्व अन्याय  
सुनां या:गु ? आ: जि सुया लिधंसाय् स्वायेगु ?' व खव:गु खना: जित हिलेवल अले जिं मन-  
मनं धया, 'वाह यजु, थौं छ नं खव:गु खन । गुगुं त्वहलं छंगु मिखाय् खबि ला बल, व खबि  
गोहीयागु खबि हे छाय् थमजुइमा ।'

भाय् हिउहा:- भूषणप्रसाद श्रेष्ठ





## न्हिछिलाछि

—हरिशंकर रंजितकार

“यः मां, स्वसा; ह्यागः कुतुंबंगु हवाइजहाजम्बुपि छह्य नं मनूत मम्बाः । पाइलट नापं भिह्य मनूत चवनावंगु फुककं हे छवयाः सित का । हवाइजहाज ब्ययेसाथं हे कुतुंबयाः छवह्य हं ।” स्कूलय् गुंगु ब्लासय् चवनाचवह्य भिप्यवें दुह्य म्हाय् अनिता स्कूल बनेन्ह्यः सुथय् गोरजापत्र न्ह्यःने तयाः मांहा रमायात कन । छव खें न्यनेवं मांहेसिया ह्य सिरिङ्ग जुल । चिम्से तितिसवात । ग्याःचिकु पहलं यानाः ख्याः गल्लेसेचन । अले चिकिसलं न्यन,—“भिह्यजक न्ह्यंगु हवाइजहाज गज्याःगु ले ब ?” अनितां सिसः बिल,—“पिलाटस पोर्टर धइगु चिकिचाधंगु हवाइजहाज का, मां । उके न्याह्य जूहायसिगुजक थाय् बइगु खः । तर जप्चः मनूत तया यंकल जुइका ! बसय् मखला थोकन्ह्य कात्त काक्क तया यंकोगु !”

“गन कुतुंबंगुले व हवाइजहाज ?” मांहेसिनं हानं न्यन ।

“बिराटनगरय् कुतुंबंगु का ! बिराटनगरं ताप्लेजुङ्ग बने धकाः ब्ययाः एक मिनेट जायेवं हे कुतुंबंगु हं ।” अनितां मांहेसित ध्याय्इकल ।

मांहा रमा ह्यकुइ ह्याः तयाः भुकय् जुयाचन । अनितां आःजक मखु, धव्या स्वधाः ह्यापा नं तःबबःमछि अखबार बवनाः, रेडियो—समाचार न्यनाः धज्याःगु दुधंटनाया खेत मांहेसित ध्यंके धुंकल । गल्ले गोचर एभरपोटय् जेट हवाइजहाजया पांया बबहांमवयाः बाथावाथा कनाचवनीगु । गल्ले भारतय् फोबकर हवाइजहाज कुतुंबयाः छवइगु । गल्ले समुद्रपार देशया आकाशय् ततःग्बःगु जम्बो हवाइजहाजत स्वानाः सलंसः मनूत सिइगु । थुलिजक मखु । गल्ले भीथाय् बाइरोडय् बस कुतुंबनाः आपालं मनूत सिइगु, घाःपाः जुइगु । गल्ले भैरहबाय् बंगु बस लेय् कुतुंबनाः चवनाचवपि मनूत फुककं स्वाम्बाकं फुइगु ।

थज्याःगु खें न्यन्यं मांहेसिया ह्याय्पं हिइसे चवनेधुंकल । छल्ले ला अनिता खनाः रमाया साप तं पिहां बः । ‘अलछिनाः मचा, मनंमनं घाइ, ‘बोह्य पिहां भाइचंबलय् हे थज्याःगु खें न्यंका च्वनिइ । धाये ज्यू, ह्याये ज्यू धइगु मक्षूहा ।’

मांहा रमां मनय् खें वायेकाः ख्याः बच्चुस्से च्वंकाचंबंगु खनाः म्हाय्हा अनितां काचाकाचां मांया लप्पा चवनाः घाइ,—“स्वः मां, आःला छं बाःयात गने हे माः । छे त्वःताः अये गुलि पिनेजक जुयाचवनेगु । छेय् स्वः मडु ।”

“जिजक गुलि धायेगु ! अदाहे अज्यागु ! बाःछि थन चवनादिइ सा, लच्छि ला



पिने ! ज्या छवःथाय वने हे माः हँ ।” मांम्हेसिनं म्हाय्यात कॅ कॅ धाई,—“छं नं छकः धाःसां ज्युनि । भाः ला छ नं तःधिकः जुइधुं कल । छं धाःगु खँ नं ला न्यनिइ नि ।” अनिता नुगल्य खँ दासि वयेकाः स्कूल बनिइ ।

अनिताया बा प्रेमप्रकाश सरकारी ज्यां भैरहवा बनावंगु, भिन्ह वयेधुं कल । च्यान्ह चवनाः लिहांवये धमावंगु । लिप्यंगु मळुनि । न्हाबलें अथे हे । भिन्ह चवने धाःसा बाःछि ! अले बाःछि चवने धाःसा लच्छि ! तें आः भैरहवाय लाःगुलि ला छखें जिल का ! ल्हापार्थे बिराट-नगरपाखे लाःगु सा, रमा ला सिमां कुतुंबःहा माकःथें जुइगु का !

थौं रमा हिनय नं छने मळु । सेबलय सा स्वबें दुहा चौधिया म्हाय सरितायात घयेपुनाः घन्तन घन्तन छने फुहा । तर थौं न्हाः मवः । सरिता छग्वारा जुयाः न्हाः वयेके धुं कल ।

घांनि निनाचबंहा थौं आपुतुकं थः याकःकाय रमेश लुमंसे वल । भिछबें दुहा । खुगु कलासय बोर्डर जुयाः स्कूलय चबं चबंहा । सय हे प्यसलं मयाक छवयेमाः । बोम्हं फुककं स्वयाचबं-गुलि ला थःत याउंसे चबं का । थम्हं हे फुककं स्वयेमाःसा ... .. रमाया नुगः कॅ हाल ।

ध्वारारारां पुं स्वाहाने सः वयेक थहांवल । रमाया नुगः भारा भारा मिन । काचा-काचां लुखा चायेका स्वत । कुनेयागु तय् चवंगु वववाय बालं चबं चबंहा झन्हाया काय लताई व भुतुमालि जवनाः तले जस्तापाखे वंगु जुयाचवन । रमायात इवकुसे चवनावल । खालय चबपिसं भइजंगु लुमंसे वल —‘प्रेमप्रकाश नं गज्याहा जुइ । जिवंजिउ मजुइक उखें थुखें जुइ । छप्यय नयेत बाःवःगु बिचा कयाः नयाचवंसा ला जि हे ज्युनि । ’रमां बिचाः यात-निकू वववाया बाः लय खुसः वः । पसःया बाः वःछि । लय भिखुसः ला गने हे मव । हानं बैकं वइगु व्याज दनि बालि दुहांवइगु अलगग हे तिनि । रमाया बिचाः स्वाःवयेक लय सुंदुरुकं ववांजंगु तायेवत । काचाकाचां झ्यालं स्वत । न्हाःने पसलय चवंहा मवां सचायात लिना यंकूगु जुयाचन । चयःथ्याः । ज्या संतकि नं अथे सनाजुइगु जुयाचवन खनिइका ।

सँ हाःहु जुइकाः अनित स्कूलं जिहांवल । वयाखतं मांम्हयसित ‘बाः लिहांभल ला’ थकाः न्यन् । तर बाः गनं लिहां भाइ । मां म्हाय निम्हेसियां ल्हाकु-सँ ति ति स्वाः । स्वाः खिउँ ।

यःथें मयःथें बेलि सिधयेकाः रमा लासाय गवतुवल । सरिता छंगु ताउ जाये धुं कल । अनिताया नं न्हयः वःथें चवं । पिने पसः नं तिनाहल । रमा मू पुलाचवन । मिखा ध्वाळा थें ।

‘हुउं’ ‘हुउं’ हालाः दुधातं खिचा खयाहल । ‘इवकनीपि खिचात ! चाह्य जुइके मलाःनि, खया हये धुं कल का !’ रमां म्हुतु व्यवयेकाः ववःबिल । खिचा खलकि पक्का मर्नि जुइ धाःगु । रमाया मनय खँ दासिवल । ल्हापा ल्हापा न्यनातःगु खँत लुमंसे वल । ... .. गोधरयाय ल्हापा हवाइजहाज कुतुंबःवलय नकतिनि व्याहा यानावःपि मस्मति निह्यतिपुलि हांग्वाः जुल धाःगु । हवाइजहाज चलेयाःहा पाइलटया जहानया नं बिजोग ! भोछें चवंहा । बांलाक हने हे मलाःनि । बाइरोडय बस कुतुंबंगु खबर नं थितु थिइक वइचवनिइ । लय मिनि-बस स्वाइगु ला त्याःचाः हे मडु । मोटरं केलिइगु नं उर्ति हे । छें त्वःताः पिहांवनेगु ज्या हे मजिइ धुं कल । ...

रेडियो नेपालया विज्ञापन सेवा सिधयाः नापसं च्वंपि सकलें जःलाखःलातय्गु रेडियो नं छाने धुंकल । लैय् जन्त । मिखा स्वलहें कनाः सीह्म थें सट्टाय्चवंगु चीम क्यानाचवन ।

भाकाभाकां छ्यल्लिया लुखाय्चवंगु घण्टी तिनन् न्यात । बिचाः—ह्यलय् व्वाय्चनाचवन्हा रमा थाराक्क न्हल । अनिताया मिखा नं खापा चायेके थें जुल । काचाकाचां इयाले स्वत । न्हयःनेसं रिक्ता दिकाः प्रेमप्रकाशं घण्टी न्यायेका हे चवन ।

दुरुल्लु व्वहांवनाः रमां सूटकेश व्वबिया बिल । व्वथाय् थ्यंबलय् निम्हं सेंसें वः । स्वहानय् थहांववं प्रेमप्रकाशं रमायात न्यंकावल,—‘हवाइजहाज क्यान्सल जुल धकाः बसय् च्वनावयां लैय् बस स्यनाः गय्चवं । भ्मन्डें बिचय् बाय् च्वने मालेत्यंगु । बल्लबल्ल दयेकाः थ्यंके हलका । ‘बौह्म खनेसाथं अनिता जुल्लक दनाः बौह्मेसिगु त्हाः ज्वनाखतं ‘बाः’ ‘बाः’ धायेगु भाय्प्वः मेगु वक फुटयेमजू । बौह्म ज्यः जुल । रमायागु स्वाः स्वत । व नं त्वलय् जुयाचवन । उखे अनिताया हिवक हिवक वयाचवन । कथुइ थाःगु धुर्कें थें यानाचवन । बौह्म पयतुनाः भवाजा-येवं भनितां छसासलं घाल,— “आ हानं बाः पिहां भाइबलय् जि नं वयेगु । थनजक गुलि च्वनेगु । हवाइजहाजय् छव्वः धका च्वनेमलंनि । बाइरोड स्वयेनंगु मखुनि । बाःनंजक गुलि च्वनेगु ।”

म्ह्याय्म्हेसिया थ्व खें न्यनाः बौह्मेसिनं घाल,— “छ पिहांवनां छु यायेगु ? म्ह्याय्मस्त बेपि सुकं छेय् च्वच्वने का ! आखः व्वंकातइगु हे दु । हिगःतिनि खेला अन, हवाइजहाज कुतुंवयाः फुक्कं सिइगु । जि भन छिमिसं धन्धा कयाच्वनिइ धकाः व्वाय् थ्यंकः वया ।” बौह्मे-सिया थ्व खें न्यनाः मांहा नं मुस्क च्वनेमफुत । रमां नं नवाना हल; नुगःया दुनेनिसें, व्वातुगु सलं,—“छि नं छु खें ह्लानाछूगु जुइ । भयसा छु अनितायात छेय् ध्वाकः याना तयातयेगु ला ! छाय् दयेका दिइमाल छि म्ह्याय्मस्त ? उखे रामकाजीया म्ह्याय् रमिता खंला, बाजिलिङ्ग छव्याः व्वंकातःगु; निबें दयेधुंकल । अनिताच्वःहा ला खःनि । अले दुने चुकय्—च्वंहा ध्यः—साहुया म्ह्याय् लिलाचा खेला, बेलायतय् खुबें खुबें च्वनाः डाक्टर जुया वये धुंकल । कयंबईपि खंला बयाथाय् स्वः स्व । अस्पतालय् इगुटि ! गुलि ज्यू । थनजक तइतयां अये हे डाक्टर जुया बइगु जुइ ! इन्जिनियर जुयावइगु जुइ । छि उलिमछि चाःहिलाजूम्हेसिनं मस्यु धकाः ला व !” ... ..

म्ह्याय् व कलाःया खें न्यन्वं प्रेमप्रकाश पाकः जुल । वयात च्वन—अनिता तःबिकः जुयाः घण्टाघर थें जुल । अले रमा भन भराय्धिकः जुयाः घरहरा थें च्वनावल । थः चाहि चिकिधिकः जुजुं बय् जुइहा इमूचा थें का !



## बोक्सीया बाखं

— अयोध्याप्रसाद प्रधान

खःला मखु ? — संसारय् धर्म अधर्मं नितं दु । स्वर्गं यःपि, नरकं यःपि निगू  
क्षिसिमयापि मनूत ह्तापांनिसें दु । सुर अमुर, छः दानव, साधु स्वभाव जूपि प्राणीत इतिहासवेसैं  
ह्तापा नं खने दयाचवन हे खइ । छाया धाःसा, थःगु स्वार्थया प्रारम्भ सृष्टिनापं हे चवनाचवंगु  
खनेदु । स्वार्थ दयाः हे जन्म-मरणया चक्र चल्यजुजुं बल । ह्तापा परापूर्व सत्ययुगया कालय्  
प्राणीत ह्तापाथें । भिपि जूसां स्वार्थ त्यागीत हे धाःसा खइमखु । छाया धाःसा अनपिके  
स्वार्थ हे मनुगु जूसा, अनपि जन्म हे काः बइमखु खइ । ह्तापागुं युगयापि मनूत जन्म काःवःगु  
ब बइगु प्रमाण शास्त्रय् खने हे दु । थ्व स्वार्थय् लोभजवक मखु क्रोध नं प्यपुनाचवन । उकिं  
स्वार्थय् काम, क्रोध, मोह स्वर्गुलि दोष नं दु हे दु । थुकिं हे समाजय् बोक्सी दयावल जुइ ।  
बकसिवे ह्तापा थ्व विहांवःगु कारण न्हागुं जूसां, लिपा स्वइबलय् बबला कायेगु भावनां यानाः  
हे बोक्सी स्थने यःपि मनूत खनेदत । स्थने यःपि सिष्यतसैं स्थनीपि बोक्सीत नं लुइके फत ।  
स्थनीपि व स्थने यःपिसं यानाः बोक्सी विद्याया सुखला चल्यजुल । उकिं थ्व विद्या खःला मखु  
धयागु प्रश्न न्हाःने मबल । थ्व नं छगू विद्या खः धयागु प्रमाण नं खनेदु ।

आप लगय् जूला मज्जू ? — सुनां छुं बिराम यात धाःसा सराप् बीगु ज्या  
बोक्सी विद्याया पूर्वरूप खः धकाः आपाःसिनं मस्यु । सराप् लगय् जुयेव्यु धकाः हे थुजागु सराप्  
बिइ । एकचित्त जुयाः दुने नुगलंनिसें हे सराप् वःगु जूसा, सराप् लगय् जूइमखु धकाः सुनां  
धायेफु ? उकिं भगवान् बुद्धया विनयकथं सुनानं हे सराप् बिये मज्यु । अथे हे ऋषिमुनिपिसं  
सित्तिमिति आप बिइ हे मखु, भुके जुयाः बिलधाःसां आप लगय् जुयाः मन्हूखं दुःख सिइगु  
उदाहरण आपाः दु । थुजागु दसि प्रमाण नं यानाः क्रोधी ऋषितय् बुद्धिमान् मन्हूतसैं बायकाद्  
हे यायेगुलिइ श्रेय ताइ । ऋषिमुनिया उद्धार याना जुइह्य भगवान् कृष्णया हे कुलयात क्रोधी  
ऋषिया आपं सर्वनाश यानाबिल । उकिं, लगय् मजुयेव्यु धकाः सराप् बीगु खःसा, उजागु  
निष्फल आप हे छाया बियेगु ? लगय् जुयेव्यु धकाः सराप् बिइगु खःसा, थ्व बोक्सी विद्याया हे  
प्रारम्भिक रूप मखु धकाः गथे धायेगु ? थुजाःगु मनोवृत्ति व बदला कायेगु भावनां यानाः हे  
थुजाःगु दुष्ट विद्याया अस्तित्व चवनाचवन । बोक्सी विद्या घृणित खः धकाः सकसिनं स्यु; तर  
थ्वया कारणया निर्मूलन यायेत सुनां नं बाँलाक मसं ।

बोक्सी बाखं — विश्वभर हे धाथें मन्त्र तन्त्र यन्त्रया छगू न छगू, ह्यो आपाः, खःगु  
मखःगु रूप खनेबवं वयाचवंगु दु । खला थुजाःगु प्रयोग मनया हे बलजक प्रभावकारी जुइगु खः ।



तर मन्त्रं श्रवयात् बल्लाक ज्वना तयेकु । मन्त्र निगू किसिमयागु दु, छगू किसिम ताहाकःगु भेगु चिच्चाहाकःगु । ताहाकःगु मन्त्र व्वनाः बोक्सीतसें भमिगु मन एकाग्र याइ, बल्लाकी धकाः धाइ । भमिगु विश्वासयात थुजाःगु मन्त्रं बल्लाकी, बल्लाःगु विश्वासं यानाः भमिगु मन पिने वनेकु धकाः नं धाइ । चिच्चाहाकःगु मन्त्रं श्रव हे विश्वासय् ज्वनाचवंगु मनयात थः यस्थाय् यंकी । मन्त्रया प्रयोग यायेगु विशेष साधनयात यन्त्र धाइ, व विशेषकथं मन्त्रयाके श्या कायेगु तन्त्रया कुने लाःबइ । थुजाःगु किसिमं बोक्सी विद्याया स्यनेगु ज्या गुरु-शिष्य-परम्परायाकथं चल्यजुजुं वःगु दु धकाः धाइ । श्रव हे विद्याया फलकथं बोक्सीतया अनेकगु बाखं मेमेथासे येँ भी देशे नं वास्ताये दु । थुकिमध्ये आपाः कल्पित नं जुयेकु, छुं नं छुं अवश्य हे खःगु हे खँ जुइ, वस्तुगत हे तथ्य खयेकु । खहे मखुगु खँ धाःसा, मखु धकाः विश्वया हे सन्तव्यं श्रवयात तेवा व्यू । श्रव बाखंजवक मखु तथ्य नं खः धकाः विश्वं मानय् यानातल । या हे मयाःगु आपालं हानिकारक जुयाः नं श्रव विद्याया अस्तित्व दुला महु धकाः विचार यायेत हे थुजागु अप्रिय बिषयय् श्रव लेख चवयागु जुल ।

इतिवृत्तया खँ — भी हे अथर्बं खेइय् अनेकगु थुजाःगु मन्त्रत दु, गुजागुयात बैरशो-धन मन्त्र धायेकु । अवश्य हे श्रव वैदिक कालयासें ह्यापाया भमिगु समाजय् प्रचलित बैरीयात हानि व नाश यायेगु प्रयोग खइ । तान्त्रिकपाखे थुजागु मन्त्र यन्त्रत दु, तर वयात बोक्सी विद्या धाइमखु छायाभाःसा वयात प्रयोग यायेत सम्य व धनी समाजया मनूतसेजक फु । गथे धाःसा संपंनाश यज्ञ थुजागु विनाशकारी यज्ञ यायेत राजा जनमेजय येँ श्याहा सत्ताटं योग्य ऋषितया सहयोगंजक सम्पन्न यायेकत । अथे हे द्रोणाचार्ययात स्यायेकुहा पुत्रया लागि राजा द्रुपदं यज्ञयात ऋषितया माध्यमं हे । देवराजा इन्द्रया घातक बृत्तासुरयात यज्ञ यानाः हे हकेगु प्रयत्न यानातःगु बाखं प्रचलित हे दु । भी पुराण उपपुराण भाष्यायिका साहित्ये थुजागु आपालं दसु खनेहे दु । थुजाःगु बैरीविनाशक यज्ञयात बौद्ध व शुद्ध योग शास्त्रया सदाचारया मिलां स्वये-बलय् प्रशंसा यायेमाः येँ खने दइमखु । उर्कि हे दुष्टपित्त विनाश यायेत धकाः ऋषिपिसं यज्ञया सहायता मकासें, राम व लक्ष्मण अवतारी, राजपुत्रपि पवनेत प्रतिनिधित कोशलया राजधानी अयोध्याय् छथत ।

पश्चिमया मुलुकय् बोक्सीत — भी पूर्वी मुलुकपाखे बोक्सितयगु आपाःमछि संगठन व कुप्रभाव खनेमहु । खला, बोक्सी विद्या व बोक्सी मनोवृत्ति जरानिसेँ खरापगु, दुर्गुणं जाःगु, व नरक श्यनिगु ख; अथेनं श्रव विद्याया मूल गुरु पश्चिमाली देशय् येँ छहा कुमार्गी देव बानव छुं खनेमहु । किंवदन्तीकथं बोक्सी मूल — मंत्रया उपदेश बोह्य पार्वती देवी खः धाइ । तर पार्वती देवी बीगु मन्त्र श्रव हे खः धकाः सीमहु । तन्त्रया उपदेष्टा नं पार्वती देवी हे जुयाः यथे धयाज्वने नं फु । तर बोक्सी — विद्या मूलनिसेँ हे धृष्टित जुल खइ धकाः धायेमफु । पश्चिमय् धाःसा “गाइ, जेहोवा,” इत्यादि नामधारी ईश्वरया प्रतिद्वन्द्वी “शैतान्, डेविल्” निलेँ गठवन्धन याइह्य धकाः “बिच्” अर्थात् बोक्सी व बोक्सापिनिगु जुयेमावध दुर्गति जुल । ईश्वरया सृष्टिया हे विनाश याइपि धकाः बोक्सी, बोक्सा धाववसित स्वाकं स्वाकं मिछ्वयेकाः स्यात । थुकि आपाः ला अर्थे अन्याय किसिमं नं लात । थुपित चर्चवाखेँ ज्वनाह्याः, शासना बिद्याः, कायल यानाः मृत्युदण्ड बिइगु जुल । थुजागुलि थुजापि अपराधीतय् मृत्युदण्ड बिइगु न्याय ला

अन्याय घयागु प्रश्न ला छेहे हे तिनि; शासना बिया: कायल याना: अपराधी ठहरय यायेगु प्रणाली हे आपालं दोषपूर्ण धका: धायेकु ।

**पुलिसया शासन** — पुलिसं अपराधी धका: ज्वनाहकुगुपिन्त अनेकगु धयंकर शासना बिया: ख:मखुपिन्त मास्थे अपराध स्वीकार याकेगु खें सुनां मस्यू ? शासनाया कष्ट नयेगुयासिबें पुलिसं धा:धा:गु खें कबूल याना: अपराध स्वीकार या:पि मन्हूत गुलिमछि बु धका: न्यायासिनं सिहे सिउ । अथेहे पश्चिम देशयाखे चर्च-अधिकारीतसे जज्पिन्त पूरा अधिकार बिया: बोक्सीतय् थ:गु अपराध कबूल याकेत शासना बियेगु नं अधिकार बुगु ख: । उकि मखुपि मन्हूत नं आपा: हे चर्चया अधिकारी जज्पिन्त फन्दाय लाना: स्वाकम्बाकं भिनयेका सिये माल । थुकि छगु चिन्चाधंगु दस फ्रान्सया जज् हेनरी बोक्वेया [मृत्यु १६१६ इस्वी सन्] छगु सफू “डिस्कुसं सोस्येर” फ्रेञ्च मूल ग्रन्थया अंग्रेजी अनुवाद “ऐन् एक्जामेन् अफ विचेज्” (जान् रोड्कर १६२६) घयागुलिइ खनेदु । थव सफूया प्रस्तावनाय् मण्टेगू समर्स सहोदयं १६२८ दय् चवयात:गु दु । व धुकथं ख:-

**प्रस्तावनाया खें** — “बोक्सी विद्या विषयय् हेनरी बोक्वे थ:थुजा:पि बोक्सी कबूल याकीपि जज्पित आपा: ग्रन्थया सहायता का:गु दु । थुपि जज्पितया नां ख: - स्प्रेङ्गर क्रमेर्, जां बोदे, निकोलास् रेमि, पीटर बिन्सफिल्ड, बिशप् सुफ्रागान्, पाल् ग्रिल्लेण्ड, बार्तो लोमेयो द स्पिना, थिरायुस्, लेयोनार्ड वेर, इत्यादि ।” थुपि जज्पितसे गुलि गुलि बोक्सीतय् शासना बिया: कबूल याका: स्याकल । थव छगु फ्रांस थुजा:गु सम्य मुलुकया खें ख: । उजा:गु ला अफ भन् मेगु पश्चिम योरोपया देशया खें हानां व चवयां गा:गुमखु । थव जज् सहोदयं सहायता का:गु ग्रन्थत - “माल्युस् माले फिकारम्, हेमोनो मानी, हेमोनो लात्रेया”, व रंमाण्डया “लांते क्रिष्ट” इत्यादि ख: । थुह जज् हेनरी बोक्वे अन्तर्धर्तिका:पि व मुद्दा चल्ययाना: साक्षी बकय्थाना छव:पि बोक्सीतया कायेलनामाकथं बोक्सीतसे यानात:गु व याइगु ज्या छगु छगुलि विवेचन याना: थवया छ:ने प्रकाश खंकात:गु दु । संक्षेपकथं व थथे ख:-

**बोक्सीतसे याइगु ज्याखें** — “बोक्सी छहस थ:गु छौरातय् मेहा मन्हूया शरीरय् छवया बिइकु । बोक्सीतसे मेहा मन्हूयात हानि यायेकु । भूत व शैतानपिनि शरीर नं दु । थव भूत व शैतानतय्सं थसं मर्थे शरीर नं कायेकु । शैतानं बोक्सीतय् थ:खे का:बलय् भमिगु ईश्वर व धर्म संस्कारपाखेया बन्धन त्व:ता छवकी । शैतानया शब्द व वाक्य वात्ताये नं दयेन । शैतानं मिजं जुया: बोक्सीलिसं सम्भोगतकं या: मिसा जुया: बोक्सातय् सम्भोग याक् । थवया मन्साय् ख: बोक्सी व बोक्सातय् संथुन याना: व याका: लुब्ध यायेगु । थुजा:गु सम्भोग मनया कल्पनाजवक मखु, वास्तविक नं ख: । थुजागु सम्भोगं स्वा:पि मस्त बुइ मबुइ घयागु खें धा:सा विवादास्पद खनेदु । बोक्सीत थ:गु मुनेगु अड्डाय् थ्यनेत न्यासि मवंसं शैतानया सहायता कया: अर्थे वये वनेकु ।” थुजा:गु खें मामुली मखु ।

**याइगु हे खें** — “बोक्सीत थ: मुनेगु अड्डाय् वनेगु थ्यनेगु खें धा:सा विवादास्पद दु । आकस्मिक रूप् थ्यनेकु घयागु खें थुं विद्वान्त सहमत मजू । तर जिगु (हेनरी बोक्वेया) अनुभवकथं धा:सा बोक्सीत सामान्य साधन ज्वना: आकस्मिककथं थ:गु अड्डाय् थ्यनेकु व थ्यनेन । तातापा:गु अड्डाय् न्यासि वनां ला साध्य मजू । थुमिके थ:गु हे शक्ति मबुसां शैतानया



महत कथा: थपि ध्यनेफु ध्यना नं चङ्गु दु ।" ध्वया दःसु इतिहासकथं नं हेनरी बोर्गे विया-  
तःगु दु । मेपिनि खं छु धाःसा 'थुजागु बेवी शक्ति बोक्सी थुजापि हीन दुष्ट जीवयाके गथे वये-  
फइ ?' ग्रन्थकर्ता जज्ञ्या धापू धाःसा - "बोक्सी बोक्सा मखुपिस्त नं बोक्सीतसँ थःगु अङ्घाय्  
यंकूगु दु, थुपि न्यासिवंगु ला अवश्य नं मखु । बोक्सी मयंकूगु जूसा थुपि गथे ध्यनेफइ खइ ? उकि  
आकस्मिककथं बोक्सीत थःगु अङ्घाय् न्यासि मर्वसि हे अर्थे वनेफु । गबलें गबलें धाःसा अङ्घा सत्तिगु  
जूसा अपि न्यासिवनाः नं अङ्घाय् वं । मखु, बोक्सीत थःगु अङ्घाय् सूक्ष्म शरीर कथाः वं, स्थूल  
शरीर छे सँ खःता तयेन धायेगु नं सिद्धान्त काःपि दु । उकि निगुलि खं बोक्सीतय्के खनेदु ।"

भीथाय् पाखे — थ्व खं धाःसा भीपाखे नं किंवदन्ती दु । बोक्सीतसँ पीपल सिमाय्  
अन्धकार अमावास्यापाखे थःथः पासापि मुनाः बोक्सी पूजा याइ । आकाश मार्गलं अपि वयेफु ।  
तर थ्व खं स्पष्ट मजू कि थुजापिनि स्थूल शरीर छेय् दुला मडु ? हानं मुख्यगु छगू खं ।  
भीथाय् पाखे, ईश्वर विरोधी शैतान थें ध्याःह्य सुं सुं हे मडु । बोक्सी मन्त्र धाःसा पार्वतीदेवी-  
पाखें बल धाइ । हानं पश्चिमी देशपाखे बोक्सी - अङ्घाय् प्रचलित यौन भद्रगोल्या खं थुखे  
गनं हे वात्ताये मडु । भीथाय्पाखे बोक्सी बकेयाःगु वसु बाहेकं, बोक्सीयात स्पात धाःगु न्यने नं  
मडु । छाय् धाःसा, बोक्सीया अस्तित्व भी कानूनं गुबलें स्वीकार मयाःनि । ख नं यदि मानसिक  
कर्मजवक खःसा, मानसिक कर्म अपराधया दुने मलाः । दण्डसजायया मिलाय् स्वप्न कर्म थें हे  
जाग्रत अवस्थाया मानसिक कर्म नं अव्यावहारिक हे जुइ । तर बोक्सीया मानसिक कर्म बलशाली,  
प्रभावकारी, व हानिकारक जुयावल धकाः पश्चिम देसपाखे चर्च व्यवस्थां बोक्सी धाःधाःपिस्त  
दोषी ठहरय् यात । कायेल याकाः स्वाकं स्वाकं मिनयेकाः सि छवयेकाः बोक्सीतय्त स्यात ।

अपराधी, दोषी व दण्ड — ह्यापा थुखे थें हे उखे, न्याय्पाखे माध्यमिक अर्थात्  
मीडिईवल् कालय्तक नं छु चलन दुगु खः धाःसा, अपराधी धकाः ज्वनाहकपिस्त दोष कबूल  
याकेगु, कबूल यानाः दोषी ठहरे जूवःपिस्त दण्ड वियेगु, कबूलयात धकाः त्यःता छवयेगु मखु ।  
थुजाःगु क्रूरता उखे नं थुखे नं भी देशय् नं प्रचलित जुयाचवंगु इतिहासं कयना हे चवन । उकिसनं  
थुहा ग्रन्थकर्ता जज् हेनरी बोर्गे नं च्वयातःगु खेय् आपालं क्रूरता व अन्यायया दसु थें हे खने  
दु । व छु धाःसा बोक्सी धकाः शंका लगय्जुयाः च्वनाहकेव कुनातइ । अनेकगु किसिमं न्यनी,  
अनुसन्धान याइ, कारकेर याकी । वसः त्यकाः ह्यय् छुं दागे यानातःगु चिं चां दुला धकाः  
स्वइ । कपालय् दुगु सँ फुक्कं खानाछवयाः नं छुं दागे यानातःगु चिं दुला धकाः स्वकी ।  
उलि यानाः नं कबूल मयाःसा शासना (टार्चर) याकी । थ्व टार्चर (शासना) या वर्णन जज्  
महोदय नं च्वया मतः । थौकल्लय्तक नं पुलिसया टार्चर बीगु प्रणाली नरक यातनायासिकं ह्यो  
मजु । यमदूत बरु पुलिसयासिकं असल जुइ, थुजाःगु यातना वियेगु ज्याय् । भगवान् बुद्धं नं  
दुःखया वर्णन याःबलय् थुजाःगु शासना यातनाया भयंकरकथं वर्णन यानातःगु दु । तर थुहा  
जज् महोदयनं मेमेपि सहयोगी जज्पिस्त बोक्सी (विच्) कबूल याकेत नियमावली च्वयातःगु  
(२११-२३८ पृष्ठ) लुइगुंता (६६) धाराय् स्वये व च्वनेबलय् मीडिईवल् योरोपया धर्म हे  
ग्लानि व विरक्ततां नुगलय् दना वइ । ईश्वरया साम्राज्य कायम याये धकाः थःपि धर्माधिकारी-  
तसँ शैतान व डेबिल्पाखेयापि धकाः बोक्सी व बोक्सातया निर्मूलन याये धकाः याःगु अन्याचार  
व अन्यायया बाखं - वास्तविक बाखं - न्यने व च्वनेफुपि मनूत ह्यो हे वइ ।



थ्व इतिवृत्तया ज्या — बोक्सीतसें यायेकुगु खें धकाः थुहा जज् महोदयनं च्वयातःगु थःगु कल्पना व पुलांपुलांगु ग्रन्थया खेंजक्क मखु। अनं बोक्सी कबुल याकेबलय् बोक्सीतसें धाःगु, कबुल याःगु व अनं मेमेपि सहयोगी जज्तया लेख व रिपोर्ट च्वनाः हुकुगु धारणा नं खः। थुखेपाखे स्पर्लिदुपि बोक्सीतसें नं थुकि उपदेश कायेमाःगु आपाः खें दु। सम्भावित बोक्सी विद्या स्यने यःपि नं स्यनेत न्हाज्याइ मखु। उकिजक्क थ्व लेख च्वयेगु मन यानागु खः। अनं जज् महोदयनं बोक्सीतसें याइगु ज्याखें हानं घयातःगु बुः—

बोक्सीया ज्याखें — “बोक्सीतया थःगु अड्डा (संबैट्) पाखे मुनेगु ज्या सामान्य-कथं बहनिइ याइ। बाचचा जाइबलय्।” थुजाःगु बाचचाबलय् बोक्सीत मुनेगु व मुंकेगु ज्याया गुलिखय्मछि कारण, शंतान डेविलया दु हे वइ धकाः जज् महोदयं छुं कारणनं कल्पना याःगु दु। खा हालेवं फुककं तनावनी धकाः नं च्वयातःगु दु। भीपाखे नं बाचचाइलं खा हालीबलय् तक बोक्सीतसें थः थः मुनाः पूजा याइ धकाः धाइ। जज् महोदयं, थ्वया कारण, बाइबिल-न्यू टेस्टामेण्टय् खा हाले ह्यापा पीटर सेण्टजुं स्वकःतक ‘जि मखु’ धकाः इन्कार यानातःगु फुप्रख्यात दमु वियातल। मेगु खें, थुजागु अड्डा “बिहिवार बिहिवार बाह्यजक्क जुइ धकाः आपा बोक्सीतसें धाः। तर सोमवार, शुक्रवार, बुधवार व आइतवार चाह्य नं थमिगु अड्डा च्वं। उकि जि (जज् महोदयं) स्वइबलय् थुकिइ वारया विशेष बन्बेज व मनाही मदु। छुखेलं जि सीका तयागु दु, थपि ततःहंगु पर्व पर्वले अवश्यनं मुनी व अड्डाय् मुनाः बोक्सी क्रिया याइ। थुजाःगु अड्डा व मुनेगु थाय् थ्व हे खः धकाः निश्चित मज्। उकि शंतान (डेविल्) नं चुनय् याःगु थासय् मुनी”। भीपाखे धाःसा समय अन्धकार औसी (अमावास्य) व थाय् धाःसा पिपलमा दुगु एकान्त स्थल धाइ। पुराणकथं पिपलमा ववसं (दच्छिया) छन्हुजक्क नारायणसहित लक्ष्मीया वास जुइ। मेखनु लक्ष्मीया तता अलक्ष्मीया वास जुइ धकाः घयातःगु बु। तर अलक्ष्मी बोक्सी मखु।

विशेष ज्याखें — “बोक्सी तसें थःगु अड्डाय् (संबैट्) याइगु ज्याखेंया बच्छि नं सकार याइमखु। तर जि (जज्) मेमेथास गामंगां हरैक खें मुंकातयागु दु गुगुकि थ्व खः-बोक्सीतसें थःगु अड्डाय् (सिनेगाग् अर्थात् पूजाया थासय्) मुनाः दकसिबय् ह्यापा शंतान (डेविल्; मार मखु; हिन्दू व बौद्ध, जैन इत्यादि पूर्वी धर्मय् शंतान थुजाःह्य ईश्वर-विरोधी तत्त्व छुं मदु; मार बुद्धत्त्व-विरोधी खःसां ब्रह्मा, ईश्वर महेश्वर, विरोधी मखु।) शंतानयात पूजा याइ। शंतान अमिगु न्होने गबलें तजाःह्य हाकुल मनु चुयाः खनेदइ, गबलें दुगु (गोट्) या रूपं वयनी (पश्चिमी बोक्सीतसें दुगुयात शंतान धकाः प्रायः मानय् धाः)। अले थःगु भक्तिभाव वयनेत बोक्सीतसें मेनबत्ती च्याकी (अर्थात् आरती याइ)। किस् याइ (चुप्पा नइ) अले (अमिगु सभ्यता अनुसार) लिउने घृणित थासय्। गुलिसें बोहलय् नं चुप्पा नइ। चुप्पा नयाः मेनबत्ती अथवा च्याःगु चिराग नं छाइ। गुलिसें धाः कि मेनबत्ती शंतान हे अमित बियेन।”

प्याखें हुलेगु — “बुलि यानाः अले बोक्सीत प्याखें हुलिइ छगू चक्र थें गोल मुनाः, थःथगु लिउनेया ह्याह्य (पीठपीठ) त्वाकाः प्याखें हुलिइ।” थ्वया कारण जज् च्वयातल कि अमित मुयानं ह्यसिकी धकाः वये याःगु खः। तर, “थौकल्लय् थुमिसं थःत मखंकेत मेगु हे उपाय धाः।” जज् ठीक कारण लुइके धाःसा मफुन, रुढिवादी चलनया खें धाःसा गननं आपाः स्पष्ट जुइमखु। अले जज् घालः- “थये यानाः प्याखें लुइबलय् शंतान व डेविलत नं अमि गोलय् त्वाक

ज्याः घाः प्याखं ल्हइ । थुकिइ बाजा नं दइ । मिथुन प्याखं नं ल्हइ । प्याखं ल्हये धुंकाः यीन अत्याचार नं यःयःथे जुइ । थुजागु अनेकगु अत्याचार दुराचार घाये धुंकाः अले भ्यय् नइ । बि घाःसा गुक्सिनं दइमखु अय्लाः अथवा लः स्वनी । सा घाःसा अनेकगु ला खूनाः नइ । तर बोक्सित सकसिन घाः कि अमिगु भ्यय् गुक्सिनं स्वाद महु, अमिगु प्याः गुबलससं मजाः नये पित्यागु नये हे पित्यानाचवनी । नयेनी धुंकाः बोक्सितसें शेतानयात थःथःगु ज्याखं कनी । मुनां दकसिब्य आवाः मनुतय्त दुःख बियातःगु दइ, वघात प्रशंसा पाइ । थुजाःगु खे गोप्य तयाः गननं सुयात नं मघायेगु घकाः शेतानं बोक्सितय्त शयथ नकी । थःथःया विरुद्ध थःगु मेपिनि सहयोगी तयाः भेद खोलय् मयायेत नं प्रतिज्ञा पाकी ।” गोप्य तयेगु खे ला छुं आश्चर्य मखु । बुद्धधर्म बाहेक, मेगु आपालं धर्मय् मुख्य मुख्य खे गोप्य तयेहे माः घाइ । तन्त्र मन्त्र यन्त्र सा भन गोप्य हे जुल, अथे हे समाचार फुक्क हे गोप्य दु । भीपाखे नं बोक्सितय् ज्याखे साधन पूजा फुक्क गोप्य हे जुइ ।

भयंघर असर — बोक्सितसें पो वयेका बू बाली नष्ट याना बियेफु ला मफु घयागु खेय् बिबाद दुसा, थुहा जज्या कथं, थव खे बोक्सितय् कबूलनामाय् सम्मिलित जुयाचवन । खला, सिद्ध गने जुयेःह्याः मिलरेवा सिद्धजुं छहा तान्त्रिक याके स्यनाः उण्वः दुष्टताया बदला कायेत, थःगु गामय् छकः व मेथासय् निकः स्वकःति थुजाःगु पो वयेकाः खेती बाली नष्ट यानाबिल घकाः चवपातःगु दु । तर बोक्सित लखे तुतां दायाः, छता पाउडर धू लखय् ह्वलाः, पो वयेका बिये फुगु खेय् जज् महोदयया निश्चय खनेवु । अनेकगु उदाहरण नं बियातःगु दु । बोक्सितसें दयेकेगु पाउडर धू, मल्लम, बासः, इत्यादि अवश्य हे भयंकर असरवाला जुइफु । छायाःसा जहर विषत दु, उँक थुखेधाःसा सकसिनं बांलाक ध्यान बियेमाः । उजागु जहर प्रयोग याइहा सित सकलें मिलेजुयाः ज्वनाः कानूनयात सोंपे यायेमाः, अन नं थनं नं । उजागु हानिकारक ज्या घाःसा याके बियेमज्यू । मेगु खे जज् महोदयं घयातल बोक्सितसें — “खालय् फू यानाः, सराय् बिया, कुदृष्टि स्वयाः, ह्लातं थियाः, छडी कठी प्रयोग यानाः, मूर्ति दयेकाः, रोगव्याधि उत्पन्न याना, इत्यादिकथं मनुतय्त दुःख बियेफु ।” उलिमछि बोक्सितय् वुगुण चवयेधुंकाः जज् महोदयं लाभपत्तिइ नं दृष्टि भ्यूगु दु । प्रश्न छु घाःसा, छु बोक्सितसें रोगव्याधि संघो याना मन्या हित नं यायेफु ला ? थुखे नं जज् महोदयनं माक्व तथ्य खे मुंकाः हकुगु दु । रोग व्याधि लंगु लंकेगु नं उदाहरण दु । तर जज्या घापू छु घाःसा, शेताननिसं स्वानाः बासः याइगु जुया निंति बोक्सितय् उगुपक्ष नं कायेमज्यू । ख न न्हागुकथं जुइमा, बोक्सितय् फन्दाय् लाःपि मनूत उगु फन्दां उमके जुइ थाकुइ । छगु ध्यान तयेमागु तथ्य छहा जज् महोदयनं चवयातल व खे खः — “बोक्सितसें स्वयाः स्वयाः घाःसां, खबि दयेके व हायके मफु अर्थात् बोक्सितया मिर्खां खबि वइमखु ।” भूमिकासहितं ३८० ति पृष्ठया सकुलिइ चवयातःगु थुलिचाजक्क खे न्हाःने तये धुन । बोक्सी सम्बन्धी भीके उलिमछि खे मखना हे, प्यसः दै ह्लापायाहा फ्रांस देशया जज् हेनरी बोव्हेजु समेतया सफू स्वयाः थुलि चवयागु जः । भगवान्या ज्ञानथे सत्यज्ञानया प्रकाशं हे उजाःगु मभिगु मिथ्या विद्या व प्रपंच लोप जुजुं वनी । भी सदाचारंजक्क समाजया दुने वःगु बोषत वुजुं वुजुं फुक्क तनावनी ।

मंगशिर २५ गते २०४०

२७।२०३ पुतलीसडक



## जिगु उपत्यका

— रमेशमधु

दारी खाना: सिले मानिगु

गिलास — थ्व उपत्यका ।

गिलासय् लेंहेपुयाच्वंगु साबुंति

जिगु उपत्यकाय्

सगेतय् ब्वेच्वंगु सुपांय्

मन्द: मन्द: काकां

क्वसियाच्वंगु सँ

इमा, गिद्ध, को:, सतांया ।

गिलास छक: संका स्वये ।

गुं सिमा छेँ बुं

भुररर ब्वइ वा मस:निगु बुं

चखुंवखुं थें इमा गिद्ध को: सतांया ।

थ्व जिगु उपत्यका

सिले मानिगु गिलास ।

## तिमिला

चाया गोलपोष्टय्

थ्वानाह:गु पेनाल्टी ब:ल

तिमिला ।

पनेमफुत गोसकिपरं

जा: छपातं कम्प: जुइक

जालय् तक्यना:

बल्ब

च्यानाच्वंगु दु ।



क्वबवाल: तुंक स्व स्वं नुगलय् खँ बुयावल —

धात्थें, जीवन थथे हे जुइमा: यच्चुस्य, स्वस्थ,

संगीतपूर्ण, न्हाबलें सचेत व प्रगतिशील, पिनेया

बन्धनं मुक्त व सदां बिद्रोही ।

— अज्ञेय





## ध्वनि सिद्धान्तं छु बिल ?

— रत्नध्वज जोशी

संस्कृत काव्यशास्त्रया इतिहास्य ध्वनि सिद्धान्तं दुर्हावसेनि छगू न्हूगु युगया ध्वाला बाल । मनूया छगू ज्ञानेन्द्रियं (म्ये) अनुभव यायेफइगु भरतमुनिया रस सिद्धान्तपात मनजक थुइके फइगु तैय थत याछबबिल । भरतमुनियागु भिलाचा छैयात भट्टनायक, आनन्दबर्धन व अभिनव गुप्त थुपि स्वह्म जानाः लाय्कूया रूप्य हीकाबिल । भिलाचा छेय्चवनीह्म बाउचा साः कुबियाः लुच लुच लुच लुच पलाः छिनाः बु वनीबलय पुलिइ पर्कातःगु वसः पुनाबंसा छुं ल्याः मडु । तर लाय्कुलिइ दुर्हावनीह्म भाजुं ला बसः नं भचा तःजिक पुने हे माल, पलाः नं धिर्कि हे छी माल । उके सुं छह्म कवि बाउचा मोम्ह बाउचा लाय्कुलिइ चवनीपिसं तीगु हिरामोतिया पारख याये सइमखु धाल धकाः सुनानं मंछि तायेमाःगु मडु ।

निदो बंति ह्मापायाह्म भरतमुनिया नाट्यशास्त्रनिसे च्यागुगु शताब्दीयाह्म आचार्य वामनया 'काव्यालंकारसूत्रवृत्ति' सृजना जूबलय्तक नं रस बाच्य हे जुल । ध्व हे कारणं ह्यगुगु शताब्दीयाह्म आचार्य दण्डी थःगु काव्यादर्शय काव्यशास्त्रय दकले ह्माप्पां प्रेयस्, रसवत् व उर्जस्वि अलंकार पिकयाः रसयात नं अलंकारविशेषया प्वाथय दुने लाकल । आचार्य (गुरुबाजु) उद्भवं गुण न् अलंकारया भिन्नता ब्यनेत स्वत । तर खे स्याजिक च्येमफुत । उद्भवं नाटकया क्षेत्रय रस च्याता हे जक ल्याःल्याःसां काव्यक्षेत्रय गुता हे ल्याःल्यायेमाः शान्तरस नं रस खः, निर्वंद थुकिया स्थायी भाव खः धयागु सिद्धान्त प्रतिपादन यात । वामनं रीति हे काव्यया आत्मा खः धयाः शैलीयात हे सकतां खन । रीति अर्थात् शैलीया महत्व लो मजू तर वस्तु विनाः शैलीयाजक महत्व ब्यनेगु आत्मा मडुगु म्हया प्रशंसा यायेथे जक खः, ध्वहे कारणं 'ध्वन्यालोक' या चवमि आचार्य आनन्दबर्धनं वामनयात लक्ष्य पानाः ध्वनिया त्याजिक व्याख्या याये मसयाः रीति सिद्धान्त पिर्हावःगु खः धंगु खे थःगु ग्रन्थया ३।४७ स चवत छु रीति सिद्धान्तयात चुं चुं थन । दसुया ल्याखं रौद्र रसया कविता नं प्रसाद गुणयुक्त अर्थात् समास मडुगु जुइफु, शृंगार रसया कविता नं दीर्घसमासयुक्त जुइफु—

‘यो यः शस्त्रं विभर्ति स्वभुज गुरुमदः पाण्डवीनां चमूनां

यो यः पाञ्चाल गोत्रे शिशुरधिकवया गर्भशय्यां गतो वा

यो यस्तत्कर्मसाक्षी चरति मयि रणो यश्च यश्च प्रतीपः,

क्रोधान्धस्तस्य तस्य स्वयमपि जगतामन्तकस्यान्तकोऽहम् ।’

ध्व श्लोकय ओज गुण दु, तर दीर्घसमास मडु । थुकिया अर्थ स्वयं बियागु दु —

“पाण्डवपिनि बधानय थःगु बाहुबलया धमण्ड बुपि गुलि शस्त्रधारी दु, अथवा पांचाल-वंशय तःधिकः चीधिकः अथवा गर्भचर्चपि यहा थजु, गुह्य गुह्य उगु (द्रोण बधयागु ज्याया)

साक्षी सः, गुह्य गुम्हेसिनं जि त्वायेथाय् पंगलः यनेगु ज्या याइ, थों तमं छुं मिस्सां मखनाच्चंहा  
जि (अवस्थायां) इमित स्यानां त्वःते, जुयें जुयें संसारया विनाश याइहा पमराज हे व ध्याय्  
मज्झिमा ।”

धीर्घसमास जुमाः नं श्रृंगार रसजाःगु कविताया वसु वव्य् दु—

“अनवरतनयनजललवनिपतनपरिमुषितपत्रलेखं ते ।

करतलनिषण्णमबले वदनमिदं कं न तापयति ॥”

मञ्जिक ह्ववि हाःगुलि चवयाचवनागु पो म्हुनाचंकाच्चंहा हे भवला (ह्यासे) या  
ह्मातय् दिनाचवंगु छंगु ह्वाः खनाः सुयाजक नुगः मव्वइ, (उकें ह्वयेमते) ।

पथे जूगुलि रीति सिद्धान्तया सफू चवयाः गुगु खें सिद्ध यायेगु ज्या आाचर्य वामनं याःगु  
खः, व तर्कसंगत मज्झिमायागु खें ध्वन्यालोकं वयन । भरतमुनिनिर्णयं वामनंतक नं गुण भिगू हे  
ह्याः ह्यानाः वयाचवंगु खःसां आनन्दबर्धनं गुणयात स्वंगू जक हे ह्याः ह्यायेमाः भोज, माधुर्यं,  
प्रसाद धैगु खें न्हायनाः थम्हं धयागु खेंया तर्कसंगत व्याख्या यानावयन । अलंकार व गुणया भेद  
नं ध्वनि सिद्धान्त पिकाःह्य आनन्दबर्धनं हे वयन ।—

तमर्थमवलम्बन्ते येऽङ्गिनं ते गुणाः स्मृताः,

अङ्गाश्रितास्त्वलङ्कारा मन्तव्याः कटकादिवत् । २।६।

गुगु मुख्य अंगी खः उगु रस बहकयाचवनीगुयात ‘गुण’ धाइ, अंगी रसया कचामचा  
अंग बहकयाचवनीगुयात अलंकार धाइ, गथे पाखुरास तीगु बाजु आदि खः ।

प्रबन्ध काव्यय् रसया व्यवस्था गुकथं जुइमाः धइगु खें नं ध्वनि सिद्धान्तया संस्थापकं  
वयन । कारण गुगुं रस परस्परय् सहयोगी व गुगुं रस परस्परय् विरोधी नं दु । गथे — श्रृंगार  
व करुण, करुण व हास्य परस्परय् विरोधी रस खः । श्रृंगार व हास्य थःथव्य् सहयोगी रस  
खः । वीर रसया काव्यय् अद्भुत, भयानक व रौद्र रसया चर्चा जुइगु ज्यू, वीरत्त रस सा वीर-  
रसया काव्यय् वइगु हे जुल । गथे हे श्रृंगार रसया काव्यय् नं वीर रसया वर्णन वयेकु । महा-  
काव्यय् ला तःतामछि रसया वर्णन याये फये हे माः । गुगु मुख्य रस खः व ध्वनिर्णयं वमन्नातले  
वया ध्वनेमाः धयागु तमाम खें ध्वनि सिद्धान्तं लिपातिनि हे पिहांवल । उकें साधारणीकरण  
छगुयात ह्यःता संस्कृत काव्य प्रबन्धया लागी वं मव्यगु छुं हे महु धाःसां मपाः । साधारणीकरण  
सिद्धान्तया खें नं पिला भट्टनायकं पिकाःगु खः, वं आलंबनविभावया साधारणीकरण जुइ धाल ।  
तर ध्वन्यालोकया ‘लोचन’ नांगु टीकाव्यःह्य अभिनव गुप्तं आलम्बनविभाव छताजक मज्झि,  
आशय, अनुभाव, व्यभिचारीभाव, उद्दीपनविभाव सकतांया साधारणीकरण जूवनी । अले तिति  
पाठक वा दर्शक आत्मविभोर जुइ धाल । ध्व हे सिद्धान्तयात मम्मट भावि लिपाया विद्वान्पिंसं  
मानेयानाः थःथःगु काव्य शास्त्र च्वसैंति वज्रलेप सिद्धान्त थें जुल । विरोधी छद्मनिहासिगु सः  
भूलया पिने हाःगु पति सः थें जुयावन ।

बुगु प्रकारं थःगु ध्वनि सिद्धान्तया स्थापना यायेधुनेवं ध्वनि स्वयाः ह्मापा पिहांवइवने  
धुंजुगु रस, गुण, अलंकार रीति सिद्धान्तमध्ये गुगु मुख्य खः, गुगु अमुख्य खः, ह्ययाः त्वःगुयात  
ह्यःगु थाय् बीगु व छ्वासुगु सिद्धान्तयात त्यास्यालुति यानाः रस, ध्वनि, गुण व अलंकारय् छु  
याः क्यनाः समन्वय यायेगु ज्या याःगुलि ध्वनि सिद्धान्तयात युगप्रवर्तक सिद्धान्त खः धायेगुलिइ  
मल्लःगु छुं महु ।

✽



## किया - किपा

- श्याम

मनू जुयाः जन्म कया । आः मनू जुइमाः, मनू जुइ फयेकेमाः भंगु जिगु ध्व धारणा गनं ब्वलन - बला जि लिहांवनाः थःत छकः थतसे - कोतले वालास्वयेव हे तिति सी दे । थन थःत वालास्वयेगु जिगु स्वसाः मखु । बालेत ला जि थःत नं बालेतिति, मालेतिति । फुसा थः छु खः भंगु जुइका कायेतिति । बला जुल थःत मालेगु खे । थाकःबा नुगल्य खेल्हायेगु खे । जितः माःगु ला छु घाःसा मनू जुइ फयेकेमाःगु दु । मनूया जीवन असूल्य है । अले ध्व हे असूल्यगु मनूया मूल्य जि थुइकेमाःगु दु ।

जितः माःगु ध्व मानव मूल्यया मू गन वनाः छुइ ? सुनां कना बी जितः । मू जुइके माल, मू न्यने माल । बस् उपाय छगू है जक, मनू पत्तिकं क्वस्वः जुइमाल, क्वथीक मू गनं तथा सःगु दुला स्वयेमाल जि । जितः ज्या दत्त, मनू हासिया बला । मासां ववं मनू मनूया पुचलय् मनू हासीकेगु ध्व जिगु क्रम न्हाज्यात, न्हाज्याज्या वन । थुकथं मनूया, मूल्य मनूया अस्तित्व थुइकेगु प्रयास जिगु थौतक त खुसिया लः न्हायानावने थें जुल । दिपाः गनं खंगु मखु जि । बला बयेमाः अवश्य गनं ।

ख नं दिपाः आवंनिसें जितः छु यायेत माल । मदिसे वनाच्छंसा ध्यनेमाःथाय्तक अवश्य नं ध्येहे ध्यनी स्वीच्यादे तिनिला दत्त माले सःगु, माला जुयागु आय्बुइमाःगु हे छु दु ? तर थौं न्यय्प्यदे दयाःनं लुइकेत मालाजुयागु वस्तु लुइके फु थें मच्छंसेलि आय्मबुइ नं गथे । मनूया आयु लःपवः थें पत्त तज्यातकि सिबल, अले ज्या पूमवनी । मनूया मूल्य सीका काये मखनी । उकि धन्दा ध्वहे जक खः आय्बूगु मखु धंथें ताः, तायेत । छखें स्वयला ध्व मनू हासीकेगु, मनूया मूल्य थुइकेगु, अस्तित्व ध्वदुइकेगु मायबिलिचां त्यप घय्पुइगु हे ज्या थें च्वना वः । वरु ल्वहंत्य स्वहंपा अले छोया अस्तित्व मालाजुयागु जूसा जि छुं लुइके धुनिगु जुइ धंथें च्वना वः । जि छुं खंके धुनिगु जुइ भंगु मनय् खें लुबा वः । तर निर्वाणरूपी मसानय् छने धुंकूपि, देगः जाःहिलाः जीवनभर छोया भक्ति यानाःजूपिसं नं देगलय् ध्वदुगु छुं कनाथकगु महु स्वयेबलय्, कयनाथकगु महु स्वयेबलय् मनू हासीकेगु, ध्व ज्याहे बाथें पाय्छिगु ज्या खः भंगु जिगु धारणा दूढ जू ।

उकि जि मनू हे हासीकेमाः, मनूयात हे जि थः नालेमाः, थः भाःपीमाः, छो भाःपीमाः अभ फुसा । जितः मनू हे तःधं, न्हाथे चिधंहा खूसां, भिहा जूसां, मभिहा जूसां । मनू हे वास्तब्य सकतां खः जिगु लागि । जि स्वयेबलय् नयेगु, स्वनेगु, पुनेगुलिनिसें कयाः सकतां हे मनूया खें विचित्र, छगू विशेषता दु मनूयाके, छगू व्यक्तित्व दु वयाके । अले मनूया पुचलय् हानं मनू हे



तःधं । ध्व वया मेगु विशेषता उकि थूकथं तःधंमि मनु धकाः मानय् यानातःपि नं मानय् याना  
जुया जि । भचा भचा तःधंभाःपि मनुत नं पासा भाःपियाः सतिकःवना थः नालाजुया जि,  
हसीके इमित धकाः, लुइके इमिके छं धकाः जि । तर इमिसं थःत खनी धकाः मुचुकूसा जि  
मस्यू, जि नि थौतक नं इमित जि मनुतुनाथें हसिल, धेगु मजू । पूर्वक ध्व थन्याःह्य हे मनु खः  
धकाः धायेगु निर्णयस जि मथ्यं । थुल धेगु मजू । जि ततःधयें मनुया स्वभावय्, वया अगाध  
अस्तित्वया सागरय् । कवय् कवय् जवय्खवय्, ल्युने न्हावने सकभनं स्वःसां मनुखें, थःगु स्वभाव  
सागरया दुने थःत न्याचा यानातःथें चवें ।

मिखाया विश्वासया खें खः ध्व, खंगु दक्को धाथें हे खःसां । तर दुनुगलय् नं मिखा  
जुसा तःधंमि यको सेथाय् नं दुथें च्वं, सफूतिइ दुने नं इमिसं थःत कुंका च्वं थें च्वं । उकि नाप-  
लाना, सतिकच्वनाजक मनु हसीकेगु, मनुया अस्तित्व मालेगु पूर्वनी मखु अवश्य धेये नं च्वं ।  
सफूतिइ दुने नं इमित मालेमाः थें च्वं । अधकाः सफू धुकू पिवाः नं जुया जि, माला जि इमित ।  
मालाच्वना इमि कृतिइ इमित आः नं । धायेसःपि इपि, नवायसःपि इपि खंपि इपि, मिखा  
तेलापि इपि, इमिसं धाःगु खें न्यने माः धकाः, थन मनु जुइमाः धेगु मनं खनाः, अस्तित्व मनुया  
थःके नं दु धकाः इमिसं धाःथें जुयाः जि थःत ह्निछिसा कुंके नं धुन । जिमिगु अस्तित्व जिमि जुजु  
लिताहि धकाः नं तिन्हया जुयागुलि ह्याड तपुलितय्सें लितु लिकानं जुइ नन थःगु अस्तित्वयात नं  
इमि नाप थनेला धकाः, इपि नाप थःत नं हसीके बी फेला धकाः मनं तुना । तर गथे थें मस्यू,  
कुक्कं बुलुं धुपन्नः दनाः तनावन । अस्तित्वया मू इलं ह्नाना यंकल मुक्कं । तनावन सकतां ।  
मनुया अस्तित्व मनुया मू, मनु हसीकेगु ज्या नाय्चिया नाय्चां ।

आः ला मिखाय् ख्वबि ललःधाः, व्यागचाय् थःस्व मुनाः, थःगु अस्तित्व धय्मुनाः, गा  
छुपु पाछाया धिसिमिसिधायेक न्यामिजुइह्य लुमकेबहःह्य व नं मन्त, तनावन । याकःमिया चां  
हे वयात तोपुया यन । दतले कुचाः मन्तकि बिचाः धेयें सेपि आः हीमी चायाच्वन । तर इमिसं  
सिल आः इपि नं म्वानाहे च्वंसा, इमिसं चाल, माल आः थःनं खःला मखुला धेबें जुया वनाच्वन ।  
खला ह्नुपाःया प्रकृयाजक थें खः ध्व । तर ह्नुपा हिलावन अःखतं । ह्नुपा ह्नुगु खःथें मच्चं  
न्हाःकथं । जुइ मखुला विजया अवश्य सूर्य समानं तेज सविस्व धकाः नयात । वनाच्वंह्य नं आः  
ध्याक्वय् ख्वनीन । आः तनावनीन सकतां जोडं च्यास्पति हीके थें ह्नुपाः हीके मफूसां न्हाकथं ।  
आः बीन थें च्वें निभाःहे नं थःस्व थःगु धायेमखकं । थौं छ्वासं नं तुतां ख्वनाजुइह्य बुढी थें बी  
त्यंगु निभाः स्वयाच्वन । स्वःधुइ धुकल छ्हा पथिकया ला बल्लाःगु तुतां हे । बुढा जुइव अस्तिइ  
जुइयः धेयें, सिद्धिदासया गति मयःह्य, थःनं बनकि ख्वापु बखि ख्वनी धकाः सांयाके दुह मयः-  
गुलिं बीया ख्वय् चुवु प्यानाच्वंवन । आः ध्व ध्व त्यंदिनि धयापि सु सु दिनि । खः लुमंका स्वय्—

छ्हा छ्हा यायां तना वनिगु जगते,  
हानं हानं ध्वदुइगु दुवाः गन दुले ?

आः मालास्वये । विश्वास यानाः छकः ह्नातिइ तयाः लनास्वये । विश्वास चेतन्ययात अस्तित्वया  
भोसं गथे थनी ? मनुया पुचलय् मनु जुयाः वनीपि माला जुइमालकि, सांगाय् ससि त्यये थें,  
अस्तित्व लुइकेगु जिगु ज्यां, मनु हसीकेगु जिगु प्रयासं हानं लुइह्य सुय पी माली । तर वनि  
यक्व वनि, प्रकृति— प्रगति न्हाच्वः लिच्वःजक ला खः । आः भन पुचः पुचः धस्वायेत, अस्तित्व

छायेपीत न्हाचिलाचर्वि खनेडु । ह्यसीकेगु इमिसं नं जि नं । सुं मन्तं सुं तनावनं वनीगु मखु  
छुं खनी सुनानं छुं मयातं मजुइगु नं मखु छुं थन । तना वनेवं वया मदयेगु स्वभाव मखु ।  
इलं थंहा न्हादं वइ । मवइ मखु । दनेबहःहा जुइव वनावइ । आकाश पाताल छस्वा, न्हाःने ल्यूने  
छु दु, माःगु छु ? धाये मसः मचा खबिलु हे मखा ? मचाया बल हे खबयेगु, खवायाः हे थःत माःगु  
कयां त्वःतेगु खः थ्व गुबलें मदीगु म्ये हालेफु वं खवायाः हे थ्व म्ये । हि ख्वाउंहा थें व मखु ।  
खवये सःसां गंकी पघनाःहे सुनानं दान बी धकाः नं विश्वास यानाजूइहा व खः । वया मन  
धाःसा वयातु तर शाहस दु ।

अय्न् लि लि चिलाचवन व । ध्याकुनय्चर्वि स्वस्वं अजुगति चायाचवन व । बांलाः,  
ज्यू, भिया ख्वाःपाःपुयाः मज्यूनुं ज्यू, बांमलागु बांलाः, मभियात भि धायेगु वया स्वभाव मडु ।  
अगःचा मालाः देगः बकाः प्वंगु देगल्य् छः पियाचर्वि खनाः व अजुगति चाः पाहां पितिनाः बाहां  
स्यायेगु ज्या जुयाचवंगु खनाः नवायेत पाः पियाचवंगु दुथें चवं वं ।

छः मडु देगल्य् छः मालाचर्वि खनाः त्वले जुयाचवनतिनि थें चवं व । इवात्त विद्वनं  
मफूगु अस्तित्व वया, व नं खः छहा मनु । अन्याययात, अन्याय जुल धायेफुपि सुनाचवं थें चवं  
वं । तर व अन्याय याइपिसं अन्याय याहे याइ, अले इमिसं याःगु अन्याः सुनानं छुं याये मलाकं  
ह्लाना वनी धयां तनाबंहाथें वनं तनावनिहा थें मचवं जि स्वये । ह्लाःगु ह्लानांतुं वन, याःगु  
यानांतुं यानावन अस्तित्व सकसियां तेलाः वन, तेलागु तेलां यानावन । स्वयातं छुं मजुगु  
खनाः वया मछिगु अस्तित्वं वाक्कु छपूगु छितंतिनि वयागु अस्तित्वं ।

वयाके थुकथं मनूया अस्तित्वं मछिगु चायाचवंगु छाये खः धंगु जि थुइके माःगु दु ।  
अस्तित्वया मू । मनुखं छुं मालाचवन अय्न् मालागु लुइकेत यायेफुगु सुनानं छुं मखु । कुसाःया  
घःचाः थें ई चाहिलाः व्यना वनाचवन । थन सकतां साधारणतया स्वयेबलय् अयेहे, अयेहे ।  
छाःम्ह छातं सीहा सितं । मछि चायाचवन सकसितं । अजुगति चाः सकलें सकलें स्युपि सःपि  
जक मखु, मस्यु मयू धाईपि नं । थुकथं कवित नं यक्व दु धयाचवन थःथःगु तासं चवयेफु इमि  
बबसा । तर इमि व बबसाया मिला बुलु, ह्लाप्पं ख्वातु । नयेगु थिके, दुइगु सिं मडु धकाः धायेफुगु  
मखु । मनुखंजक मखु थन कलमं नं सहयाये फु । खला खनं खः छु धयातःगु, 'सहयायेगु सहज  
गुण ।

धायेत ला स्यत्लाक धाःहा कवि छ्वासय् धाये थें जुयाचवन । धाल विधि कवियात  
मछालाः, न्हगु श्रुष्टि याये आः नास मजुइगु । तर मछिगु मनूया अस्तित्व स्वना नं वं मेगु नास  
मजुइगु गन्योगु श्रुष्टि जुइमाः वं विधियात गनं धाःगु मडु । सरलाह नं गनं न्हाव्वयातःगु खने  
मडु । तर विधियात थुइका बी फुगु व्यक्तित्व वया धात्थें वया हनेबहःगु अस्तित्व खः । ह्याउं-  
मचा ह्यिताचवंगु कासाया अस्तित्वथें ह्यालंका धायेव सिधंगु थ्व कासा मखु । वयात बांलाक  
ववधीक स्वयाचवंगु मिलां उकि धाःगु जुइ 'थन सकलें विवश ।' थये याये धाःसां मज्यू, अये  
धाःसां मज्यू । विवशता नांगा वं हे वइगु जुबेलि सुनां छुयाये ज्यू धकाः ह्लाःतुति त्वःतेगु खें जिगु  
मखु ।

शायव मनूया अस्तित्वया इतिहास हे थुकथं वलनाचवंगु खः धाये धाःसा बल्लाः त्याःहे  
मनूया अस्तित्व जू वें थें चवं । थये खःसा जि आः मनूया अस्तित्व, मनूया मू हे मालाजुइगु



छाय् ? जिगु ध्व कुतलं गुकथं जि मनंतुनाः यानाजुयागु ज्या तिप्यनी स्वयेमाः । उस्ताहहीन जुयाः जि मालेगु त्वःते मज्जु । आः सेगु लं मडु । जितः । मालेमाः जि थःत मालेमाः जि थःगु अस्तित्वयात । तनावनेमाःगु तनावनी, मतंतहले माले जि । फतिफतले तःधंफिके माले जि । मनू, मनूया मूल्य मखुसां माले जि लूगु लेंप्, अले ध्वदूफि मनूयाके माले जि । उलिंछिया बाखं धुलिंछां जूसां जुल । माले माले माले ! मनूया अस्तित्व मालेगु छाया स्वःतेगु जि ?



## ढ्वंकज्या

जेल दुने लालदिनया बुलुगु मतजलय पुलिस अफिसरं वयाके न्यनाचवन 'गुवलय् गोदाम लुटय्यात उगु इलय् छ गन ?

'जि गुलि धायेगु उगु इलय् जि उपिनापं मडु' वं हानं अथे हे वधातुक लिसः बिल ।

पुलिस अफिसर वाकुछिनाः हाल 'साला... गधा ! अझ मखुगु खं ह्लाना ? सय् नयागु कथि हति' नापंच्वंहा सिपाहीयात अह्नेयात । कथि न्ह्याःनय् तयेहल । पुलिस अफिसरं थ्याचो बियाः धाल' छं नकतिनि इहिपाः जूहा, छिमि कलायात नं थ्वजागु हे व्यवहार जुइकु, स्यूला ?

वया लुमन-वयात तःध्वं वया कलातं बुलुहुं धाःगु 'जिगु हुनि छि छति भःन्हुइमते खंला' अले वं ह्लिलाः धाल 'जि स्यू'

पुलिस अफिसरं भं तं पिकाल - 'बेकुफ्... पाजि सिखलं चिनाः गोर्खालागि तयार्लि सिइका, न फेतुइफइ, न वनेजिइ, न छने फइ, न पिधां हे धांलाक चवने छिनी' वं हानं धाल 'जि थ्वनं स्यू'

वयात नया कथि लाःथाय् लाथि खुब दाल । व छकः चिल्लायेदन, अले बंय् गोतूबन । सेह पुलिस अफिसरं वयात थन । लः त्वंकल । वया बोहलय् ह्लाः दिकाः बुलुहुं धाल-'स्वालका, छ उबलय् उपिनापं मडु हे धाय् । तर थ्वला धा छ छाया ह्लिथं खानीया थ्यामितय्गु भिखाछेंय् वनेगु ? व स्याय्म्हं याउँक धाल - 'ढ्वंकः वनेगु'

'छु ढ्वंकेगु ?'

'जि उमित इतिहास मढ्वंका प्रधानमन्त्रितय्गु नां निइत, बजेट घाटाया ल्याःनं मस्यना'

'अले ...' पुलिस अफिसरया म्हतुं सः पिच्चल ।

छि थःहा मचा पित्याः बाथावाथा कंगु खंला ? खंगु खइमखु ।

जि उमित थ्व हे खं ढ्वंका-जब उमित थः मचा पित्याः बाथावाथा कनी, न्ह्याको थ्यायाना नं जब उमिगु ध्याःथने फइमखु उबलय् व पित्याःया लागि छु यायेमाः ।

वं थःगु खं धायेधुंका हानं सुंस्कचवन । वया बोहलय् तयातःगु पुलिस अफिसरया ह्लाः थ्यान मडुगु वस्तुथे धुसुं न्ह्यानाः कुतुवल । अन उथाय्, अन दुने व पितेया मोनसा जानाः छगु तजाःगु गाःथे थ्यानापुल ।



- भाजु सुन्दर मधिकर्मिया

## खबिं तिकिनंगु छुं कविता



(चवमि)

१. खबदी-

निभा: बवसी, थासी  
बाचा चा  
तिसी जी  
हगसय् नं  
जि माहें बुइ  
एव: चिनातये मफु थ:त  
तिकि - तिकि - जि,  
डायरिइ -  
कुतुवनी ।

✽

२. न्या लहीज्यूगु

घौ ज्वनावनाचवंह्य मल्या:

- जिन्दगी !

निपा ह्ला:तिं ज्वना वनाचवनेमा:गु

एव गया:गु बं कि

जि गनं मदिकुसैं वनाचवने मा:गु

मवाकसैं ।

एव नं जि मस्यू, गनथ्यंक वनेमा:गु

गनं मधबकूसैं वनाबियाचवना

ध्याचलय्

हारांह्य मलिकया गोरु

वर्तमान !

✽

३. तत:जा:गु गुंत

तत:ग्वारागु सिमात

निरंकुश हिला न्ह्युन्ह्युं

स्वइचवन सुग्ध जुया:-

थ:गु ह्याय् थुनांचुइक हाना:

फय्त लं मोडेजुयावंगु

थ:गु जंगलय् तत:वयना:

फय्त चिरिबाबां नाइया: सिचुगु

'आखिर ग्यानापुगु धाकु जुइन्ह्यु:

कंद यायेधुन' धइथें

सुथय् निभालय्

प्रत्येक स्वांनय्, हल्य्

सीत पालपाल थिनाचवन

जुइफु - फय्या बा:व:गु

छगु पराजयया एव खबि खब:गु ।

✽

## सरस्वती सु ? श्व खँवःया अर्थ छु ?

— रमापतिराज शर्मा

सरस्वती खँवःया न्हासः छुये न्हाः त्नापलाक छगू न्हासःनि जिगु मतिइ वइचन । व न्हासः खः सरस्वतीया न्हासःबाचक खँवः 'सु' जुइ लाकि 'छु' जुइ ?

खला, भी सकसिया नुगलय् सरस्वती खँवः धायेकथं छह प्यका ल्हाः दुम्ह मिसा-छो गुहासिया निषा ल्हाःतं विना व मेगु छपा ल्हाःतं सफू व छपा ल्हाःतं माला ज्वनाः बबलालः नापं हँय्या फुसय् प्लेस्वानय् फेतुनाचवंह बांलाम्ह मिसा लुयावइ । मेगु खँ सरस्वतीया म्ह, बसः, माला, बाहन व आसन दक्वं तुइगु हे जुइ । सरस्वतीयात ज्ञान व सीप विइम्ह विद्याया छो धाइ ।

पौराणिक शास्त्र सम्भक्तकथं सरस्वती विष्णुया न्हायु लिपु निम्ह कलाः मध्ये लिपुम्ह कलाः खः । पौराणिक बाखंत दुवाला स्वत धाःसा सरस्वती गुणासं ब्रम्हाया हानं गुणासं महाद्योया कलाःया रूपय् नं खनेदु । गथे—कातिक महारम्भकथं, श्रृष्टिकर्ता ब्रम्हाया न्हायुम्ह कलाः स्वरा (बबया अर्थ सरस्वती खः) व लिपुम्ह कलाः गायत्री खः । छह न्हायु लिपुया नकि च्वनेगु खँय् ल्हापु जुयाः थबंयः सराः द्यूबलय् निम्हं छुसि जुयाः पृथ्वीइ कुहां बयेमाल । ब्रम्हा व सरस्वती निम्हं छज्वः छो जूगुलि हे निम्हसियां गसा (बाहन) वहेतुं लुपुम्ह हँय् खः । अर्थ हे निम्हसियां बसता (सफू व माला) खँय् नं ज्वःलाः ।

अर्थ हे दुर्गासप्तसतीया देवी माहात्म्यकथं, महाद्योया कलाः पारवतीया प्राकट्यरूप कथं स्वम्ह देवीपिं महाकाली, महालक्ष्मी व महासरस्वती खः । थुकथं सरस्वती महाद्योया नं शक्ति खः । गये सरस्वती ज्ञान व बाणीया मिसाम्ह छो बागीश्वरी खः । उकथं हे महाद्यो नं बागीश्वर खः । जगतया गुरु खः ।

स्वयम्भू महात्म्यकथं मञ्जुश्री नं छह बागीश्वर खः, गुरु खः । ज्ञान, सीप आदि विद्याया गुरु जूगुलि नेपाली जनमानसं बबयात नं सरस्वती हे भाःपाः पुजा याइ ।

मोहनबलय् दुर्गाया, स्वन्तिबलय् लक्ष्मीयाथे श्रीपञ्चमि सरस्वतीया विशेषकथं पूजा जुइ । ह्लावाखँकथं सरस्वती खुला भारतय् व खुला ह्लासाय् च्वना बिज्याइ । लँकथं श्रीपञ्चमिनिसे बसन्त ज्वःछि नेपालय् च्वना बिज्याइ । उकिं श्रीपञ्चमिया न्हायल्लु हे त्पानुक बिज्याःह्य थकाः बहनिइ ससुमांयात चिकं बुकः वनेगु नं प्रचलन दु । ससुपूजानं श्व हे बसन्त ज्वःछिया बुने हे जुइ । ह्लासां बिज्याइह्य वनं श्रीपञ्चमिल्लु विशेष पूजा जुइह्य, छु श्व बागीश्वर गुरु मञ्जुश्रीयात हे सरस्वती भाःपाः पुज्याःगु जुइनं फु ।



युक्तं स्वयम्बल्यु धौतं सरस्वतीयात् ज्ञान सीपया देवीकथं हनाः वयाच्वंगु दु । भीगु  
मानस्य ताहाकःगु संस्कारगत सरस्वती छह्य विद्याया देवीया रूपं थानाचने धुंकल । अथेसां  
थार्थेला सरस्वती छगू प्रतिकारमककथं कार्पणिक मूर्तीमतीजक हे खः । थव्या मू शब्दार्थ  
कनां वास्तव्य सरस्वती खुसिया हे सर्वनाम खः ।

खुसि जीवन तथा शक्तिया नं स्रोत जूगुनि संस्कृत्य खुसियात मां तथा देवी भकाः  
सम्बोधन यानातःगु दु । गंगा, जमुना, व सरस्वती वास्तव्य थुपि, फुकं ह्यापा खुसि खः । सिपा  
जीवनदायनी शक्तिया रूपे मां, देवी भकाः पुजानं यात । देवीया रूपकथं गंगाया मंग (मकर)  
वाहन, जमुनाया काबुल्या (कच्छप) वाहन व सरस्वतीया हँय वाहन खः । थुपि सकल्यं लख्य  
हे च्वनीपि जीव खः । तर सरस्वतीया वाहन जूह्य हँय लः, बें व नें (आकाश) दक्कोथासं न्यंक  
गतिवान खः । उर्कि हे सरस्वतीया हनाबना उप्पो दु । सरस्वती खेंवःया सरस्या अर्थं वहः  
खः । गथे तःधंगु बहःयात सरोवर (मान सरोवर) धाइ ।

पुराण-वर्शनकथं कलाः भाःतथा काल्पनिक रूपे समुन्द्र (सरसवान) नाराद्यो व समुन्द्र  
(सरसवान) नाबलाःचनिह्य अर्थात् सरसवाननाप च्वनीह्य खुसि सरस्वती खः । थन सरस्वती  
स्त्रीलिंग जूसा समुन्द्रवाचि सरसवान पुलिग खः ।

अमरकोष्य सरसवान (समुद्र) या पर्यायवाचि शब्द थुकथं च्वयातःगु दु ।

सरसवान— समुन्द्र, अग्नि, अकूपार, पारावार, सरितपति, उदन्वान, उद्धी,  
सिन्धु, सरसवान, सागर प्रणव ।

नाराद्यो समुन्द्रया रूप व सरस्वती खुसिया रूप खः । थुपि निह्य कलाः भाःत खः  
भइगुया दसि व्वय्या श्लोकं नं वथं । गथे ।

हरि सरस्वान तस्येयं तेन नाम्ना सरस्वती ॥३॥

सरस्वती नदी साथ तीर्थ रूपाडति पावनी ... ..

(देवी भागवत नवम स्कंध अध्याय ७)

सामान्यकथं दक्ख खुसियात थौ सरस्वती खेंवः मछ्यःसां विशेष खुसिया नाकथं  
स्थनाच्वंगु दनि । गथे-गंगा, जमुना, सरस्वती ।

अथे हे-थार भाषाय खुसिचायात 'सुइती' धाः । थव 'सुइती' व 'सरस्वती' वरां व  
अर्थं निताकथं तस्सकं ज्वःलाः ।

रूप व सय खुसिनापच्वंगु सुइती धयागु बुं दु । थ्वनं खुसिया नामं हे वःगु जुइमाः ।  
गथे-वन्ति, कोन्ति, रुहति, वन्ति भादि थाय खुसिया नामं हे जूवंगु बालाक सिइनु । थौं धयाः  
बागमती खुसिया हे नामं वागमती अञ्चलया नां थ्यंक न्यनावन ।

भीगु भाय्कथं च्वय् म्हायनागु खुसिवाचक 'सुइती' हना खेंवः खः । थव्या छयः  
छगः आखःहे छगः छगः खेंवः खः । गथे—

सु + इ + ती = सुइती

(१) सु=लः (सुया ज्ञता अर्थ लः लः) गये—

सु—सुपाय

सुति—सुतिलः

जसु,

हुसु, आदि यूपि 'सु' फुकं लःवाचि लः ।

(२) इ = हि (इया पूर्वरूप यि—यू लः गये

यू (इ) = लःया भस्व

लःया मूपाः (स्वगेत)

युकथं — यिति — इति — हिति, जुल ।

(३) ति = छ्वातु (तरल — द्रव्य अर्थात् लः नं लः गये

छ्वापुति — (छ्वापु लः)

वाति — (वाति लः)

सुति — (सुति लः)

जाति, क्वाति आदि

चिनिया भाषाय लः यात हे 'सोइ' धाइ । ध्व 'सोइ' खँवः नं 'सुइति' याहे 'सुइ' नाप  
ज्वःलाः ।

ध्व 'सोइ' खँवः बालास्वयेबल्य मसी (मषी) खँवः नं संस्कृत भाषाया यःगुहे मोलिक  
खँवः मखु धइगु खँ सिइवः वः । चिनिया भाषाय 'मोसोइ' या अर्थ हाकुगु लः लः । उकि ध्व  
'मोसोइ' खँवलं हे 'मसी' वःवःगु लः । भीसं नं चवज्याय साधारणत हाकुगु रंगयात हे मसी  
धाइ । मेगु रंगयात मखु । गये बचुगु रंगयात बसि धाइ ।

युकथं खुसिया 'सि' नं मसि, बसियायें हे लः वाचक खँवः । ध्व हे खुसियात नेपाःया  
थी थी सजातिय भाषें थथे धाः ।

नेवाः — खुसि

थारु — सुइति

गुवड — स्यो

तामाङ — स्योङ

मगः — खोलसा

सुनुवार — खोलसा

राई — होंक रोक्सी


युकथं दुहांबना स्वयेबल्य संस्कृत्य दुध्याकातःगु 'सिन्धु' खँवःथें ध्व खुसिया वाचक  
'सि' 'स्यो' या भोल्य स्वाःवः । खोसि — खुसिनाप कोसि, कोशिकी निगलं तस्सकं ज्वःलाः ।  
युकथं, कोशिकी हे सु, गमयाहा धइगु सिइ वःवः ।

नेवाः भाषाय खुसिया ख् छगःजकं नं खुसि वाचि हे खँवः लः । गये — नेखु, तेखु,  
सोखु, संखु, चखु, तुखु, वलाखु आदि ।



एव 'खु' याके न्हाःने ला, ल च्वनाः नं छेला दु । गथे — बालाखु, चलाखु, मुलाखु पितवालाखु, कोलाखु आदि एवहे लाखु ये देसय लखु जूवंगु खनेदु । गथे — बलाखु, चलखु, पिखालखु, इखालखु आदि ।

अर्थ 'लाखु' खंग्वः हे शब्द विपर्यय नियम कथं — लाखु



खोला, जुल । यन 'खु' या थासय 'खो' जूवंगु दु । थोया लःघात ह्वापा 'लंश्च' या छेला नं दु । थुगु ल्माखं स्वयेवलय 'खोहरे' (खो + ह्व + दो) खंग्वः वे 'खहरे' जूवंगु नं बालाक सिद्धु ।

युक्तं मदिक हालाः तुइक ववव्वाना वयाच्वंगु खुसियात स्वयाः हे कवि कल्पना मूर्तीमती सरस्वतीया रूप, आख्यान सृजना जूवंगु खं सिद्धु । उकि सरस्वतीया रूप, वाहन, आसन व च्वसा सकतां खुसिया प्राकृत रूप — स्वभावकथं हे प्रतिकात्मक अभिव्यञ्जना याःगु खनेदु । गथे — खुसि गुं — पाखां ववव्वाना वइवलय दुरुथं तुइसेच्वनि, ववयं नं तुइसे पिजाकाने, लः ववव्वाना वःथाय गाःवनाः पुखू दयाच्वनिगु स्वाभाविक छः । अले पुखूली पलेस्वां व हँय वइगु नं उतिकं हे स्वाभाविक जुल ।

एव हे ववव्वः वइच्वंगु खुसिया प्राकृतिक सौंदर्यपठयात कवि कल्पनां छह्य तुइसेच्वंगु पति सिनाः तुइगु वसः तिसा तियाः पलेस्वानय फेतुनाः हँयनाप वीणा थानाः आनन्दं म्ये हाला ववनाच्वंहा छह्य सुन्दरी देवीया रूपे न्हाव्वल जुइमाः ।

खुसिया ध्वनिगा प्रतीक सरस्वतीया निपा ह्वाःतं थानाच्वंगु वीणा छः । एव संगीतमय ध्वनिया मदिसं वयाच्वनिगु अविरलताया प्रतीक स्फटिकया जपमासा छः । अले एव हे स्वर — बाणी उत्पन्न अनेक ज्ञानया संहिताया प्रतीक सरस्वती वचनातःगु सफू छः । अले, एव हे खुसिइ मोल्हुयेगु हाया नवःगु खिति तुइका; पवित्र व स्वस्थ जुयेगु छःसा, संगीतमय ध्वनि सौंदर्य उत्पन्न तत्व ज्ञानय मोल्हुयाः अग्निकरणया अज्ञानरूपी खिति तुइकी । सामवेद वेदिक कालया संगीत छः । ह्वापा ध्वनि (छन्द) यात हे ज्ञानया आधार, वेद (ज्ञान) या तुति धाइ । अथे हे मन्त्र ध्वनि सिद्धि छः अर्थात् सूक्त (ध्वनि) वइगु हे सुं ऋषी (ज्ञानी) या ध्यान सिद्धि (पुर्णता) स्वतस्फुरित जुया वइगु वाक्य छः । वहे खुसिया संगीतमय ध्वनि-वेद व बाणीया मूल स्रोत जूगुलि सरस्वतीयात बागीश्वरी कल्पना याःगु छः । ब्रह्मा, विष्णु व महेश्वर नं एवहे वेद-बाणीरूपी ज्ञान = खुसी मोल्हुगु हे वनापया संसर्ग व वैवाहिक आख्यानभे नं उत्पन्न जूवन ।

अग्नी, वायु, वरुण, सूर्य, चन्द्र, पृथ्वी, शुक्ल, बुध, मंगल, शनि वृहस्पति आदि सेमेपि सकत्यं छः-देश नं प्रकृतिया थःथःगु खास शक्ति-स्वभाव व ज्ञानया प्रतीकया हे कल्पनात्मक मूर्तता छः । मेगु छुं मखु ।

✽

— सर्वेश्वर दयाल सक्सेना

## स्वनिगलय् सुथ

तुयुगु च्वापुगुं च्वकाय् व्वकाय्  
ग्वानाच्चवंगु मि  
ख्वातुगु खसुं त्वपुयातःगु दु  
वे छगुलिं  
छगू ह्यारें तःधंगु भूल तयाः  
छनाच्चवंगु दु ।  
व्वछुनाच्चवंगु तक्कु — स्वांया  
ह्याउँ — ख्वालं  
उगु धकिं उलाय्याच्चवन  
गुगु ह्यिगः चाह्य  
खिउँगु शुन्य सतकय्  
गुलिं पीडा-स्याःचाः हाःसलं थानातःगु खः  
सुन्दरीजलया थथाय्ग्वःगु ल्वहँधि  
तच्चोतं धाकुहे मवयेकं व्वयाः वयाः  
व्वछुनाच्चवंगु छ्यँलय् हानाच्चवन  
नापं न्हू-पलाःतय् दथुं  
चीधंगु खसिचा छगू  
धेधेचुचुं  
थःगु लं बयेकाः बाः वइच्चन ।  
छह्य तःधिकःह्य ग्वंगःयः छ्यं ध्यनाः  
आस्थाया नामं छायातःगु दु  
वया गःपः  
शक्तिया तुतिपाली म्वय्हिलातःगु दु

वया बाँलागु पपू  
सुथया निभालय्  
शान्त-सिनाच्चवंगु दु ।  
'विनाश विनाशया लागि'  
चालाच्चवंगु इयालं  
भःन्हगु सः आय्बुयाः हतासं  
बुहाँवइ-  
निभालय् लाय्वं  
व हानं नालवनी  
देगलय् कनाच्चवंगु थथाय्ग्वःगु मिखां  
न इतिहास खं  
न वँचुगु सर्गः  
न छ्वयाच्चवंगु म्हुतुसि  
न च्वापुगुंया च्वका हे  
छकलं खनेदुगु खसुया लास्य् द्योने  
निभाः लेहँबुयाच्चवन-  
दुसुनाः तनीथेंचवंगु व च्चिचिग्वःगु अल्याख  
मिखात  
गुजिमुजि-गुनाच्चवंगु ख्वालय् प्यपुनाच्चवंगु दु  
लिउने इयातुकक दोको कुबियाः  
व्वछुना वइच्चवँह्य गरीवह्य सुथ !  
गुंया पालुथासं व्वहाँ वइच्चन  
फ्याट्ट, कुतुंवन-  
छुथें मस्यू-ल्वहँ, मनूया सूर्य खः ।



## चय्पुयाः लाकाकायेत वइच्चन उपि

हाकनं आः

चय्पुयाः लाका कायेत वइच्चन उपि

भीके भीगु भाय्

युबलय् हे लाक्क

गुबलय् भी थवंथवय् तज्यानाः

स्यने भाक्क स्यनेधुन

थःगु हे किचः

थौ भीसं मखनेधुन

थःगु हे सः

थौ भीसं हामसिये धुन

आः छगूजक खँ (वयान)

म्वायेगु अथवा सिइगुया

दर्ता याकेमाःगु दु भीत

उपि चय्पुयाः लाकाकायेत वइच्चन

भीके भीगु भाय्

ह्लापा तस्सकं तःधंगु गुं थ्व

गुकिं भी पिचाय्कः वया

गन धुं छुंया

अले छुं धुंया भाय् ह्लाइ ।

खराचा किसिथे गर्जेजुइ

किसित चलिचातथे चिचि हालाः

खिउँयाय् छयः हाकाजुइ ।

भंगःतय्सं म्ये महाः थन

बरु गिद्धतथेजक खवइ

ग्वंगःत नं महाः थन

बरु गुंलिचातथे उइ

सकसिनं थः थः भाय् लोमंकेधुंकुगु

मुक्कं भी हे जक

(थःगु भाय्या) थःहे जुयाच्चनेगु मति

स्वानाः

चां-ह्लि नय्, त्वने हे मघासें वना

आः वयाः

जब भीसं भीगु दुःख-सासना

दर्ता याके धया

भीके चय्पुयाः लाकाकायेत वइच्चन उपि

भीगु भाय् हे

भुलूखाया सलं

कोभंगलं म्ये हालेफुसा हा

सुइत स्यनेमाःगु खः स्यः

भीत इलं मलाः थौं

छगू मखुगु भाषां

मखुगु बयान बिइगु स्वयां ला

सिनावने भि

थ्व हे जिनिगु धिपि खः

आः चय्पुयाः लाकाकायेत वइच्चन उपि

भीके भीगु भाय्

भाय्, भीके भीगु रूप

गुगु रूप भीगु भाषां स्वन

गुगु थ्व गुंइ दथ्वी

थुलि स्यनेधुंकुगु

स्वयाकथं, हाहे मसी धुंकुगु ।

# आनुवंशिक - इन्जिनियरिंग नूतन युग

## मूलखा खः

- गौरीशंकर भानुधर

सहायक प्राध्यापक

- अमृत क्याम्पस

( Genetic Engineering )

धौ-कन्हे आनुवंशिक इन्जिनियरिंगया विषयय् यक्व खँ न्यने देचवंगु दु। एव प्रविधि उद्योग, बुज्या व बासः विज्ञानया ख्यलय् तःधंगु ह्युपाः ह्येत्यंगु दु। भौतिक विज्ञानया इलेक्ट्रोनिक्स व माइक्रोइलेक्ट्रोनिक्स अले रसायन विज्ञानया ख्यलय् जूगु प्रगति भीगु रहन-सहन व त्ति-धा-त्ति ज्याखँ तच्चतं प्रभाव लाकेधुंकुगु दु आः पाःवःगु दु (Genetic Engineering) आनुवंशिक इन्जिनियरिङया । एव प्रविधिया विकाश पूर्वनिबलय् बैज्ञानिकसँ भीत साःकथ्यापि जीव सृष्टि घायेफइ । .... छितः गज्यापि जीवत यःलय् ? .... तर जितःसा तसकं थिकेगु बासः अःपुक दयेकाबीपि, बुई साःतय् म्वाय्कीपि, तसकं साःगु प्रोटीन व सेमेगु पोषणतत्त्वत दयकीपि, किसिम किसिमयागु रसायन दयकीपि, मयबा थो थो औद्योगिक उत्पादनय् ग्वाहाली याहपि जीवत यः जित्गु एव आकांक्षात फय्गं मखु, छाया बाःसा घज्यापि छगु निगु प्रकारयापि जीवत सृष्टि घायेधुंकूगु दु धकाः अमेरिकाय् चवना चवंगु नेपाःया बैज्ञानिक भाजु उत्तमसाल राजभण्डारी उखुनु पुष ५ गतेया बैज्ञानिकतय् मुज्याय् धपादोगु खः । बष्कःया धापूकथं आनुवंशिक इन्जिनियरिङया प्रविधि दयेके फय्धूंकूगु बासःत मध्ये मधुमेह लवय् जायेकेगु बासः (इन्सुलिन) पसलय् न्याये दय्धुंकूगु दु । आः याकनं हे सेला स्यंकीपि विषाणुत स्वाइगु बासः, ओलो लवय्या कीत स्वाइगु बासः, वागःचात तःधिकः याइगु (सोमाटो स्टैटिन) व सेलंया विषाणुत प्रतिरोध बासः (इन्टरफेरीन) वजारय् दयेत्यंगु दु ।

‘वंशाणु’ जीवया गुण निर्धारण याइ’ धंगु खँ स्यूसानिसँ वंशाणुया विषय जीव विज्ञानय् दकलय् अपो अध्ययन अनुसन्धान जुइगु विषय जुयाच्चवंगु दु । वंशाणु धंगु वस्तु जीव-धारीतय् कोषय् धंगु सुकार्थे सहाकःगु जैविक अणु, डि. एन. ए. (D. N. A.) या छकू भाग खः । छकू वंशाणुं छगु गुण निर्धारण याइ अथवा छकू वंशाणुं छगु प्रोटीनया निर्माण याइ । फरक फरक जीवतय्के फरक फरक गुण वा क्षमता धंगु कारण अमिके फरक फरक हे किसिम-यागु वंशाणुत धंगुलि खः । आनुवंशिक इन्जिनियरिङया प्रविधिइ छह्य जीवयाकेचवंगु डि. एन. ए.



या छक्कू तुका (वंशाणु) लिकाया मेह्वा जीवया डि. एन. ए. लय् स्वाना बिइ। न्हूगु वंशाणु याना व जीवयाके न्हूगु गुण पिहांवइ।

मनूय शरीरय् इन्सूलिन घंभु प्रोटीन मदय्क भगाः। इन्सूलिन छगू हर्मोन खः गुके भोगु हिइ अप्पो जूगु धुलनशील ग्लूकोजयात अधुलनशील ग्लाइकोजेनय् हिइकाबिइ। एव प्रोटीन अपिइ निसार्ण जुइ। तर मधुमेह लय् दुह मन्या हय् इन्सूलिन तसकं ह्यो जुयाचवनी। अभिगु अपि - कोषय् एव प्रोटीन दय्कीगु वंशाणु छुं कारणं यानाः ज्या याये मकेचवनी। मधुमेह तसकं ग्यानापूगु लय् खः, थुकेयानाः ज्यानतक वनेकु। एव लय्या उपचार यायेगु पुलांगु विधिइ खराचा, सल, सा, आदिवा हि इन्सूलिन शुद्धयानाः उकेया इन्जेक्सन दय्काः लवगीया हिइ मिलय् यानाबिइ।

एव समस्यायात आनुवांशिक इन्जिनियरिङया प्रविधि तातुइका व्यूगु दु। वैज्ञानिकतसें स्वस्थः मन्या अपि - कोष इन्सूलिन - वंशाणु छुटय्याना काल। शुद्ध इन्सूलिन वंशाणुयात इष्ट (ऐला दयेकीपि किटारणु) या कोषय्चवंगु डि. एन. ए. लय् 'स्वाना' बिल। इन्सूलिन वंशाणु दुध्यापि इष्ट थें चवंपि थपि किटारणुतसें ऐला नाप नाप इन्सूलिन नं दय्कल। अमेरिकाया जेनेटेक कंपनी थये हे यानाः दयेकूगु शुद्ध इन्सूलिनयात 'ह्युमुलिनया' नामं वजारय् थंक्कूगु दु।

हेपाटिटिस घंभु स्पंला स्थनीगु लय् स्वंगूगु विशयया वेशतय्गु छगू तःचंगु समस्या जुयाचवंगु दु। विश्व स्वास्थ्य संघया रिपोर्टकथं ध्यंसधं २० कोटी मनूतय्के थय लय् दे। हेपाटिटिस 'बि' जातीया विशाणु हेगु एव लय् जुलकि सैलाय् क्यानसर जुइकु। आनुवंशीक प्रविधि थन नं स्वाहाली याःगु दु। आः याकनं एव लय् लायेकेत बंगु प्रतिरोधात्मक ग्यावसीन न्याये दय्कय्गु दु। क्यानसर थें ध्याःगु संघातिक लय्या बासः यायेत आनुवांशिक प्रविधि छगू हे जक एयाय् लगय्जगु भलसा खः बंगु बिचाः छथः वैज्ञानिकतसें कयातःगु दु।

बुज्याया लयलय् नं आनुवांशिक इन्जिनियरिङपासें यक्व भलसा कयातःगु दु। सिमो - कय्गु जातीया विरुवाय् बाहेक भेगु फुक्क बालिइ नाइट्रोजन दुगु साः तय्माः। फलय् चवंगु नाइट्रोजन छयलेकूगु गुण दुपि किटारणुत (राइजोबियम) खाली सिमो - कय्गु जातीया विरुवाया हालय्जक दइ। फलय्चवंगु नाइट्रोजन तत्वयात स्थितिकरण यायेकुगु कारण अभिगु कोषय् 'निय' नांया छथः वंशाणुत दुगुलि खः। आः वयाः वैज्ञानिकतसें 'निक' वंशाणुयात राइजोबियन लिकाया मेमेगु विरुवाया हालय् बंगु किटारणुइ छुना बीगु कुतः यानाचवंगु दु। एव ज्या पूवन भाःसा मेमेगु विरुवाय् नं साः तये मालिहमखु। छथः वैज्ञानिकतसें ला 'निक' वंशाणुयात विरुवाया डि. एन. ए. लय् तुं छुना बिइगु कुतः यानाचवंगु दु। सन् १९६० या दुने हे नाइट्रोजन बरहंगु स्थितिकरण यायेकुपि भलया विरुवा दयेके फं धकाः सोभियत संघया खरानिसे आश कयातःगु दु। एव ज्या तसकं थाकु। तर अपो साःगु, लय्चं मयिइगु, लुस्सा बासय् पिइजगु, अपो पोषणतत्वत दुगु भलमात दयेके अपाय्सकं थाकु भजू

थौतक भीसं धो दयेकीपि, पाउं दयेकीपि चीज दयेकीपि, मल्ली दयेकीपि व एव दयेकीपि किटारणुत नयाचवनागु दु। आनुवांशिक इन्जिनियरिङय् ध्या यानाचवंपि वैज्ञानिक तसें भीत नकेत यक्व किसिमयापि किटारणुत सृष्टि यायेकंगु संभावना खंके धुंक्कूगु दु। किटारणु

नसाय यक्व पोषण तत्त्वत बैंगुलि व किटाणुत याकनं बढ्य जुइगुलि थुकें चीमि बेशतय् साछ समस्या न्हंका छ्वय् फं थंगु यक्वसिया बिचाः दु ।

आनुवंशिक इन्जिनियरिङ्ग न्हूगु युगया हे शुभ्रपात याइतिनि । रसायन उद्योग, धातु उद्योग व उर्जा उद्योगया छ्वलय् नं थुकेंयानाः यक्व प्रगति जुइगु खनेदु । वातावरण प्रदुषण (विशेष यानाः पेट्रोलियम पदार्थया प्रदुषण, गथेकि चिकं, प्लास्टिक पोलिथिन रंग रोगन आदि) या भलसा कायेबहुगु समाधान यज्यागु दूषित पदार्थ नैपि किटाणुया उत्पादन हे खः । थ्व ज्या आनुवंशिक इन्जिनियरिङ्गया प्रविधि संभव जुइत्यंगु दु । आनुवंशिक इन्जिनियरिङ्ग जीव विज्ञानया मेमेगु छ्वलय् नं अनुसन्धान यायेत हःपाः न्हू बंगु दु । प्रकृति नं थःगु हे किसिमं वंशाणु हिला बूला यानाः न्हू न्हूपि जाती प्रजातीया सृष्टि यानाच्वंगु हे । थ्व प्रकृयायात 'प्राकृतिक आनुवंशिक इन्जिनियरिङ्ग' धाये ज्यू धकाः प्यदति न्ह्याः साइन्स युनिभर्सय् (नेपाल साइन्स क्लवया पो) पिकयागु खें थौकन्हे व्याक ववने हे थ्वंगु दु ।

गुलि ववनेधुंका छितः छु खें न्यनेगु इच्छ जुल जुइ - थ्व ज्या गुलि थाकु ? थज्यागु ज्या भीषाय् याये मफैला ?

प्राविधिक बृष्टि स्वयंबल्य् थ्व ज्या उलि अःपु मजू । छि सिहे स्पू जुइ कि जीव कोष थंगु तसकं चीथं - छगु मिलिमिटरया सच्छिब्वय् छव्वसिकें चीथं । उकेच्वंगु डि. एन. ए. भन गुलि चीथं जुइ ! सुका थें च्वंगु डि. एन. ए. या ज्याः ३४ A (आम्सस्ट्राड) जक हे । १ A थंगु १ मिलिमिटरया १०,०००,००० ओं व्व खः । हानं छहाकः डि. एन. ए. ल्य भि-ट्रलं मयाक वंशाणुत हे । साःकथंया वंशाणु चानाकायेगु व ठीक थासय् स्वायेगु ज्या विशेष किसिमया जेविक उत्प्रेरक (इन्जाइम) पत्ता सगय जुइधुंकातिनि संभव जुल । वंशाणु स्वयेगु ज्या स्वाःगु कोषय् तुं हे यायेमाः । कोषया रासायनिक बनावत भतीचा हे स्यकें मज्यू । थये कुक्कं धायेधुंका नं यक्व कारणांयानाः न्हूगु वंशाणु ग्राहक कोषय् च्वनाः ज्या मयायेकु । थज्यागु मू कारणतय् समाधान जुइके धुंकूगु दु । व ईः तामपाय् धुंकल गबलय् भीलं थम्हं थये वंशाणुत हिलाबूला यायेफइ ।

आनुवंशिक इन्जिनियरिङ्ग नकतिनि विकास जूगु प्रविधि तसकं थाकु । थ्व ज्या यायेत तसकं खप्पीसपि वैज्ञानिकत व तसकं थिकेगु रसायनत व यंत्रत माः । वैज्ञानिकतय् त हे तसक मेहनत याकातये मालिगुलि थ्व ज्याय् सफलता बूलाकेत ज्या यायेगु वातावरण व प्रोत्साहन तसकं आवश्यक । थौकन्हे छुं नं वैज्ञानिक ज्या याकःचां यानाः पूचाइ मखु । थ्व ला भन याकनं याकनं च्वन्ह्याः वनाच्वंगु जूगुलि अन्तर्राष्ट्रिय स्वापू मतयेक मगाः । मेमेगु देशय् जुयाच्वंगु ज्याया लिचवः सिङ्कातय्गु तसकं आवश्यक । उकें पत्र-पत्रिका, किताब, सम्मेलन - गोठि आदियात अनुसन्धानया ज्यां अलग तय् फइमखु । आः छि थूल हे जुइ, भीगु देशय् थ्व ज्या गबलय् जुइ फंगु खः !

तर छु भी न्ह्यावलें थ्व ज्यां छवे चिलाववने फेला ? थ्व खें भीषाय्पि योजनाविद्-पिसं छकः तक नं बिचाः याःगु खेमखु । थ्व ज्या थाकुसां असंभव मखु । भौतिक साधन व धेवाया ख्यं नं इलेक्ट्रोनिक्स, परमाणु अनुसन्धान व भूगर्भ अनुसन्धान थें भीगु औकातं विने सलाः ।



आनुवंशिक इन्जिनियरिङ्गया प्रविधिइ स्वंगु विश्वया नं क्षमता दक्के माः वंगु खँ यक्वस्यै थुइके धुकूगु दु । सन् 1983 डिसेम्बर १२ निसँ २१ तक न्हू-बिल्डि जूगु आनुवंशिक बिज्ञानया भिन्न्यागु अन्तर्राष्ट्रिय सम्मेलनय् ब्वति काःभाःपि दक्वघथे बैज्ञानिकतय् बिच्चाःकथं स्वंगु विश्वया देशतसें थ्व स्थलय् यक्व क्या याये वाकिदनि । थ्व क्याय् लिपा लात चायेव हानं छकः विकशित देशं अविकशित देशयात शोषण यायेत लें दइ । ह्यापा इलेक्ट्रोनिक, माइक्रोइलेक्ट्रोनिकस व रासायनिक प्रविधित विकास याये मफुगुलि थौं थ्व प्रविधितय्गु लागि पच्छिमी देशयात धाक्व घेवा पुलाक्वने माल । भाःनं भी बैविक प्रविधिइ (विशेषयानाः आनुवंशिक प्रविधिइ) भास्म-निर्भर जुइ मफुत पाःसा भीसं गवलें मुख सिद्द मखुत । थ्व खँ भन भन बांलाक सिद्द दया बैचवंगु दु । उके चिबीचंगु देशतसें नं थ्व स्थलय् ह्याःतया हये धुकल ।

स्वंगु विश्वय् आनुवंशिक प्रविधि याकनं विकाश यायेत छगु अन्तर्राष्ट्रिय अनुसन्धान केन्द्र दक्केमाःगु खँ वंगु बे वेल्सग्रेडय् जूगु बैज्ञानिकतय् मुंज्यां वाःचाय्कूगु खः । थ्व क्या यायेगु भाला संयुक्त राष्ट्रसंघया औद्योगिक संगठनं काःगु दु । तर अनुसन्धान केन्द्र बेल्जियम अथवा इटलिइ दक्केत्यंगु खँय् स्वंगु विश्वया यक्व देशतय्, विशेषयानाः भारतयात चित्त बुझ्य मजू । अन्तर्राष्ट्रिय अनुसन्धान केन्द्र नं पच्छिमी देशतय् ह्याःतय् लातकि चीबी देशतय् समस्याकथं क्या न्ह्याके फेगु कम संभावना बे । ययाःगु खँय् भीयाय्वा योजनाविद् व विज्ञान प्रतिष्ठानया मन्तसें गुलि च्यूताः तयाचवंगु दु थें मस्यु ।



## तज्जाः तपुलि

थःगु तारीफ पाके यःह्य मनुया तज्जाः तपुलि यह धयागु छपू धापू दु ।

छगु प्रान्तं मेगु प्रान्तय् सरबा जूहा देनायो थः गुरयाथाय् बिदाबाजि जूवन । वया गुरुं धाल, “देनायो जुइगु धयागु साप थाकु । होश या न्है”

वं धाल, जि सच्छिगः तज्जाः तपुलि थिक्क यानातयागु दु । नापलाक्कोसित छगःछगः बी अले सुनाप जि ल्हापु दइमखु ।

वया गुरुं तंस्वयेकाः बिरोध यात, “त्वःह्यमाप त्वःकथं व्यवहार यायेमाः का । थथे छाय् यायेगु ?”

देनायोनं धाल, “छियें तज्जा तपुलि मयःपि संसारय् गोहा हे दु धका, गुरु ?”

गुरुं छचों ल्हुकुल्हुकु संकाः धाल, ‘खला खः’ अनं पिहां वयाः वं छह्हेसित धाल, ‘जि सच्छिगः तपुलि ज्वनाः छें पिहां वयागु । भाः जिके खी’ गुंगः जक बनि”

— स्वांमाः

## संगया सुवा: दुने म्हपूजा

तेजेश्वर बाबु 'श्वंगः'

ह्यपूजा आत्मप्रतिस्थाया परिशीलन । संगं उक्थिया सुवा: । आत्मप्रतिष्ठाया परिशीलन थः म्हस्यापाखं हे सम्भव । ह्य धंगु देह । देह आत्माया ऐहिक स्वरूप । आध्यात्मिक अर्थे आत्मा देहया सम्पूर्णता थ समाप्ति । आत्मायात ह्यसिद्धकेणु व ह्यसिद्धके विद्गुली आध्यात्मिकता चस्वानाचवनी । ह्यपूजाया महात्म्य अध्यात्म दुनं पिबंगु दु । आत्मशुद्धि आत्मपरिशीलय सम्भव बुद्ध ।

प्रतिष्ठा आत्मपरिशीलनं पिदनी । अथवा थथे धाय् आत्म परिशीलनया जला प्रतिष्ठाम् पिबवइ । परिशीलन संयलं हुनी । संयम सदाचारं पिबवइ । सदाचार विवेकं बुद्धकी । विवेकशीलता आत्मप्रतिष्ठा त्वय्की । सदाचारं आत्मपरिशीलन त्वय्की । ह्यपूजा उकि विवेकया छायापा: । संगं छायापाया मूर्त बाखं ।

प्रतिष्ठा छकलं ग्यली मख्, न छकलं ह्नी । लखं प्याइ । चिकनं दुग्यली । मण्डप गुगु चिकनं दुग्यय्की तातक ल्यनी । चिकं इता: बुलुहुं तातक प्याइ । बुलुहुं ग्यला: तावुइगु पह: प्रतिष्ठाया स्वरूप । ह्यपूजा उकि उत्सर्गभूलक जीवन दर्शनया झःझः धाय्गु प्रतीक ।

जीवन दर्शनयात प्रतिकात्मककणं झःझः धाय्क ह्नाय्केणु संस्कार भीगु छुक् । दर्शनयात संस्कृतिया पूर्व कय्का: जीवनया कृयाकलापे तस्वाकातःगु ह्यपूजाया ज्वलं उल्लिहे न्ह्यंगु गुलिकि म्वाय्गुया विविध पक्ष ।

ह्यपूजाया मण्डप लखं गुलुपा: विया: चिकनं दुग्येकी । दुग्येकेणु पुरश्चरण । पुरश्चरण दुग्येकेणु क्रियाया विधि । अथवा थथे धाय् - पुरश्चरण प्रगाढीकरण क्रियाया अग्रगामी प्रविधि । मानो दुग्येकेणु भीगु संस्कृतिया संस्कार । मण्डप छगू प्रतीकपूर्णताया चाकदंकेणु छगू पूर्णता । बुद्धि विद्वत्ता नू सिद्धमद्वेक छ्वाखेरं न्येकेणु पूर्णताया प्रतीक । मण्डप उकि ह्यपूजाया मि । निमस्वका छं थकाम् गथे फइ ? मण्डप विना ह्यपूजाया छायां गुकथं छायापे छिनी ?

स्वां, ताय्, पोताय्, अदीर मण्डपया छायां । वा, बाकि गुगु मण्डपया प्यस्थरं, वध्वी पुचः पुचः तइ पूर्णतां पिबंगु ऐश्वर्यं अथवा धनबान्यया प्रतीक । मण्डपया प्यखेरं, च्याकिगु त्थिकं इता: ज्योतिर्मय जीवन सुवा:या प्रतीक झःझः धाइ । इता: गुगु मण्डपया प्यखेरं च्याकी जीवनया फुक्क कुने न्यंकभनं झः झः धाय्का: त्वय्मा धंगु सुवाले थिनाचवनी थिद्गु ब्रह्मज्ञानया पह: ।

धौसगं गुगु लःह्नाइ पूर्णचन्द्रया प्रतीक जुयाविइ । धौसगं तिद्गुया पर्याय हासः क्षितीजे तिमिलां छायापिगु जुया: ह्वयंपुसेचवनी । अले खेसगं वइ । ला, न्या, खं स्वता ।



जीवनयात जैविकतत्त्वं हनेगु दर्शनं प्रेरितं सगंधा महिमा अतिकं गहनं । खैचं नभचर, न्या जलचर, तां पलचरयात प्रतिनिधित्वं याइ । स्वता जानाः खैसगं बिइगुया दार्शनिकपक्षं नेमा जल, वल, स्वंगुलि प्रकारया प्राणिप्रति मनुखं त्याके फयेमाःगु विजयया दुस्यःगु सुवाः दुविना च्वंगु कनी । स्वता न्यंकं सगंधा ल्यू ल्यू न्यां लुइगुलि विजयया सारगभित रस मूल छहाय्केगु उत्सर्गं विमोर स्पेहाली - पीर च्वाया ध्यावक च्चं च्चुइकाः लसतां भयेविकाः जीवन हनेगुया मर्म लिपयाना ।

स्वां प्रकुल्ल जीवनया दगु । प्रकुल्लताविहीन जीवन मखु । प्रकुल्लताजक जीवन वहार वइगु स्वांनं कनी । स्वार्थे मनमोहननक्सां ह्वये फयेकेगु कुतः जीवनया पहः जुइमाः । स्वय् छास्वां स्वांयानं चिरस्थायि स्वां, गुगु छक्लं सुखूचिनी मखु, गुगु छक्लं इवाक जुइमखु । सखि व निइपवः ख्वास्वांया मालाः चिरस्थायि यशस्वी जीवन सुवाःया प्रतीक सगं । उन्मुक्त प्रकुल्ल हनेगु मन्तुनाया भित्तुना बेछानाः यःगु दुनंपिनं यःत यमनं ।

सभागम जीवन । जीवनया सम्भाव्य श्रोत सभागम । सभागम धेगु संयोग । संयोग व सभागमया लुईव बिईव सिइमदुगु स्वापू दु । स्वापू छगु सूत्रधार, सूत्रधार छत्वाःया निच्वः । च्चःनं स्वापू स्वापूगु ज्या याइ । स्वापूगु संयोग प्रविधि । जजंका गुगु यःतयमनं क्वखाय्की संयोग सूत्रया प्रतीक । संयोगयात संवरण ताय्गु जीवनया प्रयोजन । प्रयोजनया स्वापू प्रजनन, प्रस्फुरण संरक्षणक्रिया नाप । प्रजनन श्रृष्टि, श्रृष्टि प्रस्फुरण, प्रजनन ब्रह्म । प्रजननत स्थिति । जजंका गुगु यःतयमनं क्वखाय्की यःत श्रृष्टि, स्थितिया ब्रह्म प्रतीक । जजंकाया स्वतु उकिं श्रृष्टि, स्थिति व ब्रह्म विवेकया प्रतीक । स्वतुजाःगु जजंकाया निच्वः स्वापू शिव व शक्तिया निरवच्छिन्न सभागमया क्रमवद्धचक्र । चक्रमवद्ध हामा प्रतीक । गोलाक हनेगु प्रविधि क्रमवद्धताया सौम्यं श्री क्रमवद्धता उकिं निरन्तरता । निरन्तरता अटूट विकासया सुत्रधार । प्रत्येक विकास क्रम-वद्धता दुने सम्भव उकिं । गन क्रमवद्धता महु अन निरन्तरता महु । गन निरन्तरता महु अन विवेकया विकास गनं बइ । भू सिइवयेक गोलाइगु गोलाकार ब्रह्माण्डया प्रतीक । पृथ्वी गोलाः । ग्रह गोचरता नं गोलाः । सिमाया विकासक्रम चाकछि चाकलाक गोलाः । जजंकाया आकार नं उकथं हे गोलाः गुकथं कि ब्रह्मज्ञान । ब्रह्म धेगु जिज्ञासा । जिज्ञासा ब्रह्म स्वरूप । जिज्ञासा ज्ञानया नं नासं । ज्ञान आत्मबोधया नं नासं । आत्मबोधी सत्त्व बुद्धकथं परिनिर्वाणया लैगु । परिनिर्वाण धेगु मोक्ष । ह्मपूजाया महिमा उकिं बोधिसत्त्व ज्ञाननाप स्वानाच्वंगु दु । आत्मबोधं आत्मप्रतिष्ठा प्रतिष्ठा पन यानाबिइ । आत्मप्रतिष्ठायात चिरस्थायि यायेगु हेतु जजंका क्वखाई ।

अनेतनेगु सिसाबुसात जीवनसारतत्वया प्रतीक । सिसाबुसात गुगु लःझाई - जीवन रस परिपूर्णं जुइमाःगु सुवालं जायाच्वनी । ह्मापंया सुवाः - कि जीवन रसपूर्णं सिसाबुसाया केन्द्र यजुइमाः । रसपरिपूर्णं सिसाबुसा उत्सर्गया प्रतीक । यःत तंकाः कतःयात पोषण बिइगु उत्सर्ग छगु उपकारया । उपकार निस्वार्थ सेवाया क्रियात्मक जला उकिं । निस्वार्थता गन दु अन सेवामा महिमा । स्वार्थपरक सेवा श्रष्टाचारया हाजक ।

खोसि छाः मुक्क यें । पिनं छानानं दुस्यः माकुसेध्वनीगु स्वभाव थ्वया । पिनं छानाः नं दुस्यः माकुइगु सवाः खोसिनं बिइ । खैखोलायं खोला सालुगु तःसि गुलि सुगन्धमय । पिवः



## ‘गान्धारी विद्या’ (संगीत)

### —सुश्री शान्ता तण्डुकार

कलकल हाहा, सलल न्हाना वयाचवंगु सरितायागु कलरवपूर्ण नाद, तिरितिरि वया चवंगु मन्द समीरम् सरसर सनाचवंगु हः, व वरू शाखा शाखाय् व नवीन हःयागु सासा लानाः वसन्तया मचा मुखूस्वां भूले जुयाचवंगु, कोईली आनन्द उमंगं विभोर जुयाः सागु रसयुक्तगु फल सवाः कयाः रतननयागु कुञ्ज चाःहिलाः पडपुसेचवंगु सलं लोदी (मचा हायेकेगु) म्ये हालाः मचायात हायेकाचवंगु गुलि न्हाइपुसे चवनी । उषायागु सप्तरंगी आभाय् तलाडले नायिकाकपी कमलिनी वाउंगु लतिकायागु सारी सिताः मुमुमुमु हिलाचवंगु ह्याउंगु निभालय् कं लिसे संघर्ष यायां थःगु सौन्दर्यपूर्ण यौवनया सुथय् ह्याचवंगु गुलाव गुलि बांलाः । थ्व मनोरम दृश्यत स्वयंवल्य मन गुलि आनन्दं पुलकित जुइ । खनं खः छह्य अंग्रेजी कविया धापू दुः—

“सौन्दर्यं धयागु चीज न्ह्याबलें आनन्दगु जुइ”

थ्व नाना दृश्यत पर्दा खः संसार कपी बिराया । थयागु अखण्ड ध्वनि हे प्राकृतिक संगीत खः । तर प्राकृतिक थ्व अनुषम सौन्दर्य अवलोकन यायेत थुक्य दुबय्जुयाः रस त्वनेत, सुक्ष्म विचार यायेकुगु मस्तिष्कयागु समुचित विकासयागु भति आवश्यक दु । तर अप्पो यानाः सर्व-साधारण मनूत वयागु हे ज्याय् धन्दाय् हरक्षण लगय् जुयाचवने माःगुलि व प्रकृतियागु भव्य सौन्दर्य स्वयेत फुसंदया अभाव जुइ । अले वयागु लागि थ्व विषयय् छुंहे अस्तित्व दर्हमखु । तर सच्चा गायिकायात धाःसा थ्व दृश्य गबलें नं त्वमंके फइमखु । वयागु मिखाया न्ह्याःने न्ह्याबलें

### ( ४३ पेजया ल्यं )

सालुयाः नं डुकुलु नाइसे चाकु माकुइगु सवाः तःसि देछाइ । कथिथें छानानं इवालाइवाला तिग्यलाचवनिगु सवाः तुं लःह्लानाचवनी ।

इताः मत च्यानाचवनी । न्ह्यैपुसे भःभः धाय्काः ह्यपूजा न्यानाचवनी । जीवन धाबें उत्सर्गमय, धाबें ज्योतिर्मय प्रतिविम्बित जुयाचवनी । ह्यसते धौसनं, छयले ध्वास्वांपुचः ध्वहले अबीरया छायं, गःपते ग्वय्छा स्वांमाः, गःपतं नुगलेथेंक ववहानाचवंगु जजंका तुयुसे, थःगु न्होने भः भः धाय्काः इताः च्यानाचवंगु विविपूर्ण मण्डः, जबंखवे मरीचरी व सिसाडुसाया थकि, कवह्लाते ला, न्या, खें स्वता, जव ह्लाते आनन्द व उमंगं भप्पिउगु जीवन संचरिणी रस ऐलाया पात्र ज्वनाः पद्मासने स्थिर योग मुद्राय् न्याइगु ह्यपूजा सगंया सुवाः हुने गुलि संस्कारं परिपूर्णं अबलय् हे मामं अथवा छेंया थकाली नकि मंजुं भाजें, ताय, अबीर, स्वां, सी सकतां छयानाः छयलं निसें ववलुकाः ह्यपूजाया उपलक्षस न्ह्यैपुकाः ह्यछि अभिषेक याइ मानो संस्कारयुक्त जीवन आनन्ददायक अभिषेक, अभिषेक बर्थे ।

प्याखं हुलाचर्चु हे दह । वं व दृश्य चिधंगु छाये मजुइमा कल्पनाया संसारय् बवच्चाः लक्ष्य  
विशालगु रूप खनी । थुक्रिया लागि बसन्तयागु छपु म्ये उद्धृत पायेः-

### राग वशन्त ताल लं

सोव सोव रसिकन समय वसन्त

भंगल पंगल पनि जुल उन्मत्त ॥धु॥

विन्द्रावनसं होव नाना रंग

राधिका रति जुल कृष्णजुया अंग ॥१॥

चुवा चन्दन अविर फुलेल

तफ ध कस्तुरी त्रिभुवन तेल ॥२॥

रिधिलक्ष्मीदेवि नं ह्लाये न्यहुने गोविन्द

भूपालेन्द्र थाकुरया भानन्द ॥३॥

जितः एव विश्व बीणाया अविस्मरणि्य अवलोकन पायेगु शवल भावतय्गु हितेगु थाय्  
मनूया नुगः खः न्हापु बुद्धिया चमत्कार ! प्रत्येक सांगीतिक ध्वनिइ थःथःगु विशेषरूप व प्रभाव  
वइ । तांन्वइगु, बिजुली व सूर्धोया जलं, ख्वाउंगु, वर्षायागु व शरितायागु कलकल, उकें नुगलय् गुगु  
भाव लुयावइ, वहे अनुसार सःभं वइ । उकें गुगु प्रकारयागु वातावरण, शब्दयागु स्वभाव व  
प्रभाव जुइ, भये हे प्रकार रूप नं वइ । उकें सःत नं गोली व गुंजदार जुइ । ख्यलय् सः  
न्यनावनीगुलिं अचीर स्थायी जुइ । खुशिया सिथय् सः वाण बँथे वेगं तापाक न्यनावनिइ ।  
थुगुप्रकारं मन्तय्गु कथया सः नं फरक जुइगु खः । गुलिसिया गोली, गुलिसिया कालाचिगु,  
गुलिसिया तपुगु, गुलिसिया चिपुगु, गुलिसिया छाःगु (ककंश) गुलिसिया नापु, गुलिसिया  
सल्लमिगु, गुलिसिया त्यांय्स्यांय् मिनिगु खः । थये सलय् विभिन्नता वइगुया कारण खः,  
आकाश व वातावरणं यानाः । आकाश अनन्त पदार्थ आबूत जुयाच्वंगु दु, । गनं पबंत, गनं  
मंदान गनं तःजा, गनं चिजाः, बयागु प्राकार हे मदु । उकिं भीपि व भीगु पूर्वज विबुधानपि  
सुनानं ध्वनि गुलि प्रकारयागु दु धाये मफुत व धाये मफुनि । तर गुलि भीसं स्थूकि सृष्टियागु  
मूल पदार्थ छगु हे खः, व खः नाद । नाद हे ब्रह्म । ब्रह्मा हे ऊं नाद खः । ब्रहे नाद आकाश,  
आकाश बायु, बायुनं अग्नि, अग्निनं जल, जलं पृथ्वी थगु क्रमं सृष्टि जुल । एव फुक्क ब्रह्माण्ड  
नादयागु हे बाह्यरूप खः । गुगुकि लिया फुक्क तत्त्व नादे हे मिलय्जुयाः सिधइ । एव हे ओडव  
अर्थात् नक्षत्र हे पञ्चतत्त्व खः । गुगुली आकाशयात पंचमहाभूतय् पाँचौं मानय् यानातःगु दु ।

### ध्वनि व संगीत

निगु वस्तुया संघर्षं गुगु आवाज पिज्वइ, गुके स्थिरता सुन्दरतालिसे मानव मुटु  
रंगेयानाः आकर्षण पायेफुगु चुम्बकता वइ, अज्याःगु संगीतपयोगी सः अर्थात् ध्वनि संगीत खः ।  
एव बाहेक मेगु फुक्कयात कोलाहल, गोलमाल धाइ । ध्वहे रंजन ध्वनियागु परिवर्तित व  
परिमाजित रूप खः नाद । एव हे नादया दुने संगीत न्यने दु । उकें प्लेटोया धापू दुकिः-

✽ मानदास तुलावर, मल्ल शाहकालया म्ये पे. १२. प्रथम संस्करण वि.सं. २०१३ साल ।



Music is a moral law, it gives a soul to the universe, wings to the mind, flight to the imagination a charm to the sadness and life to everything.

उक्ति संगीतं ह्रीकी, प्रेमयु बुवयाकी नसा नसाय देशभक्ति भाव भरयानाः समरे लाखौ लाख शत्रुयात स्याकी । खनं खः संगीत छु सिलः खः, भक्तिमार्गयागु लागि । धर्म प्राण आस्तिक भी हिन्दू धर्मावलम्बीतयगु देशया लागि । धन भीगु अपालं हे कला व शिक्षा अति पवित्र पावनरूप देवदेवीलिसे सम्बन्धित जू । उक्तें मोक्षमार्गयागु लागि छगूजक साधन न संगीत हे मानयु यानातःगु दु । इमिसं उद्देश्य पूरा यायेत संगीतयागु उपासक उपासिका जुयाः कठोर साधना एकाग्रता, तन्मयता, व स्नेह आदरयागु बल्लाःगु खिपतं भगवानयात चिन्ताः थःगु वशयु तयेकत । मुनां मन्यौ जुइ व ? कठोर त्याग तपस्या व लगनशीलतां न संगीतगुषा तर्षकाः मीरां गिरधर नामरयागु तुलसीदासं रामयागु, सुरदासं श्यामयागु भजन कर्तन यायां भगवानपिन्त वसयु हयाः मोक्ष प्राप्त याःगु बाखं ।

अथे ऋषि महर्षिपि व अनया शिष्यपिसं अरथ वनयु चवनाः हरियागु भजन याःगु । उक्तें हे वेद शास्त्रयु सामवेदयागु उल्लेख प्रमुख रूपं यानातःगु नं दु । गुगुयात कि छगू स्वतन्त्रगु गान्धर्व वेदयागु अस्तित्व मानयु यानाः संगीत कलायात गान्धरी विद्याया संज्ञा बियातःगु खः । उक्तें “मरुभक्ताः यत्र गायन्ते, तन्त तिष्ठति नारद” धकाः संगीते भगवानयागु एव सम्बेश दु ।

धुलिजक मल्ल भगवानपिसं नं गुह्य गुम्हेसिनं थच्यागु बाछ संगीतयागु प्रभावं अर्थात् भगवान शंकरया उमरूयागु शान्तिभेदी ध्वनि, हृशीकेशयागु कर्णभेदी पाञ्चजन्य शंख, कृष्णयागु बांसुरीया मधुर संगीत, बिष्णुनाशक गजाननया ताण्डव नृत्य व महर्षि नारदया बीरपया मुम्बरया प्रभाव समष्ट जीवयु लाःगु बाखं । इमिगु गायनयु साथ बिइगु व अतीतयागु बाजात थौं न तम्बुरा, मृदङ्ग, नृत्य सुबिरवाद्यत परिवर्तित रूपयु विद्यमान जुयाहे च्वंगु दु ।

हाकनं धायेधाःसा, बांसुरीया सांगीतिक धून न्यन्यं ब्वाय् वंबलयु कृष्णजीयागु हृयोने ध्यंवन गोकुलयु चर्चपि फुक्क विवाहीता निसाततकनं । इमिसं इमिगु छेँ - जहान त्यागयात तर बांसुरी संगीत त्याग याये मकुत । थये ब्वाय् वनानं जब कृष्ण नापलाये मकुत अले विन्द्रावन समानयागु नेपालयागु वनयु चवनाः छह गौपिनी नं थुगु प्रकारं विलाप यानाच्वनः —

हे हे माधव बियमते नुगरया घालः पिरति तयेमाल ॥धु॥

सिलसं मनुक लुँया बनमाला कोखाया ओ

मथुरासं बिज्याक तुं ताया

केशरिया रङ्ग ताल श्रीखण्ड नस्दाक ह्याया

छाय छिन सेहे मताया

॥१॥

बन बन हिला जुया, कथन कओ मचाया

भालपे थमन मफया

बांसुरीया सल ताया फयाथे जि डेना जुया

मदतला प्रभु जिके माया

॥२॥



## छि गन थ्यनाचवन ?

— विनय कसःजु  
(पाल्पा, तान्सेन)

छि अजूचाइ । तर मिलां खंगु खं पत्याः याये हे माः । छिगु जःखः छचाःखेरं थयाम्  
खंगु साइनबोर्ड दु — बांबांलाःगु, तःतःखंगु भव्य साइनबोर्ड गुकिइ च्वयातःगु दु — चिनि कारखाना,  
चुरोट — कारखाना, कापः उद्योग, भो — मील, मैदा मील, ध्यः प्रशोधन केन्द्र, बाँध नहर निर्माण,  
थजागु गुलिखे सूचं — ग्वहः तयातःगु खनेदु । गुकिइ उन्नति, प्रगति व विकासया बाबांलाःगु  
हगस ह्व्याचवंगु सिद्धु ।

छि छक्क चाइ । अहा ! गुलि न्ह्यइपुगु थसय् वया । गुलि छथुं उन्नति जुइधुं कल  
खनि थन । गुलि भाग्यमानी थनया मनू । छितः थः गन वया धइगु खं सिइकेगु आय्बुल जुइ ।  
जि स्वये, आःतकया दुने छिनं वाः चाल जुइमाः थः गन थ्यनाचवन धइगु । छं जुयाः मचाःसा, थुंखे  
ह्याम्पं बियादिसं तिसकं जि स्वांपुइ — “छि साइनबोर्ड — पेन्तरया पसः न्ह्योने दनाचवना बीगुदु”

नको जाओ जउभन सल डे डे कोकिलया  
थथिन बेलस जि वाया  
अनाथन ह्यासे तया लितु जुल बसन्तया  
विनती खं डे व अबलाया □

॥३॥

छु थ्व बाखं सत्य मखुला ? सुनां नं मन्यं जुइला थ्व अचम्भगु बाखं । वर मन्यंगु  
जुइकु वं हाःगु म्ये व बनया नां । बन खः सापूतय्सं ह्याप्रो वयेकाचवंगु पक्षकाष्ट गिरियागु बन,  
माताक्षीर्यं सतिगु कीर्तिपुरया डांडा, अनर्चवपि वहे सापूतय् सन्तान ख यौयापि ज्यापुत !

थ्व लोकय् कर्ण सुख व परलोकय् उत्तम गति दइगु संगीतं जीवात्मातय्तजक मखु,  
पशुपन्छी निर्जीव व प्रकृतिइतकं प्रभाव लाकूगु दु धकाः संगीतयागु सकृत्तय्सं धइचवंगु दु थौतक  
नं भीत । गथेकि बंजुबावरं राग मालकोथ हालाः लोहं नायेकल, अभीर खसुस राग फोहार  
हालाः वा सयेकल । तानसेन बीपक राग हालाः शिचयाकल, थन मिया राग च्यानाः छटपटय्  
जुल । अथे जलनय् छटपटय् जूबलय् दक्षिण भारतय् धवपि निहा गाथिकातय्सं राग मल्लार  
हालाः वा वयेकाः तानसेनयात शितल यानाबिल । थ्व जुल भीगु निखाय् न्ह्योने मजुगु तइ  
सकृतिइजक भीगु मिलां खनागु अतीतया बाखं तर ह्यागः थौं—कन्हे नं खनाचवनागु दु चटकिनं  
थःगु चिकिधंगु दुध्वीं बाजायागु प्रभावं सर्पयात प्याखं हुइकूगु । थथे हे गुलि मृगतय्सं नं बांलाःगु  
संगीतया ध्वनिइ थःत थम्हं लोभंकाः थःगु जीवन व्यावायागु ह्याःतय लः ह्याःगु दु धाइ ।

□ आदरणीय साहित्यकार सम्पादक प्रेमबहादुर कसाकारज्यू पाखें प्राप्त जूगु ।

हयं मेगु ल्याखय्

सितु

[ ४७ ]

# थःगु पुलांगु खँग्वः म्हसिका दिसँ

छेलाय् हयाः म्वाका दिसँ

## १) गं=पःखा

क) गँने=पने (क्रि.)

सिंगना हल=पनाः लित ब्वनाहल

ख) गंतले=अप्पां दयेकातःगु स्वाथलय्,

पःखाः, अंगः दायेगु छुता ज्याभः

## २) लूसि=भति भति प्याना च्वनिगु थाय्

क) अंगः बछि बछि लूसि थाहां वः=अंगः बछि बछि प्याः

ख) लूः गन=भतिभति प्याःनि, फुकं मगंनि या अर्थय्

## ३) बि=ताहा, (सर्प)

क) बिख्=बियालं

ख) लूय्वि, दम्बि, दोबि (खपे)

## ४) मो=छयैः

क) मोलुये=मोलुये (लखं सिलाः छयै यचुके)

ख) मो चाये=छयैः चाये

## ५) सिवे=मिस्तय् भतिभति यानाः मुंकातःगु धन, कोस

क) वया भाःतं वयागु सिवे हे फुकाबिल

ख) थःगु सिवे हे थःत मवु

## ६) फस्ता=मखुगु भुठु

क) फस खँ (फय् खँ) =मखुगु खँ

ख) फस्ता ज्या=मखुगु (गलत) ज्या,

—खँग्वः न्ह्याःब्वःह्वा आदिवज्र

## बिली छम्ह खुँ खः

— एलेथा लिडस्ट्राम

याकःचा सुम्क चवनकि त्तापा ब्वंकाबलय्पा गुलिखे खँ लुमनावइ । गुलि ला तस्तकं हे न्हाइपु । छगू खँ माःसा जितः भाः भाः लुमनी । मिखा न्हाउने हे बँबइ । जि बयात लोमके हे मफु ।

उबलय् धाःसा जि न्हाइहे तिति । नकतिनि नकतिनि ब्वंकः वइगु उगु ताकय् जि खुब भाइशांवादी । उगु हे इलय् बिली नं प्यंगूगु तगिनय् ब्वंवल । बया मांया अय्लाः एबनेगु बानी, बोह्र ला त्तापाहे मस्त, याकः काय् व कलाः अनाथ यानाः ।

बिलीया वसः हाकु, नवः । सुयागुं कोरं तिइकातःगु थें च्वं । अजाःगु स्वायःगु वसः फिताः व स्कूल वइ । गंसिगु हा, सने संमबु स्वाः । व न्हाबलें कोछुनाः निसितिसि बइ । वं गबलें थस्वानाः जितः मिखा चूलाक स्वयेमफु न वं मेपि मस्तयत् हे छ्थें ल्हाः मिखा चूलाके फु । बाखें कनेगु जिगु तगिनय् मेपि मस्त बिली तापावकं हे ब्यागलं च्वनी । जि गुलि धाये सुनं मखा वनाप जानाः च्वं । बयात हिस्पाये मते । तर थ्व खँय् जितः गबलें मनं तयार्थ मजू ।

बिली छगूकथं व तगिनय् दक्को मस्तय् स्वाकःथें जुल । गुबलें दराजं अपवा डेस्कं छुं तनकि वयात हे ब्वाक्वात्पाये धुंकी । बिचाः हे मयासँ तप्यंक हे धाये धुंकी 'बिलीं खुया काल' गबलें गबलें सा जि हे नं मती वनी । लाःसा बिलीं हे खुयाकाल ला । व नुनामवासँ न्हागु हे धाःसां नं खुंथें सुम्क च्वनाच्वनिगुलि नं ख हे खःला धाइथें मतिइवनिगु अथेनं बिलीया पेलिनाः धायेगु — वं खुगाकाःगु सुनां खंगु हुला ? गुबलय्तक छिमिसं थःगुहे मिखां खनी मखु, उबलय्तक सुयातं खँ बाः धाये दइमखु । लाःसा गनं डखे थुखे लानाजकच्वंगु जुइफु, लिपा लुया हे वइनि,"

धातर्थें तंगु वस्तु उप्योयानाः लुया हे वः । जँकेट—तिथ्यलय् गन छखे धांछ्बयातःगु लुयावःसा, ह्मिनेगु लाकां मेगु दराजं पिहांवइ । तर गुगुं वस्तु धाःसा तनकि लुयाहे मवः । थजाःगु खँय् धाःसा जिगु मिखाय् नं बिली हे लुमनावइ ।

थ्व धाःसा खः — बया छेँय् वयात न्वानाः कजे याइपि सुं मडु । अकलेट छगः चुइगम छगू थेंजाःगु चिधंगु वस्तु न्वाना नयेत नं बयाके धेवा छगः हे मडु । थजाःगु वस्तु खनाः सुनं मचातय् मन सुम्क च्वनीमखु ।

मवम्बरया छन्हु व घटना जुल । उखुनु शुक्रबाः । शक्रुवाः धइगु ब्वंकीपिनिगु लागिं दकलय् स्यानुइगु ह्लि खः । छेँय् वनेत वा वइच्वंगुलि मस्तय् नं जोस पिहांवयेकाच्वंगु । वं बइत वं बइत धेवं बरुलाः धायां ध्वानाच्वन ।

जि उमित सुम्कतयगु कुतः यानाः धयाहे च्वनातिनि । बिलीचा लिकसंछ्वंय् जेन आकाभाकां चिस्लाय्दनाः हालाहल 'मैडम, बिलीं जिगु मोहः खुयाकाल । जि पेन्सील सुसूयाः— बंतले थनसं तपाथकाःगु धेवा मडु । स्वस्व हे संत"



बिलीं थःगु छयें बबलुकल । वया बहें ब्वाट्ट कुतुं वन । ह्य कयकुन । बाएयें बेवा ला  
अन हे तइतःगु लः । ह्याचःतिनि जि थःसहं हे खनागु । उबलय् बिली हे छहजक बु वया डेस्क  
थितुं थिइक चबनाचवह्य ।

भाः दबव मस्त एकदम शान्त । उपि बेवा खुया काःगुया खंय् जि छु याई धकाः पिबा  
चवन । जिनं उखनु छु जुलथें मस्यु लाःसा जितः चछि बांलाक देने मखंगुया तमं अथवा दबव  
मस्तय्गु आय्बुयाः पियाचबंगुलि उतेजित जुयाः जि छगू क्रूर काण्ड यानां हे खःता । छह्य हाःना  
मबुह्य गरीव मचायात, सासना याःगु स्वयाः स्वय् नइपि मस्तय्गु छुकुलि वया गुरुजनं वयात लिखं  
डण्ड, अपमानय् भोलय् याइगु ख नं छगू अत्याचार लः ।

“खूं, - जेनया बेबा लित भू !”

जि चुपिथें ब्याःगु सलं अहोयाना । न्ह्याबलें थें थुबलय् नं बिलीं थःगु भास्तरक्षया  
लागि छसः तबकं मत ।

“का, बें”

बिली नमवासें थःगु सीतं दनाबिल ।

‘छंगु दबवं ह्याचा पुइकि, लाकां नं खः’

बं थःगु छपाः छपाः ह्याचा पुइकायन । लाकां नं खःतल । तर बं थःगु ह्वांगु मोजा  
खनी धकाः छपाः तुति मेगु तुति खः खः पुइगु कुतः यानाचवन । आखिरे गननं हे मोहः पिहा  
मवः ।

‘डेस्कय् दबव पिहोया धयें’

जि हानं हुकुम बिया । बं नुयचाप धाकव सहयानाः थःगु डेस्कं छता छता वस्तु लिफया  
वयन । छुकिं मोहः लुयामवः । छुं हे मघासैं, बिली हानं थःगु कापी, सफू, कलम दबवं डेस्कय्  
स्वयन । अले हानं बं थःगु बोहः डेस्कय् दिकाः थःगु खवाः उकिइ हे तुकाछवयेथें भोसुत ।

छथुं, जि वाः चाल । जि नं वयात छगू तःथंगु अत्याचार याये लात खनि । बिली  
हाःनाः मबुह्य, सकसिनं हिस्काकाचबंहा मचा लः । ब उपेक्षित लः । वयात लुनानं वास्ता मयाः  
लुनानं मतिना मतः । जि हे छह्यसैं वया पैं, लिना । वयात छुं भति मतिनानं याना । तर थों  
जि हे नं वयात नुगलय् स्याकाः यायेमज्जुगु अत्याचार याना । बोला बिया ।

भञ्जालंकाः छह्य मचा हानं वहे थसय् पेन्सील सुलुयाः वन खनि । व आकाभाकां  
चित्ताय् दनाः हाला हल “उका, जेनया मोहःला थन वोड्या सियय् लानाचवन, ब ह्याचः  
पेन्सील सुलुयाः बंगु, थनसं लोमंका वल जुइ ?

जितः धुक जुल । ह्य हे याउल, । थःगु ह्यय् हंस लिहां वःथें । जि बिलीया थाय् थिइक  
वना । आनं व अये हे ब्वहलय् छयें दिकाः भोसुनाचवन तिनि । जि वयात सालाः घय्पुनाः काया  
बिली ! जितः माफ या । लःसामखुसां जि छंत खुं वाः याये लात”

बं उतिहि छयें ह्मोनाः जिपाखे मिखां खल । वया मिखाय् खबवि छति मबु । मचा  
तिनिह्य बिली खयाः सुयां कला मवनिगु, खबविया निरर्थकता बं बांलाक च्वाथुइके धुंक्रुगु बु ।  
तर वया मिखाय् गुगु पीडां दनदन छबयाचवन उकि जितः स्यथाक पुत । जितः लोमंके मफइगु  
छाप खःता बकल ।

स्कूल छुट्टी जुल, मस्त सकलें छेय् वन । बिली नं छेय् लिहांवन । तर व न्हावले बें  
याकःचा बवछुनाः सुतुसुतु वनाचवन । जि इयालं स्वबां चवना – व ध्याचः ध्याचःगु स्यः पुलावना  
चवन । मानो व थःगु तुति लुतुलुयाः सडकय् थेंकःवन । फहिलेयाय् थ्यनेवं अनं खनेमंत । जि  
फातपुला बयाः मेचय्सं तोसुना गुबेत ह्नुकु तियाः चवनाचवना । जिगु मिखाय् बिलीया बहे पीडां  
बासिवयाचवंगु स्वाः, बयागु नुःखित मिखाया व्यथां पुनाचवन ।

अस्स ! जितः छहा प्रोफेसरया धापू लुमन “गुहा मचायात सुयां माया मदु, इकलय् उप्पो  
बयात हे छंगु माया आवश्यक ।” छु आः जि माया-प्यारं बिलीया घोर – नेशस्य व उपेक्षा –  
अपमानया धाः सिलेफइतिनि ? थःगु माया मतिनां बिलीयात छहा मनु यायेगु मति, जि छकः  
साहाक सास कया ।

✽

## तोरकां

छहा तोरकां वहनी ह्युंबलय् ह्लाःते मत व बोहलय् धेंप जवनाः लाछिइ वन । लेंप धोदुहा  
छहा मनुखं वयाके न्यन ए मूखं ! छंगु निंति ह्लि व चा उर्थेला खःनि मतं छंत छु फाइदा  
बुइ ?

तोरकां नं ह्लिलाः घाल-ध्व मत जिगु निंति मखु बर ह्युंबलय् वहनी जिगु धेंप तछयाना  
मबीमा धकाः छंगु निंति हयागु खः ।

— स्वांमा

## नेपाल भाषाया स्यल्लाःगु वाःपौ

### ‘इनाप’

बवना दिसैं । सत्य छु खः ? सिइका दिसैं  
थौया यथार्थ थुइका दिसैं

राष्ट्रिय पुस्तक प्रदर्शनी – २०४० स. ह्लाप जूगु

चित्तधर ‘हृदय’ स्मृति ग्रन्थ,

‘नेपाल’ ऋतु-पौ चित्तधर ‘हृदय’ लुमन्ति ल्याः व

सत्यमोहन जोशीजुं चवयादीगु

‘नेपालया राष्ट्रिय विभूति कलाकार अरनिकोया श्वेतचैत्य’

(लोक शैलीया महाकाव्य)

स्वयादीगु त्वःफिका दीमते ।

प्रकाशक

नेपालभाषा परिषद्

## महाकवि 'हृदय'या किचल्यु\*

मूच्वमि-आनन्ददेव भट्ट,  
होक्छा-देवनाथ रेग्मी,

मुथसिया १०-ताई धनकुटा क्याम्पसय नेपाली ब्बंकादीह्नु त्रि.वि. या उपप्राध्यापक भानु हेमचन्द्र शर्मा पोखरेल व जि निम्हं तुनिरुयःया दथुदथु ब्बनाचवनाबल्यु शर्माजुं धयादिल-  
“शाकुन्तल महाकाव्य व सुगत सौरभयात उतिकं हे खडा, माया, प्रशंसा व आदर यानाःजि थः फुंगया जवखलं तयेगु यानाचवना । देवकोटा व ‘हृदय’ उतिकं हे च्वन्हाःपि महाकविपि खः । वयक्ःपिनिगु थपि निगु महाकाव्यतय् दथुइ गजवगु समानता दु । थपि निगूया लनेज्या (तुलना) यववं हे जुइफु । जितः जा सुगत-सौरभयात उकियागु हे छन्द व लसं नेपाली भासय् हीके मास्ति थः । हीकेत अनुमतिजकं कायेमालिइ ला ।... ..मखु, भट्ट, व महाकाव्य ब्वन धाःसा ब्वमि उकी हे तनाबलिइ । गपाय्सकं मधुर ! गपाय्चवः स्वाभाविक ! गुलि सरल तःजाः व यचु । शाकुन्तल महाकाव्य ब्वन धाय् व देवकोटाया जाः व महान्ताया यचु किपा गथे भोगु नुपल्यु लुलुं हे (जि बाजि चिनाः धाये) महाकवि चित्तधर सु खः शीकेत अले वय्कःयात खडाया स्थानाः ब्वखायेकेत सुगत सौरभ महाकाव्यया बिलिबिलिगु नस्वाःदुने भी दुहां बनेमाः ।”

गुरुं धाधां भायाचवनादिल, जि चाहिं छुच्चा जुयाः च्वाक्क धायेलात - “मखु, धाथें धयादियागु लाकि, जि व महाकाव्य ब्वना नयेफइमखु धकाः जितः ध्यावय् लिकाः न्हाइपुकेत स्वयादियागु ?”

वय्कलं तम्बेकाः धयादिल - खुंक च्वे, स्वाःमहुगु खे ह्वायेमते । जि छत्त न्हागु खेनं पूर्वक विचाः यानाःजक धायेगु । छ मनु लात धायेव गय्लिचां लिम्बुबिया दाहि पुयाकाये थें यानाः जितः व्वातुक्क उवनीह्नु धकाः जि मसिउला ? १७-१८ साल पाखे भी निह्नु धनकुटाय् च्वचवनाबल्यु छ जितः धाःगु ला खः नि - शाकुन्तलया विस्तृत व्याख्या नेपाली भाषां गद्यय् च्व धकाः । भाः जा जितः डा. वासुदेव त्रिपाठीजुं नं धयादी धुंकूगु दु । जि अच्चासां च्वयाः वय्कः-यात वयनाबल्यु वययलं जिगु हौसला गाव्कं हे न्हाज्याका बियादीगु दु । उके ‘हृदय’ या सुगत - सौरभयात कयाः जि छत्त छु धया, उकी जिगु थः विवेक साक्षि दु । जि व महाकाव्यया यववं अंश कस्य न्यंके फु ।”

गुरुया खे न्यनाः जिगु नुगः हल । जि च्वेच्वे धायेत स्वया । जितः वय्कःया विहता व प्रतिभा लुमंसे बल । [उकियातकयाः खे च्वत धायेव जिगु मूल चर्चा सेगु तःधंगु कचा पिवनिगुलि थुयाय् उकी चर्चा मयाये ला ।] अले वय्कःयागु तःधंगु कमजोरि नं लुमंसे बल । जि न्यना - गुरु, महाकवि ‘हृदय’ जु नापलायेगु इच्छा दुला ?”

\* ‘पारिजात’ दै १, ल्याः ६, वि.सं. २०३७ पाखे उद्धृत ।



ह्लापां जा वय्कलं जिपाखे अजुगति (आश्चर्य) जाः गु मिलां स्वयादिल, अले न्यनादिल — छं वय्कःयात ह्रासिलला ?”

थःगु प्रभाव वय्नेगु मौका लाकाः जि घया — “का सा न्यनादिसं । दकल्य् ह्लापां २० सालपाखे जुइमाः — थौं कन्हैयागु राष्ट्रिय नाचघरय् नेपाली साहित्य संस्थानपाखें छगू देशव्यापी साहित्य सम्मेलन न्यायेकल । थुकी जि छन्हु लेखनाथ पौडेल थें जाःह्य छह्य दॅखाःह्य साहित्यिकं सभापतिया आसनं न्वचु बिघादीगु न्यना, खना । वय्कः पाखे छगू नित्य आकर्षण सृजना यायेत व न्वचु हे जिगु लागि कुषाः । वय्कःया राष्ट्रप्रेम, राष्ट्रिय चेतना, नेपाःदेया दबव जाति व जाति-तय्गु विविध भाय्प्रति आदर व सम्मानया भाव, अले दबवं छपें जुधाः देशया निरति साहित्यया क्षेत्रसं छु याये धयागु भावनां दबव न्यमितय् गजबनकसां घयेपू ।”

जि जाः गुरुया जांच कायेगु इच्छा — जिगु तहाकःगु बयान वय्कःया न्यने यःला मयः धकाः । तर जि सुकस्वनागु खनाः वय्कलं थम्हंतुं न्यनादिल — “थुलि हे जा महाकविजुया परिचय ?”

जि तना — “छुया उलिचाजक जुइ ? अतंलि यक्वयक्व बंलिपा भाजु मोहन हिमांशु थापायाके अनुरोध यानाः वय्कःयात नापलानाः जि भाजु ‘हृदय’या छें वना । ‘हृदय’ जुया नेपाली भासं न्ववायेगु उलि बानि मडुगु व जितः चाहि वय्कलं नेवाः भासं हे नवानादीगु न्यनेगु लहर (रहर) दुगुलि जि थापाजुयाके मेगु छगू इनाप याना —” छि जा नेवाः भाय्या प्राध्यापक जुया बी धुंकूह, उके जि मथूगु छत्वाः खें जितः धवाथुइक कनादीगु कष्ट यानादिसं न्है ?” अतंलि ‘हृदय’ भाजुनाप खें ह्लायेगु सुर जूबलय् वय्कलं (‘हृदय’जु) नेपाली भासं हे जिमिगु न्हासःया लिसः बिघादीगु व मेमेगु मजिमगाःगु चर्चात नापं यायेगु खें न्हाथनादीगुलि जिमि बयुइ दबव खें नेपाली भासं हे पूवंक जुयावन ।”

अले गुरुं न्यनादिल — “परिचयया मेमेगु ईत नं दइनि मडुला ?”

“जरु दु, गुरु । गुहा नं व्यक्तिनाप छक्वः निक्वः खें जुइधुंकल कि स्वक्वलंसिं जा थम्हं म्हतुं न्ववाये हे स्वाः, मिला वा गुगलं ह्लापालाक हे थःनाले धुंकइ । अथे हे यानाः वय्कःयात जि लिपालिपा नं यक्व सार्वजनिक समारोहय् खनागु दु । गथे कि — ‘मदन-पुरस्कार’ समारोहय् नं वय्कः थ्याः । थकथं धाये, गुरु — कि येँदुने जुइगु राष्ट्रिय महत्वं जाःगु गुगुं नं साहित्यिक मुँज्याय् ‘हृदय’ भाजु अप्वः यानाः उपस्थित जुया बी ।”

जिगु थुलि खें न्यनाः वय्कः लय् हे भलले दिनादीगु । अले घयादिल — “ओहो ! अय् जूसा जि जा खःगु मनया मूलुला हे चायेका बी । वय्कःया दर्शन यायेगु मौका दःसा जि न्याक्क हे लुधने ।”

“अय्सा थःयात थम्हंतुं साछि तयाः बचन बिघादिसं-छें ई मिलये या, जि वय्कःया दर्शन यायेत वने धकाः ।”

गुरु वातां चवनादिल-छु धाःगु थ्व स्वाज्यलं धयाथेचवंगु ख्वाः ज्यानाः । अहो घयादिल — “जिउ नि । जि धन थःगु ज्या सिधयेकाः नं निन्हु-प्पन्हु चवनेतिमि । गुबलय् ई पावे ज्वी, उबलय् हे जि दर्शन याः वनेत तयार ।”

जिगु मनं जाः पोखरेलजु विसिउवने फइमखुत धयागु पक्का याःथें वनाः जि विद्वान् प्राध्यापक भाजु वेइनाथ रेग्मीपाके इनाप याना—“ ‘हृदय’ भाजुयात थ्वहे खें न्ह्यथनाः छपु पो च्वयागु दु । पौयागु लिसः बय्वं ग्वाहालि यायेगु कृपाः यानादीमाल । ”

जिगु पो खनेवं रेग्मी भाजु पुलकित जुयादिल । पो थः ह्लातय् काकां वय्कलं घयादिल—  
“भट्टजु, तथास्तु । धन्दा कयादी स्वाः । छितः वरदान अवश्य हे पाव्नेदी । ”

घातर्थे हे कंसखुन्हु वय्कलं जितः सःताः घयादिल—“महाकविजुयाथाय् जि थःहे वना । वय्कलं १४ गते खुनु अथवा वयां लिपा सुथय्-बहनी न्ह्याबलय् भाःसां स्वागत दु धकाः घया-दीगु दु । हेमरूपी न्या जालय् तय्यंकादीगु जाल यानादीगु लाकि छु ? ”

“हे, छु घयादियागु । थ्व जा गुरुया दुनुगलं तज्यानावःगु प्रेरणा खः । जि जा खालि घया लागि नं तःथंगु मौका लाये वइला धकाः महाकविजुया थाय् इनाप छ्वयागु जकं खः । ”

× × × × ×

२०३६ चैत १४ गते ह्लिनय् । जि हेमचन्द्र शर्माजुयात येँ-नगरया नुगः दथुं-दथुं न्यासिकाचवना । ववातुक पगु निभाः जिन छ्चनय् ह्वाराह्वारा बवहाँ वयाचवन । तर जिपि थःगु आजु कायेत ख्वाउंसेच्वंगु शर्बत त्वनापि थें लयलयतातां लें ववचायेकाव वनाचवन । मोटर-साइकलजक व्वाके फइगु गल्लिया खवपाखेच्वंगु न्ह्यु जीवन दुगु साइनबोर्डप्रति काचाक्क भाय् यानाः जि धया—“गुरु, व व्वनादिसँ सा । ”

“नेपाल भाषा परिषद् - १०७१”

वय्कःया व्वने सिसधयेकं हे जि धायेजात - “का, थ्वहे खः, आःयागु भीगु लक्ष्यकेन्द्र । छि नापलाः भाःह्य हनेवहःह्य महाकवि तपस्या यानादीगु थन हे खः । ”

व साइनबोर्डय् च्वय् लाःगु आखः इवः रञ्जना लिपि, अले मेगु आखः इवः देवनागरी लिपि च्वयातःगु । रञ्जना लिपि नेवाः भाय्पा हिसापं आःतक चलनय् वयाच्वंगु [देवनागरी लिपि नापं यानाः] ह्यगु लिपि मध्ये छगू खः । मेमेगु लिपित खः - भुजि स्वः, गो स्वः, पाचु स्वः, कुं स्वः व प्रचलित लिपि । थ्व दक्कसिबें लिपागु लिपि व्याक्क चलती तीजक वयाच्वंगु दु ।

खें ह्लाह्ला वेंवें निपु स्वाःनेया खिउलं तच्चकं बानि जुइधुकपि मनुतय्त थें च्वक ववचाःजु भाजु पोखरेल व जि चाहे मवाः । पच्छिमपाखे मिला अचानक वंबलय् मातनं दुने च्वंगु कोथाय् सँ छह्य च्वनाच्वंगु जिमिसं खना । लाकां त्वःताः परिचयया फाइदा ह्लाःती कयाः कोथाय् दुने दुहांवें जि अभिवादन यानाः धया—“महाकविजु, वयकः हे खः पण्डित पोखरेलजु । छि समय बियादीकथं भाःह्य दर्शनार्थी । ”

रहस्याय पदां ह्लापां हे चालेधुकूगु थें च्वन । छह्य महिला महाकविया सेवाय् दखिनपाखे बालरौ लिमलासे च्वनादीगु । तर वय्कःया मिला व ह्लाय्पं जिमिपाखे । मेपाखे सकू व पत्रिकात मियादीह्य जि न्ह्यु पासा भाजु नातिबज्र (भोताहिति, येँ) फेतुना च्वनादीगु । पच्छिमपाखे लासा थें जोगु आसनय् पूर्वपाखे स्वयाः व्याक्क धइथें तुईधुकूगु दाह्लि व सँया तिसाय् सुलचं दुथ्याकाः च्वनादिल भाजु चित्तधर ‘हृदय’-एकदम न्ह्युस्वाः, बुद्धया थजोगु मुद्राय् ।



न्याःनेसंख्यं गु आसन कयादीत वय्कलं भाजु पोखरेलयात अनुरोध यानादिल । अले कोठाया दुने च्वंविनि नुगःलय् धुकुधुकत शब्द व अभिनययाः रूप कयाःपिहांवल । जि जाः थः दुने दुने हे गौरवान्वित अनुभव यानाच्यना ।

प्रिय च्वंमिपि, जिगु ध्व अभिव्यक्तिप्रति छिकिपि थःगु सहमति केनेत तयार जुयादी फइ ? गुबलय् थःयाके गुगु नं ज्या यायेगु तःधंगु इच्छा दइ तर व ज्या बांलाक ववचायेकेगु क्षमता जा थःयाके दइमखु, उबलय्, निस्वार्थ व उदारभावं व ज्या ववचायेका बीह्य गुम्हं सत्पात्र ध्वदुल धाःसा व पात्र थः श्रद्धाया पात्र जूवनी । थौंयाह्य गुरु हेमचन्द्र तःन्हलिपा जिगु आकांक्षाया प्रतीक जुयादिल । भाजु 'हृदय'या महानतायात कयाः खनेदयेक व मदयेक निकथं हे चूलाका विद्यादीह्य सहृदय विद्वान् पासाया किसिम ।

भाजु 'हृदय' जुया शान्त कक्ष्य भाजु पोखरेलजुया अमृत वचनया मालथी चालु जुल । वय्कलं गावक आत्मविश्वास व स्वाभाविकता न्हथनाः थयादिल - "सुगत सौरभ" ब्वनेत ब्राह्मण्या हे मे (जिहवा) माः ।"

धार्थे हे वय्कलं छुं सिलःत कन्थकथं व मेमेगु सिलःत महाकविजुया सफू स्वस्वं पाठ यानादिल । काव्यपाठया व गुञ्जनं छह्यछह्य न्येमि गुजुगुजु काल । जि व महिलापाछे स्वया । वयेक : जा भं हे लय्ताया वीगु खना । नुगलं पिहांवयेत्यंगु उद्गारयात पिहां वये मफयेक ववातुकेत स्वस्वं नं व उद्गार वयकःया स्तुतुं पिहां वयां हे त्वःतल । जिविसं ताः-खःनि, बाज्यां गुलि हिसिदय्क व्वनाविज्याःगु ।"

चर्चा जुजु वंवल्य व महाकाव्ययात नेवाली भासं उत्था यायेगु खंयात कयाः महा-कविजुं थयादिल - "जिउनि, हीकादिसैं । तर शाकुन्तलनाप खनेज्या यानादीगु खःसा व्याक्कं काव्ययात हीके मालिइ ला ? माधवचाजक हीकूसां भयाइ ला ? च्वनिसैं ववध्यंक हे हीके थयादीगुसा ला बांलाक स्वयादीमाली ।"

प्रिय च्वंमिपि, छिकिपिनिगु ध्यान पलख छगु मेगु हे प्रसङ्गपाछे यंके ला ?

महाकवि 'हृदय' जुयात येँया गल्लि व लेंसं जुयाच्वपिसं सुनाजक मखं जुइ ? खालि थम्हं ह्यस्यू-मस्यूजक पाइगु ला खःनि ।

× × × × ×

विक्रम संवत् १९६३ (नेपाल संवत् १०२७) ज्येष्ठ ५ गते बंशाख कृष्ण एकादशी खुन्हु थौं-कन्है वय्कः च्वंच्चनादीगु छें (२६१ न्यत, तुंछें, कान्तिपुर-१३) लूह्य 'हृदय' जुया शिक्षा छें हे तुं माधुलिकथं जुल । ओछेंयाह्य भाजु पृथ्वीवानन्द बज्राचार्य, असं तःछें बाहाःयाह्य भाजु सिद्धिहर्ष बज्राचार्य व थःगु हे चुकप्चंगु छला छें देरा कयाः च्वंच्चनादीह्य पहाडपालें ववहाँ भाःह्य, संस्कृत व्वंकादीह्य पण्डित-व्यय्कःपि स्वह्यसिके वय्कलं छेंथ् हे आखः व्वनादिल । थौं-कन्हैया भासं धायेगु खःसा, वय्कःधात स्कूल-कलेजया औपचारिक शिक्षा पावय् जुइ मफुत । वय्कः मखें त्वाल्य उबलय् खल्य जुयाच्वंगु छगु तसकं विकिबंगु व्वनेकुथिइ (पाठशालाय्) आखः व्वें भाल । व पाठशालाय् रद्री, अमरकोश, हिसाप थजागु सफूत व्वंकीगु । थः परिवारया अभिभावकतय्गु शैक्षिक चेतनाया स्तर माधुलि जूगुलि, अले राणा-शासकतय्सं प्रजागनया



मस्तयत् आलः ब्वंकेगु खैय् बवपाला (छतनी) यायेगु यानातःगुलि वहे अःखःगु लःफसय् (वातावरणय्) लानाः वय्कःयात सुनानं दरवार स्कूलय्तक नं दुर्तिके मयंकू। औपचारिक शिक्षाया नामं उगु ईया चलनकथं मस्तयत् ब्वंकीगु अमरकोश थेंजाःगु शैक्षिक सामग्री, अनंलि थः यःगु फातकुत अध्ययनया नामं राहुल सांकृत्यायनना बुद्धचर्या, धम्मपद थेंजाःगु सफूत वय्कलं ब्वनादीगु खः।

× × × × ×

ह्लासा साहुया काय्मचा जुयादीगुलि वय्कःयात ह्लासा यंकेगु ग्वसाः ग्वल। तर उथायलावक हे मांया बरोबर म्हंमफयेकादीगु जुगुलि वय्कःया ह्लासा वनेगु ज्या मजुलजक मछु; बुबाजु हे ह्लासां यें लिहां भाल। अले ल्याय्हा जुइधुंकाः नं छुं हे लजगरः (इलम) मज्वंसे सुं क च्वनां बांमलाःगुलि वय्कलं साइकल पसः तयादिल। भचाभचायायां साइकल पसलय् छगुनिगु सफू भीगु नं जुयावल। लिपा वनाः छगु तःधंगु सफू पसः नं चाः वन। व पसलं भाजु रुद्रराज पाण्डेजुया उपन्यास व भाजु ब्रह्मशम्शेरजुया सफू नेपालको महाभूकम्प यक्वं हे छुल।

उकथं बँचं ९७ सालया युगान्तकारी दँ नं थ्यंकःवल। वय्कः ३४ दँय् ब्वनादी धुं कल। थुबलय् वय्कलं गृहस्थी जीवन न्ह्याकुं-न्ह्याकुं स्वअध्ययनया माध्यमं नेवाः व संस्कृत भाषं च्वयातःगु यक्व सफूतय् सगःसवाः (रसास्वदन) कयादिल। उगु ईया हिसापं नां दँबंवि नेपाली भाय्या न्हूवि व पुलांवि कवितय्गु चिनाखेंत व व्यक्तित्वतपाखें वय्कः प्रभावित जुयादिल। जनसाधारणतकया कविया कितिमं परिचित जुइधुंकादीगुलि, अले बँया हिसापं नं थकालि जुयादीगुलि भाजु लेखनाथ पौडेल भाजु 'हृदय' या छह्ना हनेबहःह्ना व्यक्ति जुयादिल। थुकथं तजाःगु भावुकता व संवेदना सृष्टियायां छन्हु महर्षि वाल्मीकि "मा निषाद प्रतिष्ठां ... .." धकाः स्वस्फूर्त चिनाखें चिनादी थें तुं भाजु 'हृदय' नं थःगु हे मांभाषं 'मां' नांगु छगु चिनाखें चिनादिल। व चिनादिल। व चिनाखें कलकत्तां पिहां वइगु धर्मयुग पत्रिकाय् पिहांवल। तर गजब! उगु ईयागु राणा-शासननं वय्कःयागु व चिनाखें पितबी ज्यायात राजनीतिक रंग छिनाः उकिया बापतं वय्कःयात भेलय् यंकाः कुनेगु ववःछित। थुकि यामाः वय्कःया दुने छनाच्वंगु राष्ट्रिय चेतना तसकं च्यानावल। अले वय्कलं घोषणा यानादिल - "श्व चिनाखें जि जि मांया निधनय् चिनागु खःसां यदि श्वं नेपाःमांया आर्तनाद व जि मांभाय्या वेदनाया पलेसा (बदला) वाःसा उकिइ जितः गर्व दु। थःगु चिनाखेंया श्व अर्थयात जि लसताता थः नाले। उकिया सम्मानय् जि गुगु नं सर्जाय् फयेत तयार।"

अले वय्कःयात ६ दँया कठोर भेल-सर्जाय जुल।

तर ९७ सालयागु राणाशाहीया छासागु नुगलं भाजु चित्तधरजुया देशप्रेम, जातीय स्वाभिमान व राष्ट्रस्नेहयात मुकथं हाययेत स्वत मुकिया पाय्छि अःखःकथं देशयात देखा जुइधुं कुगु वय्कःया नुगः लम्बरि लुं थें दबं व बांलालां वल। अपि मूर्ख व दुष्ट शासकतय्गु अग्नि परीक्षाय् वय्कः 'सुगत-सौरभ' महाकाव्यया निर्माताया स्वरूपं धन्य जुयादिल। श्व सकस्यां सिउगु खें खः- उगु इलय् भेल व नेल न्ह्यावव हे कठोर जूसां नं भेलं हे भाजु सिद्धिचरण श्रेष्ठ व भाजु केदारमान 'व्यथित' थजाःपि भाबुक ल्याय्हातय्त क्रान्तिकारी कविया चेतना दःवल, अले भाजु 'हृदय' नं थःगु महाकाव्यया "करुणारसयात तस्सकं ययागुसेच्वंगु खेंगवः व लसंजाःगु पवः (भाजु

हेमचन्द्र शर्माजुया शब्दय) या बहुःकयाः नेपाः भाय्या माध्यमं नेपाःमितयुगु नगुतयत् क्वाला-  
ज्वालां थिकादिल ।

५ दँ तक भेलय् क्वनाः महाकवि 'हृदय' २००२ सालय् अनं पिहाँभाल । अनं हे  
'सुगत-सौरभ' पिदन । व ग्रन्थ थः बुबाया ल्लाःती लःल्लायेगु वय्कःया तःधंगु मन्तुना । तर  
उदलय् हे तं बुबाया निधन जुयाबिउगुलि बुबाया पल्साय् ककायात वय्कलं व थः जीवनयागु  
दक्कले ल्लापांगु देछा लःल्लानादिल । ककाजु यक्व दँ न्ह्यःनिसें कलकत्ताय् हे व्यापारपाखे  
सनाचवनादीगु जूसां सामयिक चेतना व उकिया महत्त्वनाप वय्कः परिचित जुयादीगुलि व ग्रन्थ  
थय्क स्वयेसाथं वय्कलं धयादिल - "धन्य पुता ! छँ भी ७ गू पुस्तायात जः थनाबिल ।  
थुकिया सिरपाः छन्त दइतिनि ।"

अनंलि व महाकाव्य ककाजुं भारतया वरिष्ठ विद्वान् भाजु सुनीतिकुसार च्याटर्जीयात  
बियादिल । अले भाजु च्याटर्जी समीक्षा यायेकथं क्वयादिल - "श्व महाकाव्य बुद्ध-साहित्यय्  
थौतक पिदंगु कृतितमध्ये दक्कलय् च्वन्ह्याःगु (सर्वश्रेष्ठ) खः ।"

अथे हे, इटलीयाह्य प्राध्यापक तुर्ची श्व महाकाव्यया मुक्तकथं तारीफ यानादिल ।

[ख जाः, 'त्वाःदेवाया क्वसं मतं मखः' धयागु पुलां धागु भी थः हे देया विद्वानपिनित  
लागु जूला-मसिउ ।]

थुकथं कविताया अनेकं शास्त्रीय परिभाषातय् चक्करय् तमकयंह्य खालि थःके हे दया-  
वःगु स्वअध्ययनया चेतनां यच्चुचुवंगु थःगु प्रतिभा गावक व्वय्कुहा छह्य सुयोग्य नेपाःमि थःगु  
काव्यात्मक भाषा (गम्भीरता) या परिचय सुगत-सौरभ क्वयाः न्ह्यथना बिल । नेवाः भासं गाजु  
'हृदय' बियादीगु असाधारण योगदान श्वहे छगू रचनाजक सीदः बइगु मखु । वय्कः संसारया  
गुगु नं भाय् व साहित्यया बहुमुखी प्रतिभां सम्पन्न । श्व खँ गुण (क्वालिटी) व त्याः (संख्या)  
निताय्सं वय्कःया गावक अधिकार क्यनीगु धन क्वसं बियातयागु रचनातय्गु त्याःखं क्वाथुइक  
क्यनीः-

१) काव्य - थः धर्मपत्नी ज्ञानप्रभा मय्जुया निधन (२०१७ साल, उकथं फ्रेब्रुअरी  
२६, १९६०) जुइधुंका वय्कःया लुमन्तिई क्वयादीगु शोक कविताय् मुनासफू ।

१. श्व नं जिमि चैतनापं यानाः	१२ गू
२. बालं मुना	४ गू
३. छधाः प्याखें	१ गू
४. नेवाः भाय्या सफू	१ गू
५. नेवाः भाय् व साहित्य इतिहासया सफू	१ गू
६. बालसाहित्यया सफू	२ गू
७. यात्राया सफू	१ गू
८. धर्मया सफू	१ गू
९. नेपाः संस्कृतिया सफू	१ गू

१०. अनुवाक्या सफू	१ गू
११. मुनाज्या (सङ्कलन)	१ गू
१२. नेवा: संगीतया सफू	१ गू
१३. म्ये मुना (गीत संग्रह)	१ गू

थुकथं वय्कलं संसारयात जम्मा २६ सफू बियादो थुकल । □

वंगु २० दैनिसैं पूर्णयोग्य च्वना: वय्क: छहा ऋषिया जीवन यापित यानाच्चना दीगु दु । यम, नियम, संयम धारणा अले काव्यचिन्तनया समाधिपाखे वय्क: उन्मुख जुयादीगु दु । थौं वय्क: ७४ दै याहा; तर वंगु १० दैनिसैं वय्क:या हाया जवपाखेयागु अंश अचार्कलि गा:गुलि जव ह्ना: व तुति याग्लाप्याग्ला । वय्क: तुतां च्या: मामुलिनक्सां भतिभतिजक जुइजाये फु ।

वहे १४ गतेखुन्ह भाजु शर्मा (पोखरेल) व जि नापला: वनाबलय् थ:गु थौंकन्हेयागु जीवनयात कया: वय्कलं छक्का खे थुगुकथं धयादिल — “आ: जा: जि च्वयेज्या याये भफुत । थम्हं न्ववाना: सेपिन्त च्वकेगु बानि नं मदुगुलि जि खालि थ:गु ह्नि ल्या:खानाच्चना । जि लुमंके नं मफयावं वन । न्ववायेबलय् नं से बरोबर उल्लेखे ला:वं ।

संस्कृत भाष्या थ:याके दुगु ज्ञान व नेपाली भाष्यप्रति थ:यागु स्वसा (दृष्टिकोण) च्वंका: वय्कलं धयादिल — “थ:गु ग्रन्थय् जि संस्कृतया गुलि प्रयोग याना व प्रयोग जि थ:म्हं विधिवत कमये यानातयागु ज्ञानया भलसां मखु, खालि थ:गु स्व-अध्ययनया बहकया:जक सम्भव जूवंगु ख: । सेपिनिगु साहित्य गुलि गुलि व्वन उलि उलि हे व साहित्यय् दयाचवंगु सेरला:गु खे थ:याके दुहां वइगु ख:ला धयार्थे जिकय् मती व: । ... .. जि नेपाली भासं नं च्वयेगु कुत: मयानागु मखु, तर नेवा: भासं च्वय्बलय् गुगु न्हाज्यागह (गतिशीलता) व सन्तोष वयेमा:गु ख: उलि वये मफूगुलि जि हाकनं कुत: मयाना । जि थ:गु साधनाय् दुबिनाच्चनाह व्यक्ति जगुलि अले स्वभावकथं नं उलि पिस्व:हा (बहिर्मुखी) मखुगुलि जि जनसम्पर्कय् वयेमफु । तर जित: राष्ट्र कविकेशरी’ या सम्मान बिउगुलि थुकियात जि थ: मांभाय् नेवा: भासं राष्ट्र व मानवताया थम्हं यायेत स्वयागु सेवाया वास्तविक कदर जूगु ख: वइकथं मती तयाच्चना ।

“कविशिरोमणि भाजु लेखनाथप्रति जि त:थंगु छद्दा । जि हे धयागु ख:- वय्क:या रथयात्रा याये नु धका: । थ:गु रथयात्रा जुइगु खे वय्क:या मय: तर जिपि सकतिनं जुइमा: धका: तिव: (कर) याना । भाजु कुलबहाबुर ड्राइभरजुं छगू गजबगु सुन्दर व न्हू धाँजायागु घिरिघिरि ख: दयेकाविल । उबलय् प्रधानमन्त्रीनिसैं कया: येँ दुपि दक्क धयार्थे साहित्यकारतय्सं ११ साल पुस २० गते खुन्ह वय्क:या रथ सालेज्या जुल । वय्क: मदय् न्हा: हे वय्क:या सम्मानय् छगू अभिनन्दन-ग्रन्थ पिकायेगु खे पक्का जूकथं जि थन ववसंत्वंगु ४ ध्व:या चिनाखे च्वयाअभिनन्दन: ग्वय्बां तया:—

□ स्वयादिसैं ‘ध्व नं जिमि वैत’ (ने. सं. १०८८) मुना सफूया जिल्लाया ल्यूनेया पाना । उकी २६ गू सुफूया नां वियात:गु दु । लयं स्वंगू चाहिं धथे ख: — ‘छुं म्ये’ (म्ये मुना)  
(२) नेपाल संस्कृति (च्वखें मुना (३) डायरी (बाखें मुना)



## गव्यदां

हःगुलिं कविमुकुटमणि । छं ग्गु काव्यपरम्परा

थौं श्व नेपालं भिक्क थुलि साहित्यया

जिमिगु जीवनया कमाइ फुक्क मुनाः 'अभिनन्दन-ग्रन्थ' दय्काः

आकिवं लःह्लायेत गव्यदां तयेधुन ।

तर वय्कःया निघन जूगु धुलिमछि दयेधुंकाः नं वय्कःयागु लुमन्ति सफू (स्मृति ग्रन्थ) पिहाँ मक्कःनि । अले गुगु स्मारक नं तयार भज्जनि । थुकिं जितः तःधंगु दुःख । भौसं वय्कःया सम्मान पायेमाः । मखुसा "कौडोमा पनि मिलिन्छ भिल्लका देशमा मणि" धयागु खँ सत्य जूवनी । ... गुगु परिस्थितिइ भाजु लेखनाथजुं चवथेज्या यानादिल, उकिइ नाक्क विचाः यानाः स्वथेगु खःसा वय्कलं तच्चकं हे मुलाःमुलाः राणाशाहीया विरुद्ध गजबगु सः थनादीगु खः । उजाःगु परिस्थितिइ उक्तं चवथेफुगु व नेपाली साहित्ययात तःमि पायेगु ज्या यानादीफुगु खँ विचाः यानास्वथेबल्य जाः वय्कःयात जि छगू अर्थ्य जाः देवकोटा स्वयाः नं अक्क तःधंगु कवि धाथे ।"

प्राध्यापक पोखरेलजुया धाराप्रवाह अभिव्यक्ति मुसि पायेचंगु मौका दयेवं भं-भं तच्चवं (बो) छात । वय्कलं थः तच्चकं म्हं मफुबल्ययागु छगु तसकं प्रवाहमय काव्य न्यंकादिल । भाजु 'हृदय' जुं उकिया प्रशंसा यानादिल । व जि वय्कःयात थःगु व शब्द-चिस्ताचां कुति न्यानां सजग यायां यंकाच्चना । तर ताईतक उकिया छुं हे असर सीमकु । आखिर थःगु बेरा तापाः धयागु वय्कःया लुमंसे वल ला छु थें, वय्कलं 'हृदय' जुयात थः लिहाँ वनेगु अनुमति पवनादिल । जि धुक्क जुया ।

सन्ध्याकाः जुइथें चवनेधुंकाः । वने त्यक्काः जि पोखरेलजुया ध्यान हुने लाःगु कोथाय् रचयातःगु महाकवि जुया धर्मवत्नीया मूर्तिइ साला । अनंलि जिपि विद्या जुयाः लिहाँ वने हे रचनाबल्य छगू अजूचाइपुगु (आश्चर्यप्रद) वस्तुइ जिगु मित्रा आकाभाकां जूवन । महाकवि बहः काकां वनादिल, अले तुतां चुचुं जिमि न्ह्याः न्ह्याः भायादिल । जिमिसं नेवाः भायापात "नेवारी भाषा" धाधां चर्चा यानागु तायाः स्वहान्य् ववहांवेवं वय्कलं इवात्त चकना (दिप्पणी) यानादिल — "छिकिपिसं 'नेवार' शब्दया विशेषण 'नेवार्य' छाय् दयेकादिमागु ? जितः श्व मयः बां नं मलाः । गये मगर, गुरुङ्ग, तामाङ्ग, थजाःपि मङ्गोलवर्गया भाय्त्तय् छिकिपिसं लिउने दीर्घ ईकार ह्वनाः धायेगु यानानदी ; अथे हे तुं नेवाः भायापात कयाः पायेगु यानादिसं रे । कि 'नेवाः भाषा' धयादिसं कि मखुसा 'नेवार भाषा' थजाःगु अशुद्ध प्रयोग छाय् ?"

जिपि निम्हेस्यां भन्ने छवकलं थें च्वकं न्ह्यासः पायेलात । व न्ह्यासःया दुस्यः थये च्वं- 'नेवार भाषा' धयागु नां मयोपि अनूत नं ला दय्कु नि ?

याक्वन्नं हे वय्कलं उकिया लिसः बिषादिल — "उकिया चिउताः (चिन्ता) छिकिपिसं कयादी म्बाः । अशुद्ध न्ववायेगु थिक मखु, तर व शुद्ध न्ववायेबल्य नं मसिसे सुनानं छुं धाल धाःसा व धाःम्हेसित धवाधुइका बिषादिसं रे !"

अनंलि वय्कलं ववस्संलाःगु तय् (तत्लाय्) च्वंगु चवनेकोथा (बैठक) धायेकादिल । व चवनेकोपाया उत्तर-दखिन यानाः निछा हु खनी । उत्तरपाखेयागु छाय्सं वय्कलं हे दयेकादीगु

शृंगाररसया बाबांलाःगु कलाकृतित ब्वयातःगु । अथे हे वय्कलं ह्लापा थानादीगु बाजंत नं नेवाःतय् चलनकथं कातिकनिसँ न्ह वं शुरु जुइगु । मचाबलयनिसँ वय्कः गुंलाबाजंपाखे ध्येचू । अथे हे वय्कःया बुबाजुं नं तसकं हे बाबांलाःगु किया ग्वये-चवये थानादीगु । बुबाजुया प्रेरणां हे भाजु 'हृदय' जुया मचानिसँ ग्वयेचवये ज्याय् (चित्रकलाय्) तःधंगु अभिकृच्चि व अभ्यास । थुगुकथं चित्रकला व बाजें थायेगु ज्याय् वय्कः मचानिसँ धेचू ।

थपि वस्तूत त्वःता, हानं बय्कलं मुनादीगु नेवाः भाय्या छगू दराज सफूत नं अन कोथाय् दयाचवन । सफूतय् त्याः ध्यंमथ्यं ८०० ।

दखिनपाखेयागु छाय् वय्कलं थम्हं ब्वनादीगु नेपाः भाय्, संस्कृत, नेपाली व हिन्दीया अनेकं सफूत व पत्रपत्रिकात, वय्कःयात ससम्मान लःल्हामातःगु मान, पदवी, उपहार व अभिनन्दनपत्रत अले नेवाः जाति व जातिया संस्कृति ह्यसीका बिइगु कियात अनेक फ्रेमय् तयाः व मेमेगु कितिमं सजय्यानाः तयातःगु । थपिफुवक वस्तूत स्वस्वं वनाबलय् वय्कःयापाखें गुलि सीकेगु मौका दत उकि जिमिसं थ्व खं ध्वाथुल - थ्व छेँ वय्कलं थः केहें मय्जु मोतिलक्ष्मी तुलाधरयात लःल्हाना दीधुंकल । वय्कः मोतिलक्ष्मीं नं थ्व छेँ नेवाः भाय् व उकिया साहित्य, कला व संस्कृतिया छगू असाधारण लुमन्तिकया (स्मारकया) रूपय् भविष्यया मुलय् तयाः महाकविजु मवय्धुंकाः नेपालभाषा परिषद्यात ह्लापं धनीकथं व संस्थाया नामं चवयाः बिया-दीधुंकल । ओहो ! जिमि गपाय्धंगु सौभाग्य । वहे न्हास्वः दुह्ल (दूरदर्शी) राष्ट्रप्रेमी नेपाःमि मिसा (नेपाली नारी) या ह्लातः २-ता थाये थीक न्हाः हिनसिया प्रसाद ग्रहण यायेखंगु ।

दिमित थ्व खँया नं ज्ञान लुल- भाजु 'हृदय' जुं थ्व नेपालभाषा परिषद्यात जन्म बियादीगुजक मखु कि, वय्कलं थ्व संस्थाया नामय् छक्कल ५०००१- दां ह्लापं बियाः उकियात बैकया मुद्दी खाताय् तयाजियादीगु दु । वय्कलं थः व थः केहें निहासिया दथ्इ अंशभागकथं दाजुकिजा निहासिया थें चक्कं पूर्ण समानताया व्यवहार कायम यानादिल । थौं-कन्हें वय्कःया १०-१५ पी जग्गा दु । ७ सालं थुखे बय्कलं गुगुं खास लजगाः मज्जेसे थःगु हे पत्रिक आम्दानां व 'कविकेशरी' जुयादीकथं लयलसं थःत वइगु ४००१- दामं थःपिनि ह्निहिया जीवन थम्हं फुकथं मामुलिकथं न्हाकाव यंका चवनादीगु दु ।

देशविदेश चाःहिलादीगु खँच्चाहि वय्कः देशय् दुने पोखरा, पाल्पा, बुटवल, वीरगञ्ज, विराटनगर व धनकुटा, बेशपिने चाहि १३ सालय् स्व. बालचन्द्र शर्माजुया नेतृत्वय् चीनवंगु प्रतिनिधि मण्डलया उपनेता जुयाः भाःगु ।

१७ साल मंसिरतकया थःपिनि जीवन-घटनातय् कथाः वय्कलं चवनादीगु लुसंतिषा निधाः सफू दु । छद्या पूवने धुंकूगु व मेगुचाहि वच्छि जाये धुंकूगु । लिपा वनाः गुबलय् नेपाः व नेपाःमितय्सं वय्कःयात भौतिक रूपय् लुइके सफयाः इतिहासय् मालेमाली, उबलय् थ्वकि वय्कःया धारे माधव महत्त्वपूर्ण तथ्य, बिचाः व भावनाया जः होलिइतिनि । थपि निधां चवये-धुंकाः वय्कलं अनं उच्चः चवयेगु ज्वं (सिलसिला) त्वःतादिल ।

ई तसकं चिहाकः बकि जिपि चाया छयः जुजुं वनाचवना । जिमिगु लहरं (रहरं) आः भं-भं उच्चः थः थःये (स्वच्छन्द) बिचाःया इच्छायात व निगू कोथाया दुने, तर जिमिसं थःथःगु उत्सुकतायात फेयां ब्वात्तुषक च्युच्युं थःथःत पिने गलिइ ब्वकया । अले छम्हेस्यां मेमेस्त स्वया-बलय् जिपि तसकं हे आत्मविभोर तर लातास्वमि (सूकदर्शक) थें खनेदयाचवना । ★



## न्याल्ल० ०० वयां

निहा मनु छगू खँय ततःसलं त्वानाचवन । लंय वःह्य छह्य मनुखें इमिके न्यन- 'छाय्, छु खँय छिपि थपायसकं हालाचवनागु ?'

छहासैं धाल- 'जि थुखेर पूर्व धयां थवं पश्चिम धयाचवन । पश्चिमयात पूर्व धकाः जिही यानाचवन । थव हे खँय जिमि कचकच जुयाचवंगु'

व मनुखें धाल- 'स्व भाइ ! दक्कसिया मत छगू हे जुइमाः धइगु मडु ! वला थःथःगु विचार सः'



छह्य हायलिसगुलु विद्यार्थी वयंछवंगु घू सुपसापनावं तिपा ह्लाःतं इतुइयाः पुइका तःगु सकुतिइ तयाचवन । थव खनाः गुळ वयात त्वानाः धाल- 'छु यानाचवनागु छं, जि धया थाय् चि मतसैं'

विद्यार्थी लिसः बिल- 'मखेला सर ! सफू भचाजक धेचुलकि आखः दक्क कयगूथें वागु । वहे वाःगु आखः सोयाः सकुतिइ तयेत सनाचवनागु'



छह्य पोह्र्यां जाः थानाचवंगु छह्य दार्शनिक दनाः स्वयाचवन । स्वस्व वं धाल- 'अहा ! गपाय्चो मिलयानाः चिचिह्वःगु प्वाः चिनाचवंगु ।

रहागुं खँयनं कुंखिना जुइह्य छह्य मनु गामय् चाह्य छुं छमा तःमागु अँया कवय् भासु फित । अँमाय् थस्वस्व वं बिचाः यात । थयाय्मागु, धुलि बल्लागु सिमाय् गविचारवःगु सि । हानं फसिमाः स्वः माहे बँय्सं न्यभ्यःछुइकाः गपाय्गपाय्मछि गवःगु सि । बरू थव अँया पलेसा फसि सयेकूगु जूसा लवःगु ।

उबलय् हे लाक चवं पाकय्जुगु छगः अँ कुतुंबयाः वया छयँनय् लात । वं छयंः तिया थाथाइथि दन । जः खः स्वत । रूहःनेसं अँ खनेवं वं धाल- 'धाथे अँया पलेसा फसि हे सःगु जूसा थौं जिगु छयंः हे तज्याइगु जुइ । धन्य प्रकृति ।





स्वहाहा बुद्धिं भोपुयातः गु त्वय भतिचा ध्यच्छिकाः वदधुनाः स्वत- 'जा ! श्वला  
प्यनपूनां छचातं ह्वगं खनिसा ।



बहनिह थः चवनागु होटल्यु लिहवयेवं वया कोषापाला न्यन- 'जंगल स्वया वयेधुन मखुला, गयुचवं'

ब भच्चा दिक्क भावं लिप्तः दित्त- 'गो बांलाक स्वये मत्तन'

श्चाय् ? पासाह्मसे न्यन ।

'न्याथाय स्वःतां सिमा सिमाजक किनाः जंगल हे खने महु'



यमराजया मृत्युःने सजाय न्यकेत यमदूतं स्वहा मनु थने हल । उकिइ छहा वकिल, छहा व्यापारी व छहा मन्त्रि । इमिसं जीवन्तु स्वःकः ततःधंगु फयलं ह्मनाः गरीव जनतायात धो लात बहे कथं फाइल स्वस्वं सजाय न्यकल ।

ह्लापं वकिलया पाःवल वयात यमराजं भिकः मदसे दषवं नरक चाहिलेगु उजं बिल ।

वया लिपा व्यापारीया पावल वयातन ततःबंगु भुट्टा खे ह्यानाः नयेमखिं जनतापात  
भंगः लाःगु ह्याखं नीन्याकः नरक चाहिके छवत ।

आः मन्त्रिणा पाःवल । तत्र न कतिनि अनसं दुह्य मन्त्रि वेधता जूगु खनाः यमराजं  
द्वतयाके न्यन-‘श्व ? मन्त्रि धाःह्य गन जन ? यमद्वतं धाल- ‘महाराज । छःपिनिगु सजायं म्यने  
न्याः साइकल छकःनि कयाहये धकाः वन’



# सितुया 'सितु'या मू-हामा (संरक्षक)



भाजु स्वयम्भुलाल श्रेष्ठ

बुद्धि - नेपाल सम्बत, १०४१ थिलाश्व २  
(वि. सं. १६८७ मार्ग ६)

थाय्वाय् - (क) तापाहिति, यल

(ख) लाल निवास, भद्रपुर झापा

‘नेवाः, नेवाःभाय् व संस्कृति’ ‘भिक्षि’ खेजाःगु अन्वेषणात्मक सफूया खलि । माःतक बय्कःया ‘भिक्षि’ ‘नेवाः, नेवाःभाय् व संस्कृति’ ‘मां भाय्’ ‘ववाः धासा’ ‘व्यक्तिस्वको पुञ्ज’ ‘हामी नेपाली’ ‘सत्तलको खोजमा’ हाच्रो गरिमा’ आदि सफू पिबने धुंङ्गु बु ।

‘श्रेष्ठ प्रकाशन’ श्रेष्ठ सिरपाः’ खेजाःगु भाषा-साहित्यया योगदानय् हःपाः बियाचंगु प्रकाशन, सिरपाः स्वनाः थःगु बेसय् हे उपेक्षित जुयाचंगि नेपालभाषाया खमिपित दकलय् ह्यापां सम्मानया परम्परा स्वंग्ह व्यक्ति बय्कः हे खः धाय्याः ।

भाषा-साहित्य व संस्कृतिया मतिना खानाचंगु बय्कःया व्यक्तिस्वय् देया सकल भाषा-साहित्यसेवकतय्गु लागि प्रेरणाया जः लुया वः ।



## ‘सितु’या मू-हामा (संरक्षक)



भाजु पियुषवहादुर अमात्य

बुद्धि - नेपाल सम्बत १०६५

(वि. सं. २००२)

थाय्बाय् - वंग: त:धंचुक, ये

उच्चशिक्षा व्यवस्थापन व्यक्त: शिक्षा सुधारया सत्साहं अध्ययन वयाय् दुर्हाभाल । ने. सं. १०८५ (वि. सं. २०२४) स त्रिभुवन विश्वविद्यालयया सिनेटय् निर्वाचित नं जुया दित । ह्युपाया लागि भाय्बुचाहा छहा सकृतिनिया वयाय्हा, ध्वका उचना उचनाजक सन्तोष जुहमकया ने. सं. १०९१ (२०२८) स स्नातकत पाखें राष्ट्रिय पञ्चायतया उमेदवारय् दना राजनैतिकय् पला: तयादित । कृषि प्रधान थ:गु देशय् उद्योग स्थापना यायेगुलि नं तस्सकं उस्ताहित जुया दित ।

देशया धर्म जातिय थ भाविक समानताया लागि नं व्यक्त:या स: ध्व: । इलय् वयलय् मां-भाय् थकायेत व्यक्तलं यानादीगु खहालि स्तुत्य ख: । थ व्यक्त:या मां-भाय् प्रति थ:गु मतिनाया वि स:सा, छखें अनूतय्गु थ:गु अभिव्यक्तिया जन्मसिद्ध अधिकारप्रति आग्रह नं ख: ।



# सितुया सह-संरक्षक जुया: ग्वाहालि यानादीपिं



प्रेमशान्ति तुलाधर  
(कमल पुख्रू, येँ)  
नेपालभाषा - प्राध्यापिका  
पद्म कन्या क्याम्पस



घनश्याम राजकर्णिकार  
(कमल पुख्रू, येँ)  
प्रकाशित सफू :  
(क) केही चिन्तन केही सन्थन  
(ख) स्वदेशको सम्झना विदेशको यात्रा  
(ग) सम्पादन - बुद्धको सम्झना  
— कल्याणको कामना  
अध्ययन: एम. ए अर्थ शास्त्र,  
इण्डस्ट्रीयल म्यानेजमेण्ट, प. जर्मनी



शम्बरकाजि कसा:  
केल' मासं गल्ली, येँ  
(चि-बाखंमि, साँस्कृतिक व पेन्टिङ्गय् रुचि)



शारद श्रेष्ठ  
वाग बजार, येँ

# पौडिनाम लीहाङ्गः आम्हू ललङ्ग-हुङ्ग ललङ्ग



**पशुपतिमत्त प्रधानाङ्ग**

चोखे त्वाः, खवप

(समाजसेवी, तबला वादनय रूची)



**केदार सुवेदी**

तौमडी त्वाः खवप ।

(धर्म व भाषा अन्वयवणय रूची)



**कृष्णबहादुर श्रेष्ठ**

१०/१९९ यालाछे, यल

प्रोग्राम अफिसर

(पाटन संयुक्त क्याम्पस)



**कृष्ण जोशी**

नाग वहाः, यल

नेपाल भाषा - प्राध्यापिका

(पाटन संयुक्त क्याम्पस)

(जीव प्रवृत्तयो व ललङ्ग-हुङ्ग, मीनाङ्ग-जी)





**ज्वाला स्थापित**

येँ

नेपाल भाषा — प्राध्यापिका  
(पाटन संयुक्त क्याम्पस)



**रविरत्न शाक्य**

ॐ बहाल, येँ

गणित — प्राध्यापक  
(पाटन संयुक्त क्याम्पस)



**सुजाता सामन्थर**

त्यौड त्वा: येँ

(शिक्षिका— आनन्द कुथि बिद्यापीठ)

**अनागतरत्न कसा:**

केल बालकुमारी, येँ ।

**केशव बहादुर श्रेष्ठ**

(इलेक्ट्रिकल इन्जिनियरिङ्ग)

कान्तिपथ येँ ।



## सह-संरक्षक जुइत बचं बियादीपि

- ✽ रत्नमान डंगोल, मखन त्वाः, येँ
- ✽ निरञ्जनरत्न शाक्य, येँ
- ✽ शान्तहर्ष वज्राचार्य, येँ
- ✽ कृष्णकमल मल्ल, ख्वप

## ‘सितु’या आजीवन ग्राहक जुयादीपिं

१. मय्जु मोतिलक्ष्मी शाक्य  
७/२५८ कोहिति, येँ
२. मय्जु सरला प्रधानाङ्ग  
केल त्वाः, येँ
३. मय्जु मनदेवी तण्डुकार  
नेपाल बैंक लिमिटेड  
प्रधान कार्यालय
४. माजु दीपक मानन्धर  
५/७२३ मरु चिलाछेँ, येँ
५. माजु दुर्गेशराज दली  
ताहाचः त्वाः येँ
६. माजु रञ्जुराज तुलाधर  
तहाचः त्वाः येँ
७. शोभा इम्पोरियम  
विशाल बजार  
(SHOP No. 32)  
शुक्रपथ, येँ
८. माजु ॐ बहादुर श्रेष्ठ  
२०/५०४ ठमेल, येँ
९. नैर्सासिह नर्कसि  
चक्रपथ सानेपा, येँ
१०. जन-ज्योति पुस्तकालय  
भक्तपुर नगर पञ्चायत  
ख्वप

छिकपिनि छेँ दनेत

अथवा

छुं निर्माणया ज्या यायेत

बांलागु, स्यल्लागु

अप्पा

माःसा

जिमित लुमंका दिसँ ।

धाःथाय् धाःगु इलय् सेवा यायेत

जिपिं लँ स्वया च्वनागु दु ।



श्री छुमः गणेश चिमिनिभत्ता

सल्लाघारी, भक्तपुर तिनकुने न्होने,

# MITSUBISHI LANCER

HIGH CLASS FAMILY CAR

Power, Space, Comfort  
and even greater Fuel Economy



**MITSUBISHI**  
**MOTORS CORPORATION**  
**TOKYO, JAPAN**

Sole Distributor for the kingdom of Nepal:

**AE** AMATYA ENTERPRISES (P.) LTD.

477 Indrachowk, Kathmandu-9, Nepal.

Telephone: 14098

Showroom: Tripureswor, Tel: 16126

Ph-132222

का. मे. अ. द. नं. १६३/२५३

थाकू : हिसि प्रेस, जमल, सेतो दरबार, ये ।